

THE GOSPEL ACCORDING TO

ST. JOHN

IN THE LANGUAGE OF THE
MALLISEET INDIANS
OF NEW BRUNSWICK.

LONDON

1870.

ST. JOHN.

Chapter I.

1 Taněk' ũmskooš' machahak' Kũlooswagũn eoos': ha neaga Kũlooswagũn wejāooa'-bũnĩl Nũkskamũl: ha neaga Kũlooswagũn Nũkskamwewoos'.

2 Yoot taněk' ũmskooš' machahak' wejāooa'-bũnĩl Nũkskamũl.

3 'Mseu kėkwsāl ooche-kesetāsoosũp'ũnĩl nāgũm; ha neaga tan skat keset'tookũs', skat kesetāsewĩs'.

4 Nāgũm oohũkėk pũmowsooagũn eoos'; ha neet pũmowsooagũn oopũsākwhėkũmooō pũmowsooenooũk.

5 Ha pũsakwhėk lebateahtės pĩskāhtā-dook, ha pĩskāhtėk skadama wekwėhtoonāweepũn.

6 Pũmowsoo'enoō' oochĩpchetak'anės' Nũkskamooĩkōōk le' wesoos Sabadĩs.

7 Nāgũm ooche-pũkũchehės' oonoochĩn-speu-wōōlaman, oonũspeuwōōlāmāđ'ũmũn yoot pũsakwhėk; wėlaman 'mseu wānĩk ooche-woolāmsūtũmoote'nea nāgũm oohũkėk.

8 Skat net nāgũm pũsakwhėk, kānook-ũloo ũpcheda'kanės' oonũspeuwōōlāmāđ'ũmũn yoot pũsakwhėk.

9 Net oolāmāwagūne-pūsakwhēk tan egū-hak's ooskīt'kūmīkw, pūsakwhā'tooōts' 'mseu pūmowsoo'enoō'.

10 Nāgūm eoos' ooskīt'kūmīkw, ha neaga ooskīt'kūmīkw oochekeših'tasoos nāgūm oohūkēk, ha neaga ooskīt'kūmīkw skadama ookūchījehoogooesūb'ūnīl.

11 Pūkūchehēs' tan yoot nāgūm tēbēl-tūk, ha nāgūm tēbēltūk skat wekwēhlū-gooūn.

12 Kānookūloo tanīhī wekwēhlījīhī oome-lanēs' tūpēltūmooagūn Nūkskam oonejanīn, nīktūna tanīk wēlamāwēltūmāt we'sooūn.

13 Tanīk skat wēje-nūmekūsoolteekwīk pūka'kūnūk, kūšūna 'mhūk ooledūhadūmooa'-gūnūm īkōōk, kūšūna pūmowsooenooūk ooledūhadūmooagūnūmoo-īkoo'ōk; kānookūloo oochenūmegoosooltooūk Nūkskam-ooīkōōk.

14 Ha Kūlooswagūn 'mhūkooēsoos', ha eoos' tan āāyūkw, ha k'nūmetooōnēnoopūn ookechetūmetūhadūmooagūn; stūkā' Wāg-wōōsīt Nūkskam wīhwebeu' ookwōōsūl ookechetūmetūhadūmooagūn, ūpsūnpoos' hū-lēlmoogwāwagūn ha neaga oolāmāwagūn.

15 Sabadis, (San), oonūspeuwōōlāmālas-ūbūnīl, ha ootookēmīhtāsoos', eetūmoos': Woot nāgūm tan woot nēstūhookpūn [tan ēgedū-man'] tan woot wējepūkūchehat n'tasedāmūk eoos mēskw nel ā'ewōn', ee'būchūl peēme-k'chetūmītpūsoo katūk nel.

16 Ha 'mseu tan kēseyūk'w koochim-sū-

nūmūn-ēnoo'pūn oopūsnāta'gūnūm, ha neaga lēlmoogwāwagūn ooche lēlmoogwāwagūn.

17 Kānookūloo bootosoogūn oocheme-looōnēs' Mooisk, kānookūloo lēlmoogwāwagūn ha neaga oolāmāwagūn ooche-ch'kooehēs' Sā-soos oohūkēk.

18 Měskw wēn nūmehow'eūl Nūkskamūl tan tēpōōkt toocheu ; wīhwebu Ookwōōsūl tan Oometākwsūl ootlāmsēk āelejīl, nāgūm ooke-sāgūnemal.

19 Net yoot Sabadīs oonūspeuwōōlām-āwagūn tan toocheu Lēsweesūk oochīpche-daka'nea Sāloosālēm'k' pahtūleaas ha neaga Lebeik' wēdabēkselejīhī oopabēhchemā'nea : Wēn kel ?

20 Ha oopabēkāgūnoodūmooa, ha skat ookadooūn, kānook oopabēkagūnoodūmooa, eedūm : Nel skat Newēskooweu.

21 Eaga ootūle-pabēhchemā'nea : Kēkw-sā'ūloo ? Kel net Eleijah ? Sabadīs eetum : Skat : Kel net nekanīkchījeta'kāwīn ? As-edāmat : Skat.

22 Netwāje yūhatīt : Wēn kel ? wēlaman n'keseasedēma'nooūk tanīk pējetakūlīnūmūk-pūnīk : tanūloo ūktūloo'dūmūn ūkhūk ?

23 Sabadis eetūm : Nel ookūloosooagūn tan wēn ētlookēmīts bakūtakūmeekw, ētle-ēdūkūs : Oolekeakwādook Ukchesakūm ootowt' : tan e'dūkūs nekanīkchījeta'kāwīn Esae.

24 Nīkt tanīk kesīpche-takēm'kūsūp'ūnīk ooche-eooltūsūb'ūnīk Pālooseūk oohūkāwōk.

25 Ha oopabëhchemawöl, ootehawöl: Net-wāje këkwsäüloo wëjepapteisooëhloo'eün? skat Newëskoowewün, küsüna Eleijah, küsüna nüt nekanikchijetakāwīn.

26 Sabadīs asedāmāt, eetüm: Uhoodëhloo nel n'papteisooëhloo samagwanük; kānooküloo wën sëhkët abaseu ükhükāwök, tan skat këjejahawëkw;

27 Nāgüm nüt tan wëjepüküchekat n'tasedāmük, ha eoos' mëskw nel äewön'; tan oochesügoonāp' skat nel 'ntepkow teunāwīn' 'ntāpkwëhtooön.

28 Net neetül këkwsääl keskājītpeaks-übüneegül Bātābülëk, kamük seep tan ëlewesooik's Sooldün, (Jordan), tan tët Sabadīs ëtlepapteisooëhtasīts.

29 Net ā'taeu' keesook Sabadīs oonüm-īhal Sāsoosül wëchkooë'halejīl tan āīt, ha eetüm: Sagīhōök! K'chenükskam Ootüsep-eesümül, tan machëptakw ooskīt'kümi kw lakümükssoagün.

30 Nāgüm nüt tan wëskooemookpün tan eetümanpün: Ooskedāp oochepüküchëhë n'tasedāmük tan āīts nel mëskw a'ewön', eebüchül eoos nel mëskw ā'ewön: (eebüchül äjepeāmīkchetümütpüsoos' katük nel).

31 Ha nel skat n'küjejahawīs': kānook-üloo wëلمان oochemëswātasīn Islëlk'wëchkooë-papteisooëhlooe-anpün samagwanük.

32 Ha Sabadīs 'nspeuwoolāmāpün, eet-ümoopün: Nkesenümüha Nükskam oochücha-

kool oochebünëgwësoo spümkeek leegoo stükā' pülës', ha üngësoo oohükëk.

33 Ha skat nūnoo-owee-pūn; kānookūloo nāgūm tan ēlgemītpūn n'papteisooēhlooōn samagwanūk, n'tehoogoo-pūn nel: Uktūmehach' Nūkskam oochūchakool oochkooe-pūn-ēgwëseelīn ha n'gësooūl oohükëk, nūt nāgūm tan noochepapteisooēhlooēt We-je-oole-newëskwīt-ooīkōōk. (Nūkskam oochūchakool.)

34 Ha nel nūmehapūn ha nūspeuwoolām' nūt choo Nūkskam ookwōōsūl.

35 Net ā'taeu' keesook Sabadīs apch sēhkēt, ha nesoo tanīhī ēgēhkemajīhī [wejā-ooawōl.]

36 Ha ootūtłūsagehal Sāsoosūl pāmoo-sālejīl, eetūm: Sagīhōōk'! ootūsepeesūmūl Nūkskam!

37 Ha yookt nesooūk egēhkemoojīk oonoodoowawōl Sabadesūl ētlewëstoolejīl, ha nā'gūmow oonoosoogooawōl Sāsoosūl.

38 Eaga Sāsoos kwōōlpekapoōēsoo, ha oonūmīha oonoosookagoo, ha ootīha:

Kēkwsā' kwelooōtoōēkw? Ootēhawōl: Labēi, tan kese kwōōlpewetasīk, eetūmūn, Uktūbēltūm, (Sakūm) tama' k'tīh'?

39 Sāsoos ootīha: Ch'kookowdīkw, ha k'nūmetoonea'ch. Pētkowtooūk ha oonūmetoo'nea tan tēt āelīt, ha wejāooawōl net keesook. Tamaha'l 'nkoodīnskēgāwā' pas-koodeegūn.

40 Pēskw nīkt nesejīk ooskedāp'ēūk ta-

nik oonoodoo-owösüb'ünl Sabadesül ëtlewës-toolejl, ha neaga n'noonösoogooönea Säsosül, Atülä' nüt, Semoo Peäl wëjegededejl.

41 Nägüm tük oomüskooöl wëjegededejl Semooül, ha ootihal: N'müskooön Newëskwüt, tan kese kwölpewetasik edasoo Mïmkwāna.

42 Ha oopëjïphal Säsosk'. Säsos äs-agihat, eetüm: Kel Semoo, Sona ookwöösül. Keel üktülewehoogüch Seepüs, tan kese kwölpewetasik, edasoo, Pünöp'skw, (Peäl.)

43 Net kütük ātaeu' keesook Säsos kütelehë Gooelëtk, ha oomüskoowöl Pelïpül, ha Säsos ootihal: Noosookoo'n'.

44 Net Pelïp tülāoweu Bëtsādāk, Atülä' ha Peäl ootodēnāwö.

45 Pelïp oomüskooö Nataneälül, ha ootihal: N'kesïmskooön nägüm tan Mooes ütploodümooagün iköök, ha neaga nekanïk-chïjetakāwïnooük ootoowikhowösïbünl, nüt nüt Säsos Sosëp ookwöösül, tan oochā' Nasalëtk.

46 Nataneäl ootihal: Mäch kese këkw küloöt wëjenoodahhak Nasalëtk? Pelïp ootihal: Ch'kooe ha sagiht.

47 Säsos oonümïhal Nataneälül wëch-kooehalejl tan äit, ha ootüle-ägünemal: Sagihöök! Islëlk wedättoonküsit, këtlāwāo-agün iköök, tan oohükek këspoogahlütoagün skat eyewe.

48 Nataneäl ootihal: Tama tët koochïk-

chejihe nel? Sāsoos asedāmat, ootīhal: Mēskw wekwimlook'w Pelip, ā'eün āmēkāoo meenik-ūpūs', k'nūmehooloopūn.

49 Nataneāl asedāmat, ootīhal: Labei, N'sa'kūmam, kel Nūkskam Ookwōōsūl, kel Islēl Ookīnchāmūs'ūmūl.

50 Sāsoos asedāmat, ootīhal: Eebūchūl k'tehooloopūn, k'nūmehooloopūn āmēkāoo meenik ūpūs', netwāje oolāmāwēlmeün? k'nūmetoonūl'ch ājenūgūmkīkwūnool, āje-ūšūge-na'gootool, skatūk neetūl.

51 Ha neaga ootīhal: Ulāu, ūlāu, yūhool, ēlmeha'kch k'nūmedoo'nch spūmk pantēhtēhch', ha Nūkskam ootasālīm oonagīh'eūk ha neaga āmēhkēheūk pūmowsooīn Ookwōōsūl oohūkēk.

Chapter II.

1 Ha noohooāwā' keesook nebooōwagūn egēhāpūn Cānāk, Gooelētk, ha Sāsoos wegooūsūl net eoobūnīl.

2 Ha neaga Sāsoos ha neaga tanīk wēdūkēhkemootpūnīk oohūkēk wekwemabūnīk nebooōwa'gūnūk.

3 Ha tan mēchehak mēkwabak Sāsoos wegooūsūl ootehāpūnīl Sāsoosūl: Skadama oomēkwabakūmē'weyūk.

4 Sāsoos ootīhal: Apīt' wowchehool? n'tēbūnaskooe-hagūm mēskw egūhāoo.

5 Wegooūsūl ootīha lookā'wenoo: Tan Sāsoos yūhoolakw, net ūlookhūtīkw.

6 Net ūpooltooūk net kamachīn samag-

wōnāyak pūnōpskwāūk katkookūk, Lēswee-sūk etūlewōkūmālūtīmāwāamooō Ikōōk; lebūskasooltooūk hal nesīnsk galonūk.

7 Sāsoos ootīha: P'sūnpēhlook samag-wōnāyak katkookūk samagwōn. Ha oop-ūsūnūpēhlawō, ha tētpūpēhlawō.

8 Ha ootīha: Oochesoogatook tūkā'ch ha lapelūmoowōōk' ētlesakūmowīt wīkūpaltemūk. Neaga ootūlāpelūmooōn'ea.

9 Tan toocheu ētlesakūmowīt wīkūpaltemūk kese kwētūk samagwōn, tan mēkwapakēhtasīk, ha skat ookūjejetooūn tama'tūlā', kānookūloo lookāwenooūk tanīk soog-atagwīk samagwōn ookūjejetoo'nea, ētlesakūmowīt wīkūpaltemūk wīhkwemal moos-emāleāool,

10 Ha ootīhal: 'Mseu wēn tūmk poo-nēhtakw mēkwabak kēlooōk, ha ookese-mū-kēsūmooltetīt, toocheu tan skat ēdooche-kū-looūtoonook. Kānookūloo kel kese 'nkēhtoon kēlooōk mēkwabak malūmūtā tūkāch'.

11 Net yoot tūmkāwā kenooōskoodeegūn Sāscos kesetakwpūn Cānāk, Gooelētk, ha oomēsooādoonāpūn ookechetūmetūhadūmoo-agūn, ha tanīk wētūkēhkemootpūnīk oohūkēk ootūle-wōōlāmsūtūm-ooteneapūn oohūkēk.

12 Net agīntē Sāsoos lebūnēhgwēsoopūn Cāpūlneūmk', nāgūm ha wegoo'ūsūl, ha wījegemajīhī ooskedape, ha neaga tanīk wētūhkēhkemoojīk oohūkēk, ha yoot tēt skat oosīpkeyool-teuneaweepūn.

13 Net kāga Lēsweesük oonankūmīhā-kāwāa'mooō, ha Sāsoos ūtkwakwēhē Sā-loosālēm̄k'.

14 Ha ootūtlimskooōh K'chehemeāwīg-wamūk nīkt tanīk ētlankoohūtelejīhī koo-oo-soo, ha ūseep, ha plēs, ha noocheēswoōngīk man ūpooltōō.

15 Ha ooche-kesēhtoon ebēs' ababūsees' īkōōk, 'mseu oochenoodēpow'oola K'cheheme-āwīg-wamūk, ha koo-oo-soo, ha ūseep, ha oosoogeikan nooje-ēswoōngīk oomanīm'ooōh, ha ookūtqwādoonanūl ootatooe'-pootewōl.

16 Ha ootīha tanīhī ankooēkhatejīhī plēs: Sēmatōōk netūl: Moo sak malsanīg-wōmādooakēkw N'mīhtakws week.

17 Ha tanīk wētūkēhkemoojīk oohūkēk oomīkwetūhadūmūnea ootūlwīkhasīn: Ookū-sēlmūkwsot kel kegūk tūlā', nūhkahlūkoon.

18 Netwāje Lēsweesük asedēmatīt Sā-soosūl, ootīhawōl: Kēkwsā' kenooōskoodēgūn mēsooēhtooēk koojelēhtoon netūl?

19 Sāsoos asedāmat, ootīha: N'kekask-wōōskātōōk yoot K'chehemeāwīg-wōm, ha n'-soogūnūk' n'kesetoonch'.

20 Netwāje Lēsweesük eetūmootīt: Nā-ooīnsk kēseegūtūn chēl kamachīn kwūneta-soopūn yoot k'chehemeāwīg-wōm, ha kelūch' kesetoon'ch n'soo'gūnūk?

21 Kānookūloo Sāsoos wēsloo'ootūk oohūk ookechehemeāwīg-wōmīn.

22 Netwāje keseabījebēt', tanīk wētūkēh-

kemoojik oohükëk omikwedühadümülün
nägüm ookese-yoohoogoon-ea'bünl yootül.
Ha oolämsütümün'ea tan ëlwikhasik [K'che-
wikheegünük,] ha neaga külooswagün tan
Säsoos kese-yühatpün.

23 Na tan toocheu Säsoos äit Säloosälëmk
wikhüpaltemük nankümühakāwā, wikhüpal-
tookeesookük, üktanowksooük wëlamsütüm-
ootit wesooünük, tan toocheu nëmetooteejil
kenooðskoodeegünül tanül keselëhtakājil.

24 Kānooküloo Säsoos skat ootüle-oolam-
süt-oowün oohükāwök; eebüchül 'mseu
wënihil ooküjejeja;

25 Ha skat ootümetühamoweül wënül
oonüspeuwoolamāwön ooskijenoöl; eebüchül
oonükanünüm'ünül tan! këkwsäl äekil pū-
mowsooenooük.

Chapter III.

1 Naga ooskedape äitsübünök' Pālooseük
oohükāwow' Iköök lewesoosübünök Nīkoo-
dëm, tanök ëtlitploodüm-ooenooitsühünök
Lesweesoo Iköök.

2 Nägüm ootëtle-püküche-anësüp'ünül
Säsoosül nebayoo, ootehasüp'ünül: N'sakū-
mam, küjejechoolpün künoodükëhkekāmīn
wëjehayīn Nükskamoo Iköök; eebüchül skat
wën cokeselātoonül yootül künooðskoodeegū-
nül tanül kel kesetoonül, skat Nükskam weje-
hāma'kw.

3 Säsoos asedāmat ha ootihal: Ulāu,

ŭlāu, yōōhool', skat wěn mŭnooŭnŭmee-koos-
eekw, skatŭch oonŭmetooŭn Nŭkskam ookŭn-
chāmŭswagŭm.

4 Nŭkoodēm ootŭhal: Tanŭch wěn tŭle-
kese-nŭmekoosŭn kes kēcheuskŭjenooŭt? kese
pejčsoo'p nesāwā' wegooŭsŭl ha apch nume-
koosoo?

5 Sāsoos asedāmat: Ulāu, ŭlāu, yōōhool,
skat wěn oochenŭmekoosekw samagwōnŭkōōk,
ha neaga Wēje-oole-newčskwŭtooŭkōōk, skat
nāgŭm kesŭksehāoo Nŭkskam ookŭnchāmŭs-
wakemŭk.

6 'Tan kākŭw wējŭtkesŭtpehak 'mhŭkčk,
'mhŭk net: ha tan kākŭw wējekesŭtpehak
'mchŭcha'kwooŭkook, 'mchŭcha'kw net.

7 Moo sak asŭgetŭhasekŭch k'tehoolŭn
choodēhloo tēpkaootoo k'tŭlnabeoolte'nea
apch.

8 Woochowsŭn wētsŭk tan člecoole-dŭh-
adŭmooŭk, ha ke k'noo'tŭmŭn mētālāmsŭk,
kānookŭloo skat k'chŭjetoo'ŭn tan wējea'k
kŭsŭna tan āleha'k. Net tēlāŭt 'mseu wěn
tan wēje-ulnāb'čŭt Wēje-oole-newčskwŭt-oo-
kōōk.

9 Nŭkoodēm asedāmat ootŭhal: Tanŭch
yootŭl kēkwsāl ŭlekeselāu?

10 Sāsoos asedāmat ootŭhal: Kel čtŭ
čtlenoodŭkēhkekāmeŭn Islāl ŭkōōk, ha skat
k'chŭjetoo'nŭl yootŭl kēkwsāl?

11 Ulāu, ŭlāu, yōōhool' nooskoo-oodŭm-
ŭnēn' tāt kēje'toočk, ha nŭspeuwōōlama'dŭ-

mūnēn' tan neme'tooëk, kānookūloo kelooow' skat wihkwātoone'owweepūn nūspeuwōōlam-āwa'gūnūn.

12 Kese yōōhoolēkwsūbūn tanīl ooskītkū-mīkwāwāāl skat oolāmsūtūmooākoosūbūn, tanūch k'tūle-oolāmsūtūmūn'ea yōōhoolāākw tanīl spūmkeek tūlāyāl?

13 Ha skat wēn kese oona'gēsu spūmkeek nūt tēpōōkt nāgūm tan wēje-pūnāgwāsīts spūmkeek, ea' pūmowsoōin Ookwōōsūl tan eu spūmkeek.

14 Ha stūkā' Mooes tēleunagēlatpūn hatoosīsooūl bakūtakūmeekw, net tūkāch ootachooe-leonagēhlan pūmowsoōin Ookwōōsūl.

15 Wēlaman 'mseu wēn tan wēlāmsūtūk oohūkēk ooteīnch askūmowsooagūn.

16 Eebūchūl Nūkskam ēdooche-moosajīt-pūn ooskītkūmīkw w jemeloōētpūn wihwebu Ookwōōsūl, wēlaman mseu wēn tan wēlāmsūtūk oohūkēk, skatūp ūksekāhāwe, kānookūloo ooteīnp askūmowsooagūn.

17 Eebūchūl Nūkskam skat oocheūlkemo-we'būnīl ookwōōsūl ooskīt'kūmīkw oonmājītploodūmūlīn ooskītkūmīkw, kānook oocheūlkema'būnīl wēlaman ooskīt'kūmīkw oochekekan oohūkēk.

18 Tan wēn wēlāmsūtūk oohūkēk skat oonmājītploomaoo; kānookūloo nāgūm tan skat wēlāmsūtūmo'o'k tūkāch oonmājītplooma: eebūchūl skat wōōlāmsūtūmooūn Nūkskamūl wihwebu Ookwōōsūl wesooūn ikōōk.

19 Ha yoot wejihak oonmäjĩtploodũmoo-agũn, eebũchũl pũsakwhẽk egahak ooskĩtkũmĩkw, kãnookũloo pũmowsooenooũk pã-ãmemoosaje'nea pĩskatẽk skat tẽtpu pũshakwhẽk, eebuchũl ookesetakũnoowõl skat kũlooũtoo'eũl.

20 Eebũchũl 'mseu tan wẽn pooske-wõbũlũllookẽt oochũseenũmũn pũsakwhẽk, ha skat oopũkũcheowũn pũsakwhẽk, wẽlaman ootũlookãwa'gũnũl skat oochemowũnũl.

21 Kãnookũloo tan wẽn wẽlãmãlookẽt (ootũlãtoon oolãmãwagũn,) pũkũchehẽ pũsakwhẽk, wẽlaman ootũlookãwa'gũnũl kũjejeda'sooũl oochekeseda'sooũl Nũkskam-ooĩkõõk.

22 Net kesĩtpehãdool yootũl kẽkwsãũl Sãsoos pũkũchehããpũn, ha neaga tanĩk wẽtũkẽhkemoojĩk oohũkẽk pẽdabasoo'bũnĩk k'takũmĩkõõk Lẽsweesooakĩk, ha net tẽt ẽtlemoweooltetĩtpũn, ha ẽtlepapteisooẽhloootetĩtpũn.

23 Ha neaga Sabadĩs ẽtlepapteisooẽhloooããpũn Enũnk kwĩheu' Sãlẽmk, eebũchũl k'tanagoot samagwõn ãĩkpũn net. Ha pẽdabasoo'bũnĩk ha papteisooẽhtasooltoo'bũnĩk.

24 Eebũchũl Sabadĩs mãch mẽskw peesẽhloweepũn laplesoonũk.

25 Naga toocheu' pabẽhchetooagũn eegẽhẽ Sabadĩsk wẽtũkẽhkĩmkoosejĩk ha Lẽsweesooche wõkũmẽhlũswagũn.

26 Ha pẽdabase'neãl Sabadĩsũl ha ootehawõl: Labei, (Tũpẽltũm,) nũt ooskedap tan nesãowdeẽkpũn Kamũk Sooldũnk, ha kel tan

něspeuwōōlāmāootūpūn, sagīht, nāgūm pap-teisooēhlooē, ha 'mseu pūmowsooenooūk oopēdabaseeneal.

27 Sabadīs asedāmat, eetūm: Skadama wēn oomūsūnūmooūn kākw, skat oocheme'la-mook' spūmkek.

28 Kelooow' koojīnspeuwōōlamhūtechanel yōōhoolākpūn nel skat Newēskwīt, tan Mīmkwānoo; kānookūloo nekankīm' nāgūm oohūkek.

29 Nāgūm tan ā'uōt matamāleāwōōl, moosemāleā nūt; kānookūloo moosemāleā weda'beūl tan sēhkēt ha oonoodoowōl moosemāleāwōōl, kūma'ch oole'dūha'soo ooche moosemāleāool ēltakwseelīt. Netwāje yoot nooledūhasooagūn psūntē.

30 Nāgūm chōō pūme'nūgūmkīl, kānookūloo nel chōō n'pūmeāpsūgīl.

31 Nāgūm tan wējehat spūmūk mowespāu. Tan tūlā' k'takūmeegook, k'takūmegwāwā'net, ha ooskoo-oo'dūmūn k'takūmīkw. Nāgūm tan wējehat spūmkek mowespāu.

32 Ak tan nēmetakwpūn ha neaga tan noodūkūpūn, wējīnspeuwōōlamēt, ha oonūs-peuwōōlamāwagūn skadama wēn wekwēh-too'ūn.

33 Nāgūm tan wekwēhtoon oonūs-peuwōōlamāwagūn kesīnspeuwōōlamalat Nūkskamūl oolāmāwagūnelīn.

34 Nāgūm tanīl Nūkskam ēlkematpūnīl eetūmūnūl Nūkskamūl ookūlooswa'gūnūl;

eebŭchŭl Nŭkskam skat ootŭlemeloo-owoonŭl
Wĕje-oole-newĕskwilejŭl ŭtpeheegŭnŭk.

35 Wĕgwŏŏsŭt Nŭkskam oomoosajenŭl
Wĕmŭtakwslelejŭl Nŭkskamŭl, ha 'mseu kākŭ
oomclan opetenŭk.

36 Nāgŭm tan wĕlāmsŭtŭk Wĕmŭtakws-
elejŭl oohŭkĕk, ooteŭn askŭmowsooagŭn. Kā-
nookŭloo nāgŭm tan skat wĕlāmsŭtŭmook'
Wĕmŭtakwslelejŭl, skatŭch oonŭmetoo'ŭn pŭm-
owsooagŭn; kānookŭloo Nŭkskam ookeiooa-
gŭn ŭngĕsoo oohŭkĕk.

Chapter IV.

1 Netwāje tan toocheu Uksakŭmamŭn
ookŭjeje'toonāpŭn Pālooseŭk ookese-nootŭma-
teneā Sāsoosŭl ookesĕhlan ha ookese-papteis-
ooĕhlan peāme-ŭkchā'oweu' noojekĕhkemajŭhŭ
skatŭk tĕtpeu Sabadŭs ;

2 Cheegow' skat Sāsoos papteisooĕhlooĕkw,
kānookŭloo tanŭk wĕtŭkĕhkemoojik oohŭkĕk
papteisooĕhlootooŭk ;

3 Oonŭkŭtŭmŭnāpŭn Lĕsweesooakŭk ha
ŭlehāpŭn Gooolelĕtk.

4 Ha chooe-lesabehāpŭn Samālŭk.

5 Netwāje pŭkŭchehĕ oodānĕk Samālŭk
tŭlā'lewe'sooweŭ'Seikŭl, kwŭheu'k'takŭmŭkw-
ses tan Sako'p kese melātpŭn ookwŏŏsŭl
Soosĕpŭl.

6 Nŭt Sakop' weuhtabŭlmŭset net tĕt eoo-
pŭn. Sāsoos netwāje kŭspŭnāoos ŭ...hoolbĕ-
sŭn weuhtabŭlmŭseelŭt. Ha tamahal' abaskwe.

7 Net Samāleāwiskw' pūkūchehč oonada-pelūm. Sāsoos ootīhal: Sih'mooīn'.

8 Eebūchūl ēgēhkemātpūnīhī labasco'bū-nīk oodānēk oonatūnōōhmūn'ea mechooagūn.

9 Neaga netwāje Samāleāwiskw' ootīhal: Tan ūlāu kel Lēsweesooeūn ēgwējīm'eūn ēlūsmeūn nel, nel Samāleāwiskw'? Eebūchūl Lēsweesūk ha Samāleāweūk skat oosewākal-toolte'weuk.

10 Sāsoos asedāmat ootīhal: Kūjeje'too-ūnsūpūn Nūkskam ootūlēlmūgwēm kāwāyām, ha neaga ūkchījehūtsūbūn tan wēn yoo'hoosk Sih'mooīn', kweloodūmooōnāpūnp, ha ūkmīl-koonāpūnp' samagwōn pēmowhsooik.

11 Apet ootīhal: Sakūm, toowōbīlmūsoot'skadama ūkteuow', ha weuhtābīlmūset pīhtāl-gūt; netwāje tama tēt ūkteīn yoot samagwōn pēmowhsooik?

12 Kel ūkpeāmespā' skatūk kūmīhtakw-sūnook' Sako'p, tanak melīnmūkpūn yoot weutabīlmūset, ha wējūsmetpūn nāgūm, ha neaga oonejan', ha neaga ootoohēm'?

13 Asedāmat Sāsoos ha ootīhal: M'seu wēn tan wējūs'ūmīt yoot samagwōn, apchūch kūdoowōōsūmoo;

14 Kānookūloo tan wēn wējūs'ūmīt sam-agwōn tan nel melook'ch, skatūch kūdoowōō-sūmeu askūmeu'. Kānookūloo samagwōn tan melook'ch nel, ootabīlmūsīnch' oohūkēk, le-moos-kakūmetēhāch askūmowsooa'gūnūk.

15 Abīt ootīhal: Sakūm, melīn yoot

samagwōn, wēlaman skatūch n'küdoowōs'-ūmeu, kūsūna skatūch noochkooihow nada-peelūmoo.

16 Sāsoos ootihal: Ulih', ha wihkweman' kooskedapēm, ha koochkooihan yoot.

17 Asedāmat āpet ha eetūm: Skadama nooskedapēmeu. Sāsoos ootihal: Koolāmā-heetūm, Skadama nooskedapēmeu:

18 Eebūchūl kel nanoobūnik kocskedāp-āmūk; kānookūloo ooskedāp tan āuūt tūkā'ch, skat nesooweuneu. Ulāu eetūmūn.

19 Apet ootihal: Sakūm, nūmihtoon ūknekanīkchījetakāweenooīn.

20 N'metakwsūnook tūlyūmehatoo'būnik yoot woochōōk, kānookūloo keloow' uktetū-mooteba Sāloosālēm k ēchooetūlyūmehamūk.

21 Sāsoos ootihal: Apet, oolāmsītooin tēbūnaskooīhak chkoochē tanūch toocheu skatūch wihwenooamawewa Wēgwōōsīt Nūkskam yoot woochōōk, kūsūna Sāloosālēm k.

22 Keloow' skat kūchejetoonea tan kāk wihwenooōdūmēkw. Neloon nkūjejihan tan wihwenooamoo'kūt; eebūchūl kekāwagūn oochehē Lesweesoōīkōōk.

23 Kānookūloo tēbūnaskooīhak kūteēgēhē ha tūkāch' egēhē, tan toocheu oolāmāwagūne-emehāwenooūk wihwenooamawōlch' Wēgwōō-selejil Nūkskamūl 'mchūchakoo-īkōōk, ha oolāmāwagūn īkōōk. Eebūchūl Wēgwōōsīt Nūkskam ookwelooōhū wihwenooowōmkoon yūhōōht'.

24 Nūkskam 'mchūchakweu, ha taník wihwenooamajík, ootachooe-ūlewihwenooamawōl 'mchūchakoo íkōōk, ha oolāmāwāgūn íkōōk.

25 Apet ootíhal: Nkūjejíhtoon tan Mīm-kwānoot chikooíhě, tan ělewesít Newěšk. Tan toocheu pūkūchehatūch 'mseuūch kěkw-sāl ūktāgūnoodūm-agooněnooūl.

26 Sāsoos otíhal: Nel wěskooeemūl, nel nūt.

27 Net tēhna oopēdabaseelīn taníhí ěgěh-kemajíhí, ha asūgedūhasooltooūk ooskooeman āpelejíl. Kānookūloo skadama wěn eetūmoo, Kākw kwelooōhtooūn? kūsūna, kěkwsā' wěche-ooskooeemūt?

28 Un āpet oonūkūlal ootatooōhpelūmū-sooteūl, ha ūlíhě oodāněk, ha ootíha pūmowsooenoo,

29 Chkooabasíkw, ha sagíhook pūmows-ooīn, tan agūnoodūmooītpūn tan 'mseu kěkw-sāāl ěletakeanpūnīl. Skat nūt tan Mīm-kwēnoot? Newěskooīt?

30 Netwāje noodeabasetīt oodāněk, ha pēdabasooūk tan āelīt..

31 Net tēhna taník ěgěhkemoojík oohūk-ěk wekoodūmooōnea Sāsoosūl ootíhawōl: 'Nsakūma'mūn, mīts.

32 Sāsoos ootíha: N'teīn mechooagūn tan meeche, tan kelooow' skat kěje'jetoo'-čkw.

33 Netwāje nootūkěhkemoojík yōōhoo-

dooltooŭk: Māch wěn kěkwsā' ookesepčjip-tooŭn tan meecheelit?

34 Sāsoos ootīha: Net neeloo n'tūlēhtagan nāgūm ootooledūhadūmooagūn tan pedūke-mītpūn, ha n'kēsātoo'ŭn ootlookāwagūn.

35 Skat ŭktedūmoopa māch nā'ooŭk kesoo-sūk toocheu' kooŭkwnīkhūtīn? Sagīhōŭk, 'ktehoolpa, woonagēhtōŭk ŭkseskoo'wōl ha sagīhtōŭk pēmskoodāgīl, eebūchūl tūkāch' wōtēptādool ooche kooŭkwoonaasoo; (eebūchūl tūkā'ch wōbā'uīl keslēskwtāādool ooche kooŭkwoonaasoo.)

36 Ha nāgūm tan tēmsawēt oomūsūn-ūmūn abēnkagūn, ha koowōkūneegē askūm-owsooagūn ikōŭk: wēlaman nāgūm tan ēkehkēt ha nāgūm tan tēmsawēt mowewōŭledūhasooŭkch'.

37 Netwāje ŭlīhak yoot kūlooswagūn: Pēskw kehke, ha kūtūk tūmsawē.

38 K'pūchetakaloopūn k'tūmsawōn tan skat kese segūlookhūtūmooākoopūn. Kūtūkek ooskedāpēk' segūlookhūtoo'būnīk, ha kelooow' kūseabaseneapūn oosegūlookāwagūnooŭk.

39 Ha ŭktanakwsooŭk Samāleākāweŭk yoot oodānēk tūlāāyak, oolāmsūtūmūn'eal oohūkēk ooche āpet ookūlooswa'gūnūk, tan ēlīnspeuwōŭlamīt, eetūm: Nāgūm nūstoo'magoonūl 'mseu kěkwsāāl tanīl ēlāta'gean-pūnīl.

40 Netwāje tan toocheu' Samāleākāweŭk

pědabaseetīt āeelīt, wekoodūmooōnea wejāa-goo'nea. Ha net tēt kwūneheeyoo nesoo-gūneu'.

41 Ha apch peāmīktanakwōōūk wėjeoo-lāmsūtūmootetīt nāgūm ookūlooswa'gūnūk.

42 Ha ootehawōl āpelejīl: Tūkwch noo-lamsūtūmootenēn' skatūk kel ūkūlooswa'gūn-ūk, eebūchūl neloon' noodooōn' ha 'nkūje'-jīhan wōōt nūt oolāmāwagūn īkōōk oonoo-jekekēh'ooōn ooskīt kūmīkw.

43 Un kese nesoo-gūnūkak Sāsoos ooche-machēhē yoot tēt, ha pūkūchehē Gooelētk.

44 Eebūchūl Sāsoos ēlīnspeuwōōlāmā ne-kanīkchījetakā'wenoo skat ookeche-tūmetū-hamkwūsseewūn oomūt kīk.

45 Netwāje toocheu pūkūchehē Gooelētk Gooelētkāweūk wīhkwēhlawōl, eebūchūl kese nūmīhtoonea'būnīl 'mseu kēkwsāl kesātakw-pūnīl Sāloosālēm k wīkhūpaltemūk. Eebūchūl nāgūmow pědabasoo'būnīk ētlewīkhūpaltīm-kūpūn.

46 Neet Sāsoos apch pūkūchehē Cānāk, Gooelētk, tan tēt ētlemēkwabakātak'wpūn samagwōn. Ha tan wēn ēspesakūmowīt, (spesakūm) eu, tan ookwōōsūl ētlīksenoo'-kalejīl Cāpūlneūmk'.

47 Tan toocheu kese noo'tūmat Sāsoosūl oopūkūchehalīn Lesweesooakīk, ha kesooche-halīn Gooelētk, oopūkūchanūl ha wīhkoo-dūmooōn ootūle-pūnegwēseelīn, ha ooke'kū-han ookwōōsūl; eebūchūl kūtemēcheeneūl.

48 Sasoos ootihal: Skat nūmīhtoo'ūn kenooōskoodeegūnūl ha neaga asūgedūhaswa'gūnūl, skatūch koolāmsūtūmooūn.

49 Spesakūm ootihal: Sakūm chkooepū-nēgwēs' mēskw 'nkwōōs mēhcheenēkw.

50 Sāsoos ootihal: Machūha, kwōōs pū-mowsoo. Ha ooskedap wēlamsūtūk kūloo-sooagūn tan Sāsoos yūhat. Ha oomachūhan.

51 Net pēmēbūnēgwēsīt ootasegagoo ooskenoosūm, ha ootūleagūnoodūmooawōl, ootīhawōl: Kwōōs pūmowsoo.

52 Toocheu' pabēhcheemat tan toocheu' ocmachēhwōōl-mūlsenēs'. Ootēhawōl: Wōōlagoo nēkwē ājeehē, loogūnūkāwā' paskoodeegūn, hūpūsocaagūn ēkwehooht.

53 Netwāje oometakwsūl ookūjejetoo'lin net temeao paskoodeegūn Sāsoos yūhatpūn, Kwōōs pūmowsoo. Ha colamsūtūmūn nāgūm, ha neaga 'mseu week ēlebūskak.

54 Net yoot nesāwā' kenooōskoodeegūn Sāsoos kesēhtakw, kes kesuchēhat Lēsweesoakīk, ha pūkūchehē Gooelētk.

Chapter V.

1 Net kes kesītpēhak yootūl kekwsāāl wikwhūpaltēnāāpūn Lēsweesoo īkōōk, ha Sāsoos ūlītkwakwēhāpūn Sāloosālēm'.

2 Net Sāloosālēm' pēgootābāāgēk ēu kwīheu' ūsepīkhagūnēhteegūnūk lewesweu' Lēsweesoādoōāmūk, Bētēsda, (K'tūmagēl-kā-weekwōm,) nanūnool tōōhsanūl.

3 Ha ūktanakwsoobunīk ēlakwāchīk ūksenookāwenooŭk yootŭl tōōhsanŭl, 'nkabooltoobŭnīk, ha askasooltooŭk, ha tanīk n. . boōīkpŭnīl oopete'nooōl ha ookadooōl, ootŭtlaskooōhtooneapŭn, matpēgātasoo samagwōn.

4 Eebŭchŭl asāl' pŭnēhgwēsoopŭn kenoo-weu' chooōhpēsopŭn pēgootēbāāgēk ha māt-pēgātoonāpŭn samagwōn. Netwāje tan wēn tŭmk chāupēsītpŭn kese māt-pēgā'tasīk samagwōn, nŭt kekŭhootpŭn tan kēkwsā kēsenookatpŭn.

5 Ha ooskedape ēu'bŭnōk net tēt tanāk' kēsenookatpŭnōk n'sīnsk kēseegŭtŭn chēl oogŭmoolchīn.

6 Sāsoos nŭmīhat ootlŭsīnlīn, ha kūjeīhal ootŭlāeelin net kespīhchē', ooteha'pŭnīl: Kōle'dŭha'dŭmŭn kekŭhoogēn?

7 'Tan kēsenookat ootasedāmal: Sakŭm. skadama wēn n'tēuaoō n'choopēhlŭkoon pēgootābāāgēk tan toocheu samagwōn māt-pēgātasīk: kānookŭloo kwāne-lehaē tŭmk kū-tŭk nekane-chooōhpēsoo.

8 Sāsoos ootīhal: Oonagēs! oonagēh't koo-oot', ha pŭmoosēn!

9 Ha nŭkŭsaeu ooskedap' oolāu, ha oonagēhtoon ookoo-oot', ha pŭmoosēh. Ha net keesook atlasemooekeesook.

10 Netwāje Lēsweesŭk ootīhawōl: Atlasemooekeesook yoot: skat kooche-kesēltŭmagāāwŭn ūlgetŭmooa'gŭnŭk ūkpŭmīptoon koo-oot'.

11 Ooskedāp ootīha : Nāgūm tan keekīhīt n'teehūkw, Oonagēht koo-oot', ha pūmoosēn', (pūmīh.)

12 Netwāje pabēhchematīt : Wēn ēa' nūt ooskedāp tan yoohoosk', Oonagēht koo-oot' ha pūmowsooin' ? (pūmīh ?)

13 Kānookūloo tan kekōōhoot' skat ookū-jejehow'eul tan wēnīl : eebūchūl Sāsoos sē-masōōp'ūn, eebūchūl kūtanakwsoobūnīk āool-tītpūnīk net tēt.

14 Agīmtē Sāsoos ootūtlimskoowōl k'che-hemeāwekwamūk, ha ootīhal : Sagīh't kekūhook' ; moosa'k patawēhkasekūch āpch : skat ājemūtooā-yenookīch egahak ūkhūkēk.

15 Ooskedāp machēhē ha ootīha Lēswees Sāsoos nūt tan kekūhatpūn.

16 Ha netwāje Lēsweesūk ootūbloomawōl Sāsoosūl, ha ootūkwājenāpahawōl, eebūchūl yootūl ēlookājīl atlasemooekeesook.

17 Kānookūloo Sāsoos ootūleasedāma : N'mīhtakws pēmlookēt malūmūtē tūkāch' ha nel n'tūlook'.

18 Netwāje Lēsweesūk peāmekwāche-nā-pahawōl, eebūchūl skat tēpōōk't oosūgwōō-skēhtooūn atlasemooekeesook, kānookūloo māch āpch etūmoō'pūn Nūkskamūl Oometakwsīn, ha lēhlūsoopūn ootētpowoote'nea Nūkskamūl.

19 Netwāje ootūleasedāma, ootīha : Ulāu, ūlāu, tan yōōhoolēkw, Wēmītakwsīt skatūk kēkw kese ūnkoodōōkalēhtagāoo' ; tēpōōkt

nūmīhat' Wēgwōōselejīl ēlā'tagālīt eebūchūl tānīl Nāgūm ēlātagēt, neetūl ēaga Wēmītakwsīt tūhaloo ēlelēhtagēt.

20 Wēgwōōsīt oomoosalal Wēmītakwselejīl, ha ootūgēhkemanūl 'mseu kēkwsāā! tanīl ēlātagēt. Ha oom'iscoātoōōnūlch' ājenūkūmkīkoonool' skatūk yootūl, wēlaman koocheasūgedūha-soolteneach'.

21 Eebūchūl stūkā' Wēgwōōsīt abājīphat n'poo'enoō ha pūmowsooētahsīt, net pēscoon Wēmītakwsīt pūmowsooētahsīt tan ēle-ooledūhadūk.

22 Eebūchūl Wēgwōōsīt skat ootūbloomoweyūl wēnīl, kānookūloo 'mseu ūtploodūmooagūn oomeetan Wēmītakwselejīl.

23 Wēlaman 'mseu wānīk ookeche-tūmetūhamawōl Wēmītakwselejīl stūkā' ēle-keche-tūhamatīt Wēgwōōsilījīl. Tan wōčt skat kechetūme-tūhamak'w Wēmītakwselejīl skat nāgūm ookeche-tūme-tūhamow'eūl Wēgwōōselejīl tanīl pētūkīmtūpūnīl.

24 Ulāu, ūlāu, yōōhoolēkw, tan wēn noo'tūk 'nkūlooswagūn, ha wēlamsūtūk oohūkēk tan pūtūkīmītpūn, ooteeln askūmowsooagūn, ha skatūch eegehāoo wōōnmājītploodūmooagūn īkōōk; kānookūloo ookeseuchenoodēhē n'pooa'gūnūk agīmte pūmowsooa'gūnūk.

25 Ulāu, ūlāu, yōōhoolēk'w, tēbūnaskooīhak kūte-egēhē, ha tūkāch' kese-egēhē, tan toocheu' n'pooenooūk oonoodūmooteneach Nūkskam Ookwōōsūl ookūlooswagūn; ha ta-

nīk oonoodūmootenea'ch pūmowsooltooūkch.

26 Eebūchūl stūkā' Wēgwōōsīt āīt pūmowsooagūn oohūkēk, net ēlemeelat Wēmīta-kwselejīl oote-eelīn pūmowsooagūn oohūkēk.

27 Ha oomelanāpūn pēltūmooagūn ootūb-loodūmūlīn, eebūchūl nāgūm pūmowsooīn Ookwōōsūl.

28 Moo sak' asūksūtūmookēkw yoo'tūl. Eebūchūl tēbūnaskooīhak egēhē tan toocheu 'mseu wānīk tanīk āooltejīk pooskūnegūn-alkwīkōōk oonoodūmootenea'ch ookūlooswagūn;

29 Ha ooche-mooska-basooūkch, tanīk kese wōōlāta^hhūtītpūnīk, pūmowsooagūnā' abījebēm kāwā' ikōōk; ha tanīk patawēk-asooltītpūnīk, wōōnmājītploodūmooagūnā' abījebēm kāwā' ikook.

30 Skat kēkw n'kesīnkwōōtoogūtūmoo. Tan ēlenoo'dūm net ēlītploo'dūm; ha n'tūploodūmooagūn keakwīhē. Eebūchūl skat 'nkwelooōtoo'ūn nel nooledūhadūmooagūn; kānookūloo n'kwelooōhtooōn' Wēgwōōsīt ooledūhadūmooagūn tan pētūkemītpūn.

31 N'speuwōōlamāuseān' nūspeuwōōlamāwagūn skat ūlehāu.

32 Kūtūk ēu tan nēspeuwōōlamāwīt, ak n'kūjejīhtoon oonūspeuwōōlāmāwagūn ūlīhē, tan ēlīnspeuwōōlāmāwīt.

33 Kelooow' ūktūlgegēsīneaapūn Sabadīsk', ha nāgūm līnspeuwōōlāmāapūn oolāmāwā'gūnūk.

34 Kānookūloo nel skat noochewekwēh-too'ūn n'speuwoolāmawagūn pūmowsooenoo ikōōk. Kānookūloo yootūl kēkwsāāl etūmanīl wēla nan koochekekateneap'.

35 Nāgūm (Sabadīs) pūsakwhāpūn tūlām kūlāpūn ha ūksahtooāpūn, ha kelooow' kooledūhadūm-ūneapūn makeāoo kooledūhasooltenea oopūsakwhēgūm ikōōk.

36 Kānookūloo peāme nūgūmkīkwōōn n'speuwōōlāmāwagūn n'tein skatūk Sabadis oonūspeuwōōlāmāwagūn; eebūchūl lookāwa'gūnūl tanīl Wēgwōōsīt melītpūnīl n'kesātoon, yootūl lookāwa'gūnūl tanīl ēlookeanīl, nūspeuwōōlāmāookoonūl, Wēgwōōsīt n'pētūkimkoon.

37 Ha N'mīhtakws tan pētūkemītpūn n'kespeuwōōlamāookoopūn. Kelooow' skat k'noodūmoowūneaweepūn ēltakwsīt, kūsūna skat k'nūmehoweuwaapūn tan ēleegīt.

38 Ha ookūlooswakūn skat ūktemooowwōōnea mējīmtāwe ūkhūkāwīkooōk. Eebūchūl tanīl pētūkīmatpūnīl, skat koolāmsūtooaweewa.

39 Wōōle-pabēh-kesagihtōōk Nūkskamāwāyāl Awīkhāsegīl, eebūchūl ūktūledūhasoolteeba net tēt ūkte-e'nea askūmowsooagūn, ha yōōtūl netūl wējīnspeuwōōlāmāweekīl nel.

40 Ha skat kooledūhadūmooneaweepūn koochkoowehe-e'nea nel, ūkte-eneap' pūmowsooagūn.

41 Skat noojimsünümoo'un kechetümetüham-koosooagün pūmowsooenoo ikōōk.

42 Kānookūloo kūjejeoolpa skat ūkteoolteoonea Nūkskam ookūsēlūmooksooagün ūkhūkāwīkooōk.

43 N'pūk'ūche N'mihtakws wesooünük, ha skat ūkwekwēhlehahkwōōpūn. Apch kūtūk pūkūchehat' nāgūm ūtā wesooünük, koowe-kwēhlawōch' nāgūm.

44 Tan' ūktile-kese-oolam-sūtūmootē'nea? kelooow' kūmūsünūmowtool-tē'nea k'chetūmetūham-koosooagün, ha skat kwelooōhtoone'-a net k'chetūmetūhamkoosooagün tan wējehak' tēpōōkt Nūkskam ooikōōk.

45 Moo saak ūledūhasooltekēkw' mūsīmlūbach' N'mihtakws k. Eu tan wēn mēsīmūlakw, nūt Mooes', tan oohūkēk ēledūhasoolteēkw.

46 Eebūchūl woolāmsūtōōk'w Mooes, koolāmsūtōōeebapūnp nel. Eebūchūl Mooes oochewīkhegāpūn ooche nel 'nhūk.

47 Kānookūloo skat wōōlāmsūtūmooā'kw ēlooīkheegētpūn nāgūm, tanūch ūktūleoolāmsūtūmūn'ea nel 'nkūlooswa'gūnūl?

Chapter VI.

1 Agīmtē yō tūl kēkwsāāl Sāsoos kwōōsū asoopūn Goolēlēik tūlā' soo'bēkw tan Teibeleūs oosoobēkwūm.

2 Ha ūktanakwsooūk pūmowsooenooīk oonoosookwawōbūnīl, eebūchūl oonūmīhtoonēabūnīl kenooōskoodeegūnūl tanīl kesetagwīl kēsenookūtejīk oohūkā'wīkoo'ōk.

3 Ha Sāsoos tkwakwāhāapūn woochōōk, ha net tēt oomowoopih'anēbūnīhī tanīhī ēgēbke-matpūnīhī.

4 Net nankūmehamkāwā' wīkoobalteemūk kūte-egēhē: net Lēsweesūk wīkoobaltīmkā-wāūmooōk.

5 Netwāje Sāsoos āwābeu labēsoopūn ha oonūmīha kēsēlīt pūmowsoo'enoō wēchkoo-abaselejīhī tan nāgūm āīt, toocheu ootīha'-būnīl Pelīpūl: Tamapa'l kesutūn'ooaha'n hūpan tanīlp' kese mūhatejīl yoochooh't?

6 Wējeyūhat net ootookwētsskōōhlal: eebūchūl Sāsoos ookūjejihtoon tanūch ēlā-tagēch.

7 Pelīp ootasedāma'būnīl ootīhal: Nesa'tkw denāleūl, (man net tana'p n'koodīnsk kēsītkegoon,) ēlaootīt hūpan skatūp māme-hāoo chegaoō ā'taseu wekwēhlat āpsūgīlsūs-wōōl.

8 Pēslooūl yoochoo'ht pēmūkēhkemajīhī, Atūlā', Semoo Peāl' wījegetetejīl, ootīhal Sāsoosūl:

9 Ooskenooses ēuloo tan ā'ooōt nanoo baleāwāya ūpkwāseegūn; ha neaga nesoo ūpsūgīlsūselejīhī nūmēsē's. Kākw pal nīkt ūleoolāta'geūk kēsīt pūmowsooīn?

10 Sāsoos eetūm: Kesātoowōōk' pūmow-sooenooūk oolagwōnea. Ha net woolaskekē. Net nū oolagwōn'ea ooskedāpeūk, tamaha'l nanam'kwakūs'ooūk.

11 Ha Sāsoos wekwēhlan yoochooh't ūp-

kwāse'gün, ha kese oolasooëltük oosesënmoohon nihit ëlagwëlejihî. Ha neaga nüm'ësā tan kësepawötümootit.

12 Tan toocheu' māmihpooltetit, Sāsoos ootîha tanîhî ëgëhkemajihî: Magweiyāoo-tōök peëhpünāgool; wëlanan skat këkw üksihkähāoo.

13 Netwāje mawāootootit, ha wëje üpsün-ātoteejil nesankoodool püsünoo'teül peëhpün-āgool, tanil wëje-peāmehagil wëhkëtkük nanook baleāwāyak üpkwëseegünük tanik kesepooltîtpünik.

14 Netwāje pūmowsooenooük tanek' nēm-ihtoo'tîtpün kenooōskoodeegün tan Sāsoos ëlekesātakwpün, etümootoo'bünik: Oolāmā-wagün ikōök woot nüt neganedūhasooeen tan kādepüküchepün ooskit'kūmīkw.

15 Netwāje tan toocheu' këjejihat Sāsoos ookütepëdabaselin oonājît-kwōōnkōōn ha oonājekinchāmüs-wëhlükcon, apch oomajih-an, tkwakwëhë wōōchōök 'nkwōōtookwaeu'.

16 Un wëlagwewik tanik wëdühkëhkemoo-jik oohükëk mütabea'baselin sünoocheu'.

17 Noo ootëba'base'nea üpüso'lükōök ha kwōōsükaha'nea soobëkw, limtütüka'heyük Cāpülneümik. Ha agis piskitpooküt, ha mäch mëskw Sāsoos püküchepün āoolteelit.

18 Ha asoobëkw üksatkwin ëlīkslāmsük.

19 Netwāje kes ëleëljenaskwësoolteetit tamaha'l nühoōük meiālük, kūsūnaha'l nühoōük meiālük chël ābahseu, oonümehawöl Sāsoosül

pēmehalejīl ooskītpāmūk, ha chkooechūse'-
hehūl ūpūso'lūkōōk, ha sēksooltooūk.

20 Kānookūloo Sāsoos ootīha: Ekwesēk-
sooltikw! Nel net.

21 Toocheu ooledūha-sooīm-sūnawōl ūpso'-
lūkōōk; ha net tēhna ūpsolūkw ūkwēhē tan
ēlehatītpūn.

22 Ehchēhkwewīk ā'taeu'kesook, tan too-
cheu' pūmowsooenooūk tanīk sēkūltejīk ka-
meu' soobāgōōk oonūmetoo'nea skadama kū-
tūk ūpūsolūkw ēeu nēt tēpook't pēscoon, ha
Sāsoos skat wejāwowebūnīhī tanīhī ēgēhke-
majīhī ūpūso'lūkōōk'; kānookūloo tanīk wē-
tūkēhkemoo'būnīk oohūkēk majāheoo'būnīk
n'kwootōōkookayoo;

23 Kānookūloo kes ooche-kwūhādoo'būnīl
kūtūkīl ūpūso'lūkool Teibeleūsk, ha ūkwūhā-
doo'būnīl kwīheu' tan tēt ētle-mejoolte-tītpūn
ūpkwāseegūn, kese oolasooēltūkpūn K'sakūm-
amūn.

24 Netwāje kesenūmetootīt ūkwтана .wse-
jīk mowehamūk Sāsoosūl skat ooteēlewūn
net, ha tēhna tanīk wētūkēhkemoojīk oohūk-
ēk, nāgūmow nū tēbēsooltooūk ūpūso'lūg-
wīkōōk, ha ūkkwahlūtōōk Cāpūlneūmk
oopējekwelooōhawōl Sāsoosūl.

25 Ha kesīmskooalīt kamūk, ootīhawōl:
N'sakūmamūn, tanwēk' ūkpūkūcheha'ps yoot?

26 Sāsoos ootasedāma, ha eetūm: Ulīhē
ūlīhē, yōōhoolēkw, kwelooehecpa, skat eebūch
ūl k'nūmīhtoonea'būnīl kenooōskoodeegūnūl;

kānookūloo eebūchūl kūmahawa'būnik ūp-
kwāseegūnik, ha neaga kūmāme-pooltepapūn.

27 Moo saak oocheloo'kūtekēk'w net mech-
ooagūn ikōōk tan pēmīksekahak : oolamīsta'k
oochelookūtīkw net mechooagūn ikōōk, tan
chēnēsīk askūmowsooagūn ikook, tan pūmow-
sooin Ookwōōsū lkūmīlkoonea'ch. Eebūchūl
Wāgwōōsīt Nūkskam kese kenooōskoolal
netūl.

28 Netwāje yūhahtīt: Tanūch'n'tūlātakhūt-
enēn lookadūmoo-ook't Nūkskam ootūlookā-
wa'gūnūl?

29 Sāsoos asedāmat ha ootīha: Yoot Nūk-
skam ootūlookāwagūn, koolamsūtūmootē'nea
nāgūm oohūk, tanīl Nūkskam kese lūkemajīl.

30 Netwāje ootehawōl: Kēkwsā' kenooōs-
kooodeegūn ēloo'keūn? wēlaman kesenūmīh-
toonānūp, ha wēlaman koolāmsūtoolpūn?
Kākw ēlooka'dūmūn?

31 Kūmītakwsūnook' mījoolte'tītpūnik' ma-
na pēnāgwīk'pūnēkw bakatakūmeekw. Stū-
kā' tan ēlooīkhasīkpūn: Wējemelat'pūnēk'
hūpan spūmkek, mejool'tīlīts'.

32 Netwāje Sāsoos ootīha: Ulau, ūlāu,
yōōhoolēkw, Mooes skat kūmīlkoone-awīb'ūnīl
hūpan spūmkek tūlāyaoō: kānookūloo N'mīh-
takws kūmīlkoonea'l oolāmāwā' hūpanūl
spūmkeek tūlāyaoō.

33 Eebūchūl Nūkskam ootūpa'nūmūl net
nūt tan wēje-pūnāgwēsīt spūmkek, ha oome-
looōn pūmowsooagūn ooskīt'kūmīkw.

34 Netwāje ootihawōl: Sakum, mā'jemeu' melene woot hūpan.

35 Sāsoos ootīha: Nel net pūmowsooagūnā' hūpan. Nāgūm tan egūhat n'hūkēk skatūch kūtoopeu; ha nāgūm tan wēlamsūtūk 'nhūkēk skatūch kūtoowōōsmeu' askūmeu'.

36 Kānookūloo ūktehooloopapūn, kese nūmīhepapūn, ha skat koolamsūtūmooteba.

37 M'seu wēn tan N'mīhtakws melet pūkūchehēch n'hūkēk. Ha tauūch wēn nāgūm egūhat n'hūkēk skatūch nootā'gemow kwūch'ūmūk.

38 Eebūchūl wēje-būnēgwēseūnpūn spūmkek skat n'tūlookawūn tan nel ēlēooleedūhadūm; kānookūloo 'ntūlook tan nāgūm eleooleedūhadūk tan pētūkemītpūn.

39 Eebūchūl yoot N'mīhtakws ooledūhadūmoagūn, 'mseu wēn tan nēmīhat Wēmītakwslejīl, hatēhnaoolamsūtūmūnūloohūkēk, ooteīnp askūmowsooagūn. Ha nel noonagēhlach 'mchūsūlāwā' kesook.

40 Ha yoot nāgūm ooledūhadūmoagūn tan pētūkemītpūn, 'mseu tan melītpūn, skatūp 'nkūskatoōūn kēkwsā, kānookūch noonagēhtoon 'mchūsūlāwā' keesook.

41 Netwāje Lēsweesūk mamsēlāwēstooteetīt nāgūm ooche, eebūchūl eetūm, Nel hūpan tan wēje-bēnegwēsītpūn spūmkek.

42 Ha etūmootoōk: Skat yoot Sāsoos, Soosēp' ookwōōsūl? tan oonekekoo kūjejeetoo-

önānoo? Netwāje tan ootūlekese-eetūmūn,
Nel wēje-bēnegwēse-yanpūn spūmkek?

43 Sāsoos asedāmat, ootiha: Ekwemamsēl-
etooltikw.

44 Skat wēn kese-egūhāoo 'nhūkēk N'mīh-
takws tan pētūkimītpūn skat wīhkwōōnakw:
ha noonagēhlach 'mchūsūlāwā' keesook.

45 Net tēlooīkhasīk negane-dūhasooenooūk
ootooīkheegūnoo-owikōōk: Ha 'mseuūch kēh-
kīm-kwūsooltooūk Nūkskam ooīkōōk. M'seu
wēn tan wējenootūkūbūn Wegwōōsīt Nūk-
skam ooīkōōk ha wētūhkēhkīmkoosītpūn ooh-
ūkēk, 'npētēhkakw.

46 Skatama wēn oonūmīhaēūl Wēgwōōse-
lejīl Nūkskamūl, tēpōōkt nāgūm tan wējeat-
pūn Nūkskam ooīkōōk, nāgūm kese nūmīha'-
būnīl Wēgwōōselejīl Nūkskamūl.

47 Ulihē, ūlihē, tan yōōhoolēkw, tan wēlam-
sūtūk n'hūkēk, ooteīn askūmowsooagūn.

48 Nel pūmowsooagūnā' hūpan.

49 Kūmīhtakwsoo-owk oomījoolteneapūn
mana pēnēgwīkpūn, ha mēchīnhūtoobūnīk.

50 Woot nūt hūpan tan wējepūnēgwēsīt
spūmkēk, wēlaman wēn mahatp ha skatūch
mēchīnāwūp.

51 Nel n'hūk woot hūpan pēmowsīt net,
tan wēje-pūnegwēsītpūn spūmkek: tan wēn
wējemahat yootūl hūpanūl askūmowsooch'.
Chōō kētūlal' hūpanūch tan nel melooīh, nel
nooeosūm, tan nel melooa'nch ooche ooskīt'-
kūmīkw oopūmowsooagūn.

52 Netwāje Lēsweesūk kv'ējewākwa-mow-toolteetīt, yōōhoodooltooūk: Tanūpa'l wōōt ooskedap tūle-kese-mīlkoonā'n oohūk kūmīj-emoo'ōnān'?

53 Netwāje Sāsoos ootīha: Ulāu, ūlāu, yōōhoolēkw, skat mechewēkw' pūmowsooīn Ookwōōsūl oohūk, ha oopūkūnoom' skat kūd-oosūmoolteewēkw', pūmowsooagūn skatama ūkteu'nea ūkhūkāwīkooōk.

54 Tan mechīt 'nhūk, ha kedoo'sūmīt 'npūkūnoom, ooteīn askūmowsooagūn; ha noo-nagēhlāch' m'chūsūlāwā' keesook.

55 Eebūchūl nel 'nhūk oolāmāwe-mechoo-agūn net, ha 'npūkūnoom oolāmāwe-kūtoc-sūmooagūn net.

56 Tan mejīt 'nhūk ha kēdoosūmīt' 'npūk-ūnoom, oomājīmka'dūmūn n'hūkēk, ha nel nūnmājīmkala oohūkēk.

57 Stūkā' N'mīhtakws pēmowsīt pētūk-īmītpūn, ha wējepūmowsī N'mīhtakws oohūk-ēk, net ēlāik tan mīhīt oochepūmowsoo n'hūkēk.

58 Net woot hūpan tan wėje pūnēgwēs-ītpūn spūmkek. Skat tētpeu kūmītakwsoō ootūle-mejetītpūn mana pēnēgwīkpūn bakūt-akūmeekw, ha tūle-mējīnhūtoo'pūnīk. Nā-gūm tan mejīt 'nhūk askūmowsooch'.

59 Sāsoos oonūstōōh'mūnūl netūl kēkw-sāal hemeāwīgwamūk, toocheu' tan ētlekēh-kekāmīt Cāpūlneūmk.

60 Netwāj: ūktanakwsooūk tanīk kese-

kěhkemoojik oohükěk, tan toocheu' noodüm-ooteetit netül, kěloosooa'günül, etümootooük: Mūdooāu kěloosooagün net: Wěnūpa'l kese-jiksütük?

61 Kānookūloo Sāsoos wějikchejihtowk oohükěk tanik wějekese-kěhkemoojik oohükěk ootūlemamsēlāwěstoote'nea ooche yoot kūloosooagün, ootīha: Net net wěje-nabis-kwahmateėkw?

62 Tanūpūloo nūmehā'kw pūmowsooīn Ookwōōsül ootūle-woonagihan tan tūmk āyit-pūn?

63 'Mchūchakw nūt tan pēmowsooih'ooēt. M'hūk skat wījookėgēmweu'. Netül kūloos-wagünül tanil yōōhoolāgwīl, netül tūkēh' wāōōchūchakwē'gīl, ha tēhna pūmowsoowewūl.

64 Kānookūloo keloow' ankwōōch' skatama koolamsütūmoone'al. Eebūchūl Sāsoos ookoojeje'a amskooōsētā wējātagāmūk tan yoohoot' skat wēlamsütūmoo-te'lekwīhī, ha tēhna ēu' tanilch' ēhkīnoowēhlihljīl.

65 Ha ootīha: Ha net tēhna wējehoolėkw-pūn: Skatūch wēn kese-egūhāoo n'hūkěk skat oochelelmookseekw N'mihtakwsūk.

66 Agimtē net wēsooe'-abase-dītpūn ūk-tanakwsedītpūn, tanik wěje-kesūkėkemoojik oohükěk, ha skadama agwamūk tūlūme-wīj-aōōwawewōl.

67 Netwāje Sāsoos yūhat' nesankoosoo wēswewēskajīhī: Keloow' nū kūte-maje-abaseba?

68 Semoo Peāl ootasedāmal: N'sakūmanūn, wēnūchaloo oohūkēk ēlabaseēk? kel āyīn kūloosooa'gūnūl askūmowsooa'gūnāyāl.

69 Ha tēhna neloon' noolāmsūtūmootenān' ha 'nkūjejetoonēnān' kel Nūkskam wāwēsenoomūl.

70 Sāsoos ootasedāma: Skat nel kesīm-kūnūloobapūs kelooow' nesankooseēkw'? Ha kelooow' pēskw mūchūhant'.

71 Noo ooskooeman Soodahūl Iskaleotūl, Semoo ookwōōsūl, tanūch' wōōt ēhkenooēhlat; wōōt nūt pēskw nesankoosejīk wēse'wēskajīhī.

Chapter VII.

1 Agīmtē keskājehē netūl kēkwsāāl, Sāsoos yalihē Gooelētk, eebūchūl skat ooledūhadūmooūn ootaalihān Lēsweesooakīk, eebūchūl Lēsweesūk ookwāje-nāpahawōl.

2 Net Lēsweesūk wekooōmwā' oowīkoo-paltīm-kāwāūmooōh kūte-egēhē.

3 Netwāje Sāsoos wejegemajīhī ooskedā'peūk ootēhawōl: Oochemajūhū yoot, Lēsweesoakīk ūlīh: wēlaman tanīk ēgēhkīm-chīk oonūmetoo'nea k'tūloogāwa'gūnūl tanīl kesātoonūl.

4 Eebūchūl skat wēn kegemeu' kēkwsā' ke'sātoo tan toocheu kwelooōta'kw oohūk ēu mēsooweu'. Ulookeūn yootūl, ūlemesoo'ēlūs ooskīt'kūmīkw.

5 Eebūchūl chēl māch wejegemajīhī skat oolamsūtūmootē'weūk oohūkēk.

6 Netwāje Sāsoos ootīha: Ntēbūnaskooe-hagāwāām skat māch egēhāoo. Kelooow' ūk-tēbūnaskooe-hagāwā-ūmooōh mājemeu' kesa-jooweu'.

7 Ooskīt'kūmīkw skat ūkeseakwe-dūhamkoonea kelooow': kānookūloo nel n'takwedūhamkoōn: eebūchūl n'tētlīnspeuwoolam-ādūm-ūnūl ootlookāwa'gūnūl mūcheegūnool.

8 Kelooow' lītkwakwe-abasīk'w yoot wīkhūpalteemūk. Nel skat n'tūlītkwa-kwūhawūn yoot wīkhūpaltemūk, eebūchūl n'tēbūnaskooe-hagāwāām mēskw kesājoooweu'.

9 Net keseyahat netūl kēkwsal māch chūnēsoo Gooolelētk.

10 Kānookūloo kes wejegemamajīhī kese lītkwakwe-abaselīt, Sāsoos ūna ootūlītkwakwūhūn: kānookūloo skat mēsooweu', kānookūloo-ka'l kegemeu'.

11 Netwāje Lēsweesūk kwelooūhatīt Sāsoosūl wīkhūpaltemūk, ha elūmootooūk: Tama ya ēu?

12 Ha nūgūmkīhkcon mamsēlāwēstooagūn egūhak ūktanakwsooūk pūmowsooenooūk mawehajīk oohūkāwīhooōk ooche nāgūm. Ankooch etūmootoo'ūk: Nāgūm wōōleuskedāp'āweu. Ankooch etūmootoo'ūk: Skadama, kānookūloo wēgīnpagūtōōā pūmowsooenoo.

13 Kānookūloo skat wēn oomesoo-weuskoee-moweyūl, eebūchū! oonūgalawā Lēswees.

14 Net tamaha'l abase-wikhüpal-temük Sāsoos litkwakwēhē k'che-hemeā-wigwamük ha kēhkekāmoo.

15 Ha Lēsweesük asūgetūhasooltooük etūmootoo'ük: Tan wōōt ooskedap' ootūle-nūn'ūmūn wikheegūn? tan mēskw ēgēhkema-mookoopūn?

16 Netwāje Sāsoos ootūleasedāma: N'tūkēhkīmsoot' skat net nel: kānookūloo net Nāgūm tan pēdūkemītpūn.

17 Tan wēn wōōledūhadük ootūlōōkkan Nūkskam ooledūhadūm-ooaagūn, nāgūmch' ookūjejetoo'neh kēhkedooagūn oochehē Nūkskam-ooikōōk, kūsūna noochekūloosīn 'nhūk-ēk.

18 Tan wēn wēchekūlcosīt oohūkēk, nāgūm ookechetūmetūham-koosooagūn kwelooōhtakw: kānookūloo tan wōōt nāgūm kwelooōhtakw ookeche-tūmetū-hamkoosooagūn tanīl pēdūkīmchīl, nāgūm oolāmāwagūneu', ha 'npagūtasoot skadama eēu oohūkēk.

19 Skat ya Mooes kūmīlkooneaweepūn ūtploodūmooagūn? ha mäch kelooow'skadama wēn oosaktūmooūn ūtploodūmooagūn. Kēkw-sā' wāje-kwāje-nābaheyēkw?

20 Mowehamük ootasedēmawōl, ootīhawōl: Mūchūha'nt ūkte'uō: wēn ēgwējenāboohoosk?

21 Sāsoos asedāmat ha ootīha: Pēskoon lookāwaagūn n'kesātoonāāpūn, ha m'seu tan kēs'eyēkw ūktasūge-tūha-soolteeba.

22 Netwāje Mooes k'milkooneapūn weunūsasimkāwā': skat eebūchūl oochehāoo Mooisk, kānookūloo oochehē kūmoosoomsūnōōk, kelooow' atlasmooekeesōōkūk kūhweunūsa-wōh ooskedap.

23 Ooskedap weunūsootūp' atlasmooe-keesōōkūk wēlaman Mooes ootūploodūmoo-agūn skat skwōōskādaseu', kelooow' kookei-yītooweeba nel, eebūchūl nel nūkakekūhah-pūn ooskedap atlasmooeēkesookūk.

24 Moo sak oochītploodūmoo'kēkw tan kēkw ēlenagwōk; kānookūloo keakwīt-ploodūm-ootīkw.

25 'Toocheu' ankwooch Sāloosālēmkāweūk etūmootoo'ūk: Skat ea' wōōt nūt ēkwēje-nā-pahatejīk?

26 Ha sagīhook, chetūme-kūloosoo, ha mēskw wēn kēkw yūhakkw. Ookūjejehawōl ūtploodūmooenooūk nāgūm chōō Oonewēs-kooīn?

27 Kānookūloo kūjejehan nūt ooskedap tan ētlāyowīt: kānookūloo tan toocheu Newēskooīt pūkūcheha't, skatūch wēn ookūjejīhoweūlch' tan tēt ētlāyowelīt.

28 Netwāje Sāsoos ētlekēhkegāmīt, ūksīk-owwāwēstoo, eetūm: Kelooow' kūjejiheeba, ha neaga ūkūjejītoō'nea tan tēt ētlāyowī; ha skat noochepūkūchehow nel 'nhūkēk; kānookūloo Nāgūm tan pēdūkēmītpūn wēlāmāwagūnīt, tan kelooow' skat kūjejīhawē'wa.

29 Nel n'kūjejiha, eebūchūl nooche nel oohūkēk, ha Nāgūm pēdūkēmītpūn.

30 Netwāje ootükwějipkegalawöl; kānoo-kūloo skat wěn oopooněhtoonül oopetenül oohükėk, eebüchül ootėbünaskooehagāwāām mēskw māch eegėhāoo.

31 Kānookūloo ūktanakwsooük mowehāwa'gūnük wōōlamsūtūmootooük oohükėk, ha eetūmootoo'ük: Newėskw tan toocheu' pūkūcheha't, ājenūgūmkīkwūnoo'leh' enooōs-koodeegūnül kesātagwīlch, skatük yootül tanīl wōōt ooskedap kesātakwpūnīl?

32 Pālooseük oonoodūma'nea mowehāwa'gūnük ootūlemamsēlāwēstootė'nea ooche Sā-soosül, toocheu Pālooseük ha neaga k'chepatūleasük ootūlgemawōh noojītkwōōnkatele-jīhī ootakwoona'nea.

33 Toocheu' Sāsoos yūhat: M'chūsül kėg-ėsk koowejāyoolpa, toocheu' n'tūlīhan tan pėdūkīmītpūn āēt.

34 Kelooow' kweloocheba'ch, ha skatūch kūmūskoepah; ha tan āē skatūch kese-pėdabasepa.

35 Netwāje Lėsweesük yūhoodooltooük: Tama tėt kūteliħē wōōt ooskedap? tan tėt keloon skat ētlīmskooawūkwch? Ootūlehanūch-al' yūhooh tanīk etlesesāloojīk kūt'ūkīk kessookūmīkseetīt woweūkīhyūk, ha ootūkėhkema'ch kūtūkīk kėsookūmīkseelīt?

36 Kėkwsā' yoot kūloosooagūn yūhoolūk? Kwelooeba'ch ha skatūch kūmūskoeba? ha, Tan tėt āe skatūch kese pėtabasepa?

37 Net keesook m'chūsūlāwā' k'chekeesook wīkwūpaltemūk Sāsoos sēhkē ha ūkse-kawāwēstoo, eetūm: Wēn kūtoowōōs'sūmīt', ch'kooīhach nel, ha kūtōōhsūmīch !

38 Tan wēn nūt tan wēlamsūtūk 'nhūkēk stūkā' Nūkskamwā' Wīkheegūn etūmooīk, sebooūl pēmowsooeegīl samagv.aaūl ooche-noodējwoonool'ch ootlamhūkēk.

39 Ha agūnemajīl Wāoochūjakwelejīl (net tūna Wēje-ooole-newēskwelejīl) tanīl nāgūmow tanīk wēlamsūtūmootējīk oohūkēk ookūdīm-sūnawōl. Eebūchūl Wējeooole-newēskwīt māch mēskw melooawūn; eebūchūl Sāsoos māch mēskw k'chetūmetūham-kwūseu.

40 Netwāje ūktanakwsooūk tanīk mowehajīk noodūmootīt yoot kūloosoagūn, ankwooch etūmootoo'ūk: Choodēhloo wōōt net nekanīkchīje-takāwīn nūt.

41 Kūtūkīk eetūmootoo'ūk: Wōōt Newēskw nūt, [tan Mīmkwānoot]. Kūtūkīk eetūmootoo'ūk: Newēskw oochehē Gooelētk?

42 Skat ea' Nūkskamwā' Wīkheegūn etūm-oowewoopūn Newēskw oochehā'ch Dabītk wēdabēksīt? ha Bētlēmīk', Dabīd ootoodānēk, tan āītpūn Dabīd?

43 Ha chūchābēhlūtoogūn egēhē pūmow-sooenoo īkōōk ooche nāgūm.

44 Ha ankwoōch' nāgūmow kūtītkwoonawōl; kānookūloo skat wēn oopoonēhtoo'nūl oopeteenūl oohūkēk.

45 Netwāje noojītkwōōnkatejīk abadaba-

sooük tan tět k'chepatüleasük ha neaga Päl-ooseük āoolteelit. Nāgūmow' ootehawō: Kēkwsā' wēche skat pējīphawēkw?

46 Noojitkwōōnkatejīk asedāmatīt [etūm-ootooük]: Mēskw pūmowsooin ootūlāwēst-ooūn stūkā' wōōt pūmowsooin.

47 Pālooseük ootasedāmawō, [ootehawō,] Kelooow' ōōnū kesīnpagūtakāba tūhaloo [kūt-ūkīk?]

48 Māchēū wēnīk noojītploodūmooenooük, kūšūna Pālooseük kese woolamsūtūmūn'ea oohūkēk?

49 Kānookūloo nīhkt pūmowsooenooük tanīk skat kējējedoo'gwīk bootooosoagūn, wōōnmājītploomak.

50 Nīkoodēm ootīha, nāgūm tan pēgūchehat'pūn Sāsoosūl āelit nebaeu, 'pēskooük nīkt nūt nāgūm,

51 Ukbootooosoagūnūn oonmajītploomal ēa' wēnīl mēskw noodooōkw tan ēlātāgālīt?

52 Asedāmatīt ha ootīhawa'būnīl: Kel ea' ūktūtīlāyow' Goolelētk? Kwelooōht, ha sagīht, cebūchūl skat nekanīk-chīje-takāwīn oochehāwī Goolelētk.

53 Toocheu' m'seu wēn ūlmīhe weegūk.

Chapter VIII.

1 Sāsoos ūlīhē wōōchook tan lewesoo Olebeā.

2 Ha ēhchēhkwak, oospasweu' apch pūk-ūchehē k'chehemeāwīgwamūk: ha m'seu pūm-

owsooenooük pëdabaseneal; ha Sāsoos hūpēs-soo, ha ootūkhēkema.

3 Ha noodooīkhīkhūteejīk ha neaga Pālooseūk ootūlīphawōl āpelejīl tan āeelīt, tanīl lewīhkwēhla wōbūlūlookāwa'kūnūk, toocheu' oosahkēlanea ābahseu.

4 Ootehawōl: Noodūhkēhkekāāmīt, wōōt āpet kesewīhkwēhla wōbūlūlookāwagūn īk-ōōk; īmskooōh ootapchelookan.

5 Net Mooes tūlītploomkoonoopūn ūtploodūmooakūn īkōōk nīkt net ēlāooltejīk pūnōp-skwahapūnīk'p: kānookūloo kel kēkw-tee-tūm?

6 Wāje net etūmootīt ootookwētskoolawōl, wetaman ooleēnea'ch kēkwsā' wējekesīmseh-atīt. Kānookūloo Sāsoos chetooōmkwēsoo, ha ootūlooīgūnīlch āwīkhēgūhtakw k'takūmeegook.

7 Ha ēlīnkooche-pabēhchematīt pēkhah-kwe-kapcoēsoo, ootīha: Nūt kelooow tan skat lakūmīksooagūn āeekw, nūt tūmkāwā' pūn-ōpskw tūkūmach!

8 Toocheu' apch Sāsoos chetooōmkwēsoo, ha āwīkhēgūhtakw k'takūmeegook.

9 Ha nāgūmow noodūmootīt ha wēje-onmājīt-ploo'moot oomūshōōnoo-wawīkooōk, noote-aba'sooūk, ēankooche-noote-aba'sooūk tan ēlekūtūnhūteetīt; ha Sāsoos ūnkekanūk-ūla, ha neaga āpet sēhkē ābaseu'.

10 Toocheu' Sāsoos pēkhahkwekapooēssīt, skatama wēnīl oonūmehoweūl tēpōōk't āpele-

jil; toocheu' ootihal: Apet, tan ootülěsoolte'nea wěhkětkük mėsımskübünik'? Skatama wěn koonmäjıtploomköö'?

11 Apet eetüm: Skatama wěn, Saküm. Sāsoos ootihal: Nelna skat koonmäjıtpüloomüloo. Machühü, ha moo sak apch patah-wěhkaseeküch.

12 Ha netwāje Sāsoos apch ooküloo'lah pūmowsoo'ınoo, eetüm: Nel pūsakwhėküm ooskıtükümükw. Nāgüm tan noosöökooıt skat pūmehāooch pıskatėk; kānooküloo ooteıch pūmowsooagünā' pūsakwhėk.

13 Netwāje Pāloo'seük ootıhawöl: Kel knūspeuwöölāmāoos: k'nūspeuwöölāmāwagün skat üläeu'.

14 Sāsoos asedāmat ha ootıha: Cheegow nel n'speuwöölāmāoosea'n nūspeuwöölāmāwagün ülıhě. Eebüchül n'küjejıhtoon wējehayanpün, ha tan ā'lehaė. Kānooküloo kelooow' skat üküjejıhtonea tan wējehayanpün, kūsüna tan ā'lehae.

15 Kelooow' wējıtplootümoooteėkw 'mhüke; nel skat n'tüpülo~mow wěn:

16 Ha tūpülootümanüp n'tūplootümoogün oolāmāweu'. Eebüchül skat n'pėskoo-weu', kānooküloo nel n'te ha neaga N'mıhtakws tan pėdükemıtpün n'wıjāakw.

17 Ha ęloowikhasoo üktūpülootümoögün-ooök: Neesooük pūmowsooenooük oonūspeuwöölāmāwagünoowöl ülıhě.

18 Nel nūspeuwöölāmāoos', ha neaga

N'mihtakws tan pětükemītpūn nūspeūwōōl-amāwūk'w.

19 Netwāje ootēhawōl: K'mīta'kws tama ēu? Sāsoos asedāmat: Kelooow'skatama kūjejeheepa nel kūšūna skat kūjejehawēwā N'mihtakws. Kūjejejekwsūpūn nel, kūjejehawōpūnū N'mihtakws.

20 Ha Sāsoos ētle-eetūkīl neetūl kēkws-āāl manekwamūk; ētlekēhkeekēmīt k'chehemeāwīgwmūk; kānookūloo skat wēn ootakwoonoweūl; eebūchūl ootēbūnaskooehagāwāām māch mēskw eegēhāoo.

21 Netwāje Sāsoos apch ootīha: Nel n'machūhū, ha kwelooehebā'ch, kānookūloo ūklakūmīksoo-agūnemēhchīn-hūtebā'ch; tan tēt ēlehāe skatūch' kese-petabā'sēoonē'a.

22 Netwāje Lēsweesūk eetūmootoo'ūk: Napūhoosoo'ch? eebūchūl eetūm, Tan tēt ēlehāe skatūch' kese-petabā'seoonē'a.

23 Sāsoos ootīha: Kelooow' ūktūtālāowoolteba ēmēkāoo. Nel spūmūk n'tūtālāow. Kelooow' ooskīt'kūmīkw ūktūtālāowoolteba. Nel skat ooskīt'kūmīkw ntūtālāyawēu.

24 Netwāje yōōhoo'lēkw ūklakūmīksooagūne-mēhchīn-hūtebā'ch. Eebūchūl skat wōōlamsūtūmooā'kw nel nūt, ūklakūmīksooagūnemēhchīnhūtebā'ch.

25 Netwāje ootīhawōl: Wēn ēa' kel? Ha Sāsoos ootīha: Net tan amskooōs' machahak' yōōhoolēkw pūn.

26 Uktana'gūtool kēkwsāāl āēanīl ēlāgūn-

Ymlāgwīl, ha ūktübūloo-mūlūn'ea; kānoo-kūloo Nāgūm tan pētūkemītpūn wēlamāwa'-gūnīt, ha tanīl wēje-nootūmanīl oohūhēk, netūl ētle-eetūmanīl ooskīt'kūmīkw.

27 Nāgūmow skat oonūstūmoonea ootāg-ūnootūmakooonea ooche Wēgwōōselejīl Nūks-kamūl.

28 Netwāje Sāsoos ootīha: Tan toocheu' kese oonagālāgooch pūmowsooīn Ookwōōsūl kūjejeetoonea'ch nel nūt, ha skat kēkw nooje-kesātoō'ūn nel n'hūkēk; kānookūloo N'mihtakws ēlkēhkemītpūn net ēlāwēstooanīl yootūl kēkwsāāl.

29 Ha Nāgūm tan pētūkemītpūn nesāow-teepūn. Nel N'mihtakws skat nūkūlūkoo n'kōōtōōk'au', eebūchūl mājemeu' n'tūlooka-nūl tanīl ēllooletūhatūkīl.

30 Tan toocheu Sāsoos eetūk yootūl kēkwsāāl ūktanakwsooūk wōōlāmsūtūmootooūk oohūkēk.

31 Nēt'wāje Sāsoos ootīha Lēswees tanīhī woolāmsūtūmootelejīhī oohūkēk: Keloow' n'kēsoolteā'kw n'kūlooswagūn īkōōk, oolām-āwagūn īkōōk kootūkēhkīmkwōōs-soolteba'ch n'hūkēk.

32 Ha kūjejeetoonea'ch oolamāwagūn, ha oolamāwagūn ūktūlēhlūgoonea'ch ūktūpēlmūs-oolteeba.

33 Ootasedēmawōl: Neloon' Ablaha'mk oonejan', ha māch mēskw nooje-wēhkan-wōōltepūn tan wēn: kekwsā' wēje-eetūmūn, Uktūpēlmūsoolteba'ch?

34 Sāsoos ootasedāma : Ulihē, ūlihē, yōō-hoolēkw, m'seu' wēn tan lakūmīksooagūn ēl-ookēt, net lakūmīksooagūne-nootlookēt.

35 Ha nōōtlookēt skat eēu wēnoochīgwamūk mājemeu' ; kānookūloo tar wēn ookwōōsūl mājemeu' ēnūl.

36 Netwāje Wēmītakwsīt ūktūpēlmūsool-tenea'ch, koolāmāwītpēl-ūmūsool-teba'ch.

37 Kūjejechoolpa koodabčkseepa Ablahā'mk ; kānookūloo ūktūkwāje-nāāpeheepa, eebūchūl n'kūlooswagūn skat eēu ūkhūkāwōk.

38 Nooskoo-oo'tūmūn tan kēkwsā' wēje-nūmīhetooōnpūn N'mīhtakwsūk ; ha neaga kelooow' nū k'tūlātakhūte'nea tan ele-noodūmēkw pūn k'mīhtakwsooōh.

39 Aseđematīt ha ootehawōl : Nelon A-blaham n'mīhtakwsūn. Sāsoos ootīha : A-blaham oomītakwsēč'w, Ablaham ootūlookāwa'gūnūl k'tūlookhūteneapūnīlp.

40 Kānookūloo tūkā'ch k'tūkwājenāāpeheepa, ooskedaptan yōōchoolakwpūn oolāmāwagūn. Ablaham skatama tūlookownāweepūn net.

41 Kelooow' k'tūlookhūte'nea k'mīhtakwsooō ootūlookā'ra'gūnūl. Nāgūmow yūhaatīt, ootehawōl : Skat n'sēkāweuh-skejenoo-ooltee-pūn. Peskooweu' n'mīhtakwsūn, Nūkskam. nūt.

42 Sāsoos ootīha : Nūkskam oomīhtakwsēčkw kūselmepā'p. Eebūchūl nooje-haapūn Nukskam-ooīkōōk, ha n'pūkūchehaapūn, ha

nel skat n'pěďikimseu, kānookūloo Nükskam pěďükemītpūn.

43 Kėkw wāje skat n'sūtūmoo'ėkw n'kūlooswagūn? eebūchūl skat k'noodūmoonea tan n'teetūm.

44 Kelooow' ūktūlāoolteeba k'mīhtakw-soo'ō'h mūchūha'nt-ōōk', ha neaga k'mīhtakw-soo'ōk ootloogāwa'gūnūl koole-tūhadūmūn'ea k'tūlātakhūte'nea. Wėchātakamūk amskoo-ōsūtā' machūha'k nāpatėgāwenooewoos', ha skatūna mājemeėeu oolāmā-wa'gūnūk, eebūchūl oolāmāwagūn skat eėea oohūkėk. Kėlooskit oomūshoonūk oochekūloosoo; eebūchūl wegekūlooskoo ha nāgūm oometakw-sūl kūlooskooagūn.

45 Ha eebūchūl noolāmāwėst', skat koolāmsūtūweepa.

46 Wėnūloo' kelooow' keseoolāmīhīt n'patatagan? wōōlāmāwėstooōn', kėkw wāje skat woolāmsūtūoowewėkw?

47 Nāgūm tan ętūlāowīt Nükskam oohūkėk, oojīksūtūmūnūl Nükskamūl ookūlooswa'gūnūl. Netwāje kelooow' skat wėjejik-sūtī moo-teewėkw, eebūchūl skat ūktūtlāowoo' a Nükskam oohūkėk.

48 Lėsweesūk asedāmatīt ha ootehawōl: skat ēa' noolėeetūmoopūn ūksamāleakāoo, ha neaga ūkte'uōn mūchūha'nt ūkhūkėk.

49 Sāscoos asedāmat: Mūchūha'nt skat n'tėuaoō n'hūkėk; kānookūloo n'kechetūmet-ūhama N'mīhtakws, ha kelooow' kūnsket-ūhameepa nel.

50 Ha skat n'kwelooōhtoo'ūn nel n'keche-tūmetū-hamkoosooagūn. Kānookūloo wēn ēu tan kwelooōhtakw, ha tan tēbloo'moošt.

51 Ulihē, ūlihē, tan yōōhoolēkw, tan wēn kēlnūk n'kūloosooagūn, n'pooakūn skatūch oonūmīhtoo'ūn mājemeu'.

52 Lēsweesūk ootehawōl: Tūkāch' n'kūje-jetoonā'n ūkte'uōn mūchūha'nt ūkhūkēk. Ablaham mēchenāāsūb'ūnōk ha neaga nekanīkchīje-takāweenook', kānookūloo kel ūkteetūm, Tan wēn kēlnūk n'kūlooswagūn, skatūch oomūspūtūmooūn n'pooakūn mājemeu'.

53 Kel ēa' peāmekūpmā' skatūk k'mīhtakwsūnoo Ablaham? tanōk mēchenētsūbūnōk? ha neaga nekanīkchījetakāwenōōk' mēchīn-hūtētsūb'ūnīk. Tan ēa' kel ūktūlālūsīn?

54 Sāsoos asedāmat, eetūm: K'chetūmetūhamsean', n'k'chetūmetūhamsoot'skatūch kēkw-sāaweu. N'mīhtakws tan kechetūmetūhamīt, tan kelooow'eetūmekw nāgūm kūnūkskamooō.

55 Ha kelooow'skat kūjejahaweewa; kānookūloo nel n'kūjejiha. Etūman' skat n'kūjejahao n'tūlekūloo.kape'hp stūkā' kelooow'. Kānookūloo n'kūjejiha, ha ookūlooswagūn n'kūlnūm'ooōn.

56 Ablaham kūmītakwsocao ooleduha-soobūnōk' oonūmīhtoon n'keeskoom; ha oonūmīhtoonāāpūn, ha oole'dūhasoopūn.

57 Netwāje Lēsweesūk ootehawōl: Kel māch mēskw nanīnsk kēs'egūtūn'āoo, ha k'nūmehasūb'īnōk' Ablaham?

58 Sāsoos ootīha: Ulihě, ŭlihě, yōōhoolěkw, mēskw Ablaham āeekw nel n'te'.

59 Netwāje nāgūmow w' kwēhtoo'neal pūnōpskool ootūkūma'nea. Kānookūloo Sāsoos kalsoo, ha oochenootēhě k'chehemeāwīg-wamūk.

Chapter IX.

1 Ha pāmīhat oonūmīhal ooskedān'eul nēhkapēlejil tanil nēkapelītsūb'ūnil nēmekoo-selihtě.

2 Ha tanik wētūkēhkemoojīk oohūkēk oopabēhchemawōl Sāsoosul, eetūmook: N'sakūmamūn, wēn pahtahwēhkasits? wōōt ooskedap, kūsūna oonekekoo, ootūle-nūme-koosin oonēhkapin?

3 Sāsoos sedāmat: Oot ooskedap skat pahtahwēhkasewis', kūsūna oonekekoo: kānookūloo Nūkskam ootūlockāwa'gūnūl lemoo-skēhtasoo oohūkēk.

4 N'tachooe-ūlook' ootlookāwagūnūl tan pētūkēmītpūn, tan kwēnejēhkwōōk. Ne'baeu' wēchkooīhhak tan toocheu skat wēn keslookēkw.

5 Tan kwēne-heye ooskīt'kūmīkw nel oopūshakwhēkūm ooskītkūmīkw.

6 Kese eetūk netūl ūsoomskwē kūtak-ūmeegook, ha ooche'toon kwōkwloonskw oos-ūsookoo īkōōk, ha oosoonēhtooōn nēkapelejil oosęeskok k' wōkwloonskool.

7 Ha ootīhal: Ulih', kūsegwēns' pēgoodā-

bāāgĕk Seilo'mk, tan kwĕlpewĭktasĭk eet-
ūmooweu', Elkeemoot. Netwāje majūhat ha
ūksūsegwĕnsoo; toocheu abājehat, nūmĭhta.

8 Netwāje mowegāmajĭhĭ, ha tanĭk nēm-
ihatpūnĭk tūmk ootūtĭlepagoōūseelĭn, eet-
ūmook: Skat ēa' wōōt nūt tan ābĭt ha pa-
gooūsĭt?

9 Ankwoōh eetūmook: Nūt nāgūm. Kūt-
ūkĭk etūmook: Ootūlgwenākwsĭn. Nāgūm
eetūm: Nel nūt.

10 Netwāje ootĭhawōl: Tan-nūle kese
pantĕhtasoo ūkseeskool? Nāgūm asedāmat:
Ooskedap lewĭha Sāsoos ookesehal kwōkw-
loonskool, ha ūnsoonāta-goonā'pūnĭl n'sees-
kook, ha n'tehoogoon, ūlĭ pĕgoodābāāgĕk Sei-
lomk ha kūsegwĕns'. Toocheu' n'tūlehanāā-
pūn, n'kūsegwĕnseepūn, ha nūmĭhtaapūn.

12 Nāgūmow ootĕhawōl: Tama ēu nā-
gūm? Eetūm: Skatama n'kūje'jehao.

13 Oopĕjĭphawōl Paloose āooltelĭt tanūl
nĕkapelĭtpūnĭl.

14 Ha atlasemooe-kesook-wewoo'pūn tan
toocheu Sāsoos kescha't kwōkwloonskool ha
pantā'tooōt' ooseskool.

15 Netwāje Pālooseūk apch pabĕhche-
matĭt tan ootūlĭmsūnūmūlĭn ĕlenūmĭhtalĭt.
Ootĭba: Oopoonĕhla'pūnĭl kwōkwloonskool
n'seeskook, ha n'kūsegwĕnseepūn, ha nūmĭht'.

16 Netwāje ankwūch Paloo'seūk etūmoo-
tooūk: Wōōt ooskedap skat oochā'aweu Nūk-
skam ĭkōōk, eebūchūl atlasemoockeesook skat

ookülnümooun. Ankwüch etümootooük: Tanüp ootülekesātoon net tēlikül kenooōskoo-deegünül ooskedap pahtahwēhkasooe'nooit? Ha sesēhlootooagün egēhē oohükāwīkhooōk.

17 Ootehawōl apch nēkabīlītpūnīl: Keloo kēkw ūktüleema, eebüchül pantēhtagoonül ūkseskool? Eetüm: Asūgīntatooīn.

18 Kānookūloo Lēsweesük skat oolamsūt-ūmoonea oonēkapelenēs' ha oomūsünümūlīn oonūmetalīn, agīnte wekwemawō oonekekoo tan oomūsünümūlīn oonūmetalīn.

19 Ha pabēhchemawō eetümook: Wōōt kelooow' ūkwōōsooō tan eetümēkw n'kapoo's nēmeekwoosit? Netūloo' tan ootüle-kese-nūmīhtan tūkāch'?

20 Oonekekoo ootasedēmawō ha eetümook: Nküjejihtoonēn' nookwōōsenēn wōōt, ha ūnkapoopūn nēmeekwoosit;

21 Kānookūloo tan ootüle-kese-nūmīhtan tūkā'ch skat n'küjejetoo'nāwīn, kūsūna wēn pantehtooōt ooseskool skat n'küjejahawīn. Nāgūm kesegoo; pabēhchemook nāgūm: nāgūm küloositūmooāusooch'.

22 Yootül külooswa'günül etümooteejīl oonekekoo, eebüchül oonūkalawō Lēswees. Eebüchül Lēsweesük ookesloodūmūnea tan tēpōōkt wēn sapagūnootūk Sāsoos Oonewēs-kooīn, oochenootēpha'p hemeāwīgwanūk.

23 Netwāje oonekekoo eetümook: Nāgūm kesegoc, nāgūm pabēhchemōōk.

24 Netwāje net nesāwā wīhkwematīt ooske-

dapeül tanil nēhkapilītpūnīl, ootēhawōl :
Nūkskam mela'n ūkchetūme-tūham-koosoo-
agun : n'kūjejihtoonā'n wōōt ooskedap lak-
ūmiksooenooewu.

25 Netwāje asedāmat, eetūm : Skat n'kūje-
jehaoō ootūlakūmiksooenooīn. Pēskoonūloo
kējejihtoo : nel nēkapeepūn ; kānookūloo tūk-
āch' nūmīht.

26 Toocheu apch ootēhawōl : Tan k'tūl-
ēhloogoonēs ? tan ūktūle-kesepantēh-tagoo-
nēs' ūkseeskool ?

27 Asedāmat, ootīha : Kes kese yūhool-
neapūn, ha skat k'nootūmooteebakooipūn.
Tanūp apch k'tūlejīksētūmūn'ea ? k'pawōt-
ūmūn'ea k'tūkēhkīmkoō'nea ?

28 Unootalmema'nea ha eetūmook : Kel
ūktūkēhkeemūkw ; kānookūloo Mooes n'tū-
lēhkīmkoon neloon ?

29 Nkūjejihtoonān Nūkskam ooskoocma'-
pūrīl Mooesūl ; kānookūloo wōōt ooskedap
skat n'kūjējahawīn tan tēt ētlāowīt, (wēchā-
yawīt).

30 Nūt ooskedap asedāmat, eetūm : Asūge-
nag'wōōt skat kelooow' ūkūjījetoo'nea tan
wēchāyawīt, ha n'pantēhtagoonūl n'sceskool.

31 Kūjeje'toonā'n Nūkskam skat oojīksūt-
ooawe lakūmiksooenoo ; kānookūloo tan wēn
wekooaje-wīhwenooamat Nūkskamūl, ha ūlēh-
tagēt ooledūhadūmoogūn, nāgūm Nūkskam
oojīksūtooōl.

32 Tanāk' kesetasīkpūn ooskītkūmīkw

māch mēskw noodūmawūn wēn pantēdooōn
wēn ooseeskool tanīl net ēlenūmeekwōōseelit
oonēhkapeelīn.

33 Skat nāgūm oochehakoosūbūn Nūkska-
mooīkōōk, skatūp kēkwsā' keselēhtagawūp.

34 Nāgūmow ootasedāmawōl, ootīhawōl.
Kel nēkaoochenūmekoose-yūnpūn lakūmīk-
sooagūn ikōōk, ha ūktūkēhkemeepūn neloōn?
Toocheu oonodeāka'neāl.

35 Sāsoos noodūmat oonodeāka'nea'l, ha
mēskooōt, ootīhal: Koolamsūt'ūmūn Nūkskam
Ookwōōsūl oohūkē' ?

36 Ooskedap asedāmat, eetūm: Wēn ēa'
nāgūm, Sakūm, noolamsūtūmūn oohūkēk ?

37 Sasoos ootīhal: K'nūmehapūn, ha nūt
nāgūm wēskooocemūsk.

38 Ha eetūm: N'sakūmam, noolamsūt-
ūmūn: Ha wīhwenooamal.

39 Ha Sāsoos eetūm: Utploodūmooagūn
wēje-pūkūchehae ooskītkūmīkw, wēlaman
tanīk skat nēmīhtatekwīk oonūmīhta'nea;
ha tanīk nēmīhtateejīk oonūka-peegwēh-
tasoolte'nea.

40 Ha ankwūch Palooseūk tanīk wejā-
ooajīk noodūmūn'eāl yootūl kūlooswa'gūnūl,
ha ootīhawōl: Neloōn nū nēhkapoolteepūn ?

41 Sāsoos ootīha: N'kapoolteā'kw, skatūp
lakūmīksooagūn ūktēulteuneal. Kānookūloo
tīkāch k'tetūmooteepa nūmīhtateepūn. Net-
wāje ūktūlkūmīk-sooagūnoowōl ūngēsīk.

Chapter X.

1 Ulāu, ūlāu, yoochoolēkw, tan wēn. skat wējiksahakw kha'gūnūk ūsepe-wowe-akaloosun-hasik, kānookūloo wējītkwa'tooēt tama sēkeu', nūt kūmootūnēsks ha nooche-kūmootūnēsks.

2 Kānookūloo tan wējīksūhat kha'gūnūk, nūt nāgūm ūseepe-noojean-kāootagāwīn'.

3 Noojīskagūnāatūch oopantēhtooōn kha-gūn, ha ūseepūk oojīksūtooawōl ēlāwīstoolīt, ha ootūseepūm oonūstooha, ha noodēhnekanow-tekāwō.

4 Ha toocheu' kese nootēphat ootūseepūm, oonekanowtekāwō, ha ūseepūk oonoosookooawōl, eebūchūl oonūstooawōl.

5 Ha pelooāyāl skat oonoosookoowowewōl, kānookūloo owoonēhē oosemootooawōl : eebūchūl skat oonūstooowwewol pelooāyāl.

6 Yoot kwelooāwēstooagūn Sāsoos yahat : kānookūloo skat oonūstūmoonea nēstoomahigoohīt.

7 Netwāje Sāsoos apch ootīha : Ulāu, ūlāu, yōchoolēkw, nel ūseepūk ookūhagūnoo'mooō.

8 M'seu tanik pēdabasītsūbūnīk' tūmk mēskw nel pēgūche'hawōn, kūmootūnēsksūk, ha nooje-kūmootūnēsksūk ; kānookūloo ūseepūk skat jīksūtooawewōbūnīh.

9 Nel khagūn. Wēn oochīksūhat nel n'hūkēk, kekēh'ch, ha ūksēhhēhch' ha nood-ūhēhch, ha oomūskūmūnch' mecheemūk.

10 Kūmootūnēsks wėje-pūkūchehat tēp-ōōkt ookūmoo'tūnan, ha oonā'pateegan, ha wēgūlookan. Nel wėje-pūkūchehae ooteē'nea pūmowsooagūn, ha māch oomūsīhtoonea ag-wōmk.

11 Nel net kēloowōōse-ūseepe-ankāootakāwīn. Kēloowōōsīt ooseepeankāootagāwīn ootūlepoonmūn oopūmowsooagūn ooche ūseep.

12 Kānookūloo tan mētūmeemoot, ha skat oosepe-ankāoo-takāwenoo'wū, ha tan wōōt skat tēbēlmakw ūseep, nūt nēmīhat malsūmool wēchkooehalīt, ha oonūkūla ūseep, ha oosemooka, ha malsūm oomūsūna ha oosesēh-tēkooōh ūseep.

13 Tan mētūmeemoot oosemooka eebūchūl tēpōōkt mūtūmeema, ha skat ootūmetūhamawe ūseep.

14 Nel n'kūloowōōs ūsepeankāootakāwīn, ha nūnoowōk n'tūseepūmūk, ha noojikchīj-egoos ntūseepūm īkōōk.

15 Elīkehejīhīt N'mīhtakws, net ēlīkehejīhook N'mīhtakws, ha n'pūmowsooagūn n'tūlepoonmūn ooche ūseepūk.

16 Ha kūtūkīk ūseepūk n'teeuōk, tanīk skat tūlāāyak yoot woweakūloosūnūhasik. Nāgūmow neaga n'tachooe-pējīphak, ha noodagook'ch ēltakwsī, ha n'kwūche-mūnīhe-yūk'ch, ha apeskoowūch' ūsepe-ankāoo-takāwīn.

17 Netwāje N'mīhtakws moosaalīt, eebūchūl n'pūmowsooagūn n'tūlepoo'nmūn wēlaman apchūp n'kwewātoonp.

18 Skat wën n'kwāhtagooñ, kānookūloo nelūtā n'tūlkīmsīn n'tūlepoo'nūmūn. Utpēl-tūmooagūn n'tēin n'tūlepoonmūn, ha ūtpeltū-mooagūn 'ntein n'wekwāhtoon apch. Yoot ūtploodūmooagūn noojīmsūnūmūn N'mīhtakwsūk.

19 Net apch chūchāpēhlūtoogūn egēhē Lēsweesūk oohūkāāwōk ooche yootūl kūloos-wa'gūnūl.

20 Uktalākwsōōūk nīkt eetūmootoo'ūk: Mūchūhantooūl ootē'uwōl, ha wōōnātūmenā: kēkw wāje jīksētoōēk'w?

21 Kūtūkīk eetūmootooūk: Skat yootūl kūlooswa'gūnūl tan mūchuhantooūl ā'ooūt. Mūchūhantūp' kesepantēhtooanūl ooseeskool nēhkabeleejīl?

22 Ha wīkūpaltemūk oolajīmkāwā' Sāloo-sālēm'k, ha pooneu'.

23 Ha Sāsoos pūmowse k'chehemeāwīg-wamūk Sōlūmūn ootahtoosanūk.

24 Netwāje Lēsweesūk weunīkwawōl, ootehawōl: Tan kūte-kwōōne-āsōokātūhasīkenēn? Newēskoo'eūn pabēhkegēhenē.

25 Sāsoos ootasedāma: Kes keseyūhool-neapūn, kānookūloo skat koolamsūtūmootepa. Lookāwa'gūnūl tanīl ēlatakeanīl N'mīhtakws weso'o'ūnūk, netūl nēspuwōōlāmāweegīl.

26 Kānookūloo skat kelooow' koolāmsūtūmootepa eebūchūl skat kelooow' nootūsee-pūmeunūk, stūkā' tan yōōhoolēkw-pūn.

27 N'tūseepūmūk oojīksūtūmūn'eal n'kūl-ooswa'gūnūl, ha nūnagook, ha noosoakagook.

28 Ha n'meelan askūmowsooagūn, ha skatūch wōōnmāje-mēchīnhūte'weūk ; ha skatūch wēn n'tāpkwīlchēhlūgōōūn.

29 N'mīhtakws tan melītpūnībī pēēmenūgūmkīl skatūk m'seu ; ha skat wēn keseāpkwīlchēhlūgōō'ēül N'mīhtakwsūl.

30 Nel ha n'mīhtakws N'pēsکووēepūn.

31 Netwāje Lēsweesūk apch wekwēhtoonēāl pūnōpskool oopūnōpskooah'nea.

32 Sāsoos ootasedāma, eetūm : Kese-mēsōōātōolnea'pūnīl ūktana'gootool lookāwa'gūnūl kēlooōkīl N'mīhtakwsūk. Tan yoot neetūl lookāwa'gūnūl wēje-kūte-pūnōpskwa'heyēkw?

33 Lēsweesūk ootasedāmawōl, eetūmootōūk : Skat koojepūnōpskoooolōōhpūn kēlooōk lookāwagūn ; kānookūloo eebūchūl ūktalmeema Nūkskam, ha eebūchūl kel ēleskedāpā'weūn Nūkskamwēhlūs.

34 Sāsoos ootasedāma eetūm : Skat ēa ūloowīkhaseu ūktūploodūmooagūn - īkooōk : N'teetūmoopūn kelooow' Nūkskamoolteepa.

35 Lewehatsūpūn nāgūmow Nūkskamūk tanīk oohūkāwīk'ooōk Nūkskam ookūlooswagūn egēhāhpūn, ha Nūkskamāwā' Wīkheegūn skat keseskwōōskātaseu,

36 Uktūlemawō nāgūm tan Wēgwōōsīt Nūkskam Nūkskamwēhlat ha ēlkeemat ooskīt'kūmīkw, Kel ūktalmema Nūkskam, eebūchūl n'teetūmoo'pūn, Nel Nūkskam Ookwōōsūl?

37 Skat ūlookāwōn N'mīhtakws ootlookāwa'gūnūl, moo sak wōōlāmsūtoowe'wēkw.

38 Kānookūloo ūlookean', chegaōō skat wōōlāmsūtoowewēkw', lookāwa'gūnūl wōōlām-sūtūmook'. Wēlaman kūje'jetooneap N'mīhtakws ēu n'hūkēk, ha nel n'tih N'mīhtakws oohūkēk.

39 Netwāje āpch ootūkwāje-ūtloonawōl; kānookūloo oochemachēheūl oopetenooowik'-ooōk.

40 Ha āpch ūlihe kameu'seepook Sooldēnk', tan tūmk Sabadīs ētlepapteisooēhlooētpūn, ha net āit.

41 Ha ūktanakwsooūk pedabase'neal, ha eetūmootooūk: Sabadīs chōōdēhloo skatama kesātoonāweepūn kenooōskooodeegūn; kānookūloo m'seu kēkwsāl tanīl Sabadīs ēlagūnemātpūn yootūl ooskedāpeūl, ūlā'uūl. Ha ūktanakwsooūk wēlamsūtūkik oohūkēk net.

Chapter XI.

1 Naga ooskedape ūksenookapūnōk, Lasa'l lewesoopūnōk, Bētanīk tūlāowewoopūnōk, Male ha wījegetetejīl āpelejīl Malt ootoodā-nēseesooōk.

2 Nūt Male tan soonpēgūnatpūn Uksakūmamenooūl soonpēgūnūsoot', ha ookasūmoanēpūnīl oošetūl oopeā,oom ikōōk, tan wījegetetedūū Lasal kēsenookatpūn.

3 Netwāje wījegemajehe āpe'lejehe, oo-pēdapoochaneapūn kūloosooagūn Sāsoosūl, eetūmoopūnik: Sakūm, sagīh't, tan moosalūt ūksenooka.

4 Net Sāsoos nootūk, eetüm: Yoot ūkse-nookāwagūn skat ooche ēu n'pooakun ikōōk; kānookūloo wēje ūk Nūkskam ookechetūme-tūhamkoosooagūn ikōōk, wēlaman Nūkskam ookwōōsūl ookeche-tūme-tūhamkoosīn.

5 Net Sāsoos ookūsēlmal Mal' iūl ha wīje-getetejīl āpelejīl, ha Lasalūl.

6 Netwāje tan toocheu kese noo'tūmat ookūsenookalīn māch ūnkēhsoo nesoogūneu' tan tēt āit.

7 Toocheu agīmtē ootīha nootūkēhkemoojīk: Labasenēch apch Lēsweesooōkīk.

8 Nootūkēhkemoojīk ootīhawōl: N'sakūmamūn, kēchhe'kaweu' Lēsweesūk kūtepūn-ōpskoohookoo'pūnīk, ha k'tūlehan apch net?

9 Sāsoos ootasedāma: Skat ea' nesankoo tūpaskooodeegūnūl n'kāgeu'? Pūmoosēt' wēn spūtā'oo skatūch napīskwamao, eebūchūl nūmīhtoon ooskītkūmīk oopūsakwhāgūm.

10 Kānookūloo pūmoosēt wēn nebaeu napīskwamach', eebūchūl skat pūsakwhēk ēeu' oohūkēk.

11 Yootūl kēkwsāl eetūkīl, toocheu' agīmtē ootīha: Lasal ūksewēn koowak. Kānookūlco n'tūlīhan wēlaman n'tookēhla.

12 Netwāje nootūkēhkemoojīk ootīhawōl: N'sakūmamūn, kooweet, woolāooch.

13 Kānookūloo Sāsoos wēsکوووتūmooōt oonūpooagūn; kānookūloo nāgūmow ledūhasooltooūk oosکوووتūmūn atlasīm wā' kā-weemūk.

14 Netwāje toocheu Sāsoos opabēhke-yaha: Lasal mēhche'neak'.

15 Ha noole'dūhas ooche kelooow' skat n'teē'wūn net; wēlaman koolamsūtūmūnea. Kānookūloo la, base, nech āit.

16 Netwāje Tooma, tan eaga lewesoo Tūk wēhs, ootīha tanīhī mowkēhkemajīhī; Kelloon na labasenēch, wēlaman kooweje-mēhchīnhūteebūn.

17 Netwāje Sāsoos pēgūchehat net, oomūs-kūmūn kesepooskūnasooūl kes nāoogūnūk-ūt.

18 Net Bētāne kwīheu' Sāloosālēmīk, wējā-tagāmūk tamahal toodūn nanankoo stādēci, [netal tamahal neesoohsalkōōt.]

19 Ha ūktanakwsooūk Lēsweesūk pēda-basejīk Malt ha Male āetīt, ooltēkooōn'ea ooche wījekematetūhū.

20 Netwāje Malt ātoochenoo'dūmat Sāsoosul oochkooehalīn ootūlīhan oonājeasīkooōl. Kānookūloo Male māch hūppoo wēnoochīg-wamūk.

21 Toocheu Malt ootīhal Sāscosūl: N'sakūmam, ēūsūbūn yoot tēt, wejegeteēk' skatūp mēchenāweak'.

22 Kānoo n'kūjejihtoon tūkāch tan ēle-wīh-koodūm-ooūt Nūkskam, kūmīlkoonch' Nūkskam.

23 Sāsoos ootīhal: Wejege'teēkw nūmchēs-oo'ch.

24 Malt ootīhal: N'kūjejihtoon nūmchēs-

ooch tan toocheu menooowsooltimk m'chūsul-
āwā' keesook.

25 Sāsoos ootihal: Nel net abijebāwa'-
gūnī, ha pēmowsoowa'gūnī. Tan wēlamsūtūk
n'hūkēk chegow mēchenēt pūmowsooch'.

26 Ha tan pēmowsit ha wēlamsūtūk n'-
hūkēk, skatūch mēhchenāoo askūmeu. Koo-
lamsūtūmūn yoot ?

27 Ootihal: Aha, 'nsa'kūmam, noolamsūt'-
ūmūn kel Newēskooīn, Nūkskam Ookwōōsul,
tan pēkūche'hat ooskitkūnīkw.

28 Ha kese eetūk net n'noomachūhan, ha
wīhkwemal wejegetetejil Malewōōl kegemeu',
ootihal: Nootūkēhkekāmīt pūkūchehē, ha
kooīhkwēemūkw.

29 Na Male ātoochenootūk nūkūsaoonagēs-
oo ha oopūkūchehanūl.

30 Net Sāsoos māch mēskw pūkūchehāwe
oodānēseesūk; kānookūloo māch ēu tan tēt
Malt ētle-asegooōtpūn.

31 Netwāje lēsweesūk tanīk wejāooōt-
pūnīk lāmīgwōm, tanīk ētle-wōōlikooōtpūnīk,
nēmehatīt Malewōōl oonūkūsaoonagēsēlīn ha
oonoodūhalīn, oonoosookooawōl, yūhoodooltoo-
ūk: Pooskūnegūnalūkōōk ūlehē nāje-oosegēl-
tūm net.

32 Netwāje Male pēkūchehat Sāsoosul
āeelīt, m'sakūnahtēssīn ooseetūk, ootihal:
N'sa'kūmam, ēūsūbūn yoot tēt, wejegeteēk
skatūp mēhchenāwea'k.

33 Sāsoos netwāje nēmīhat oosasūtēmeelīn

ha oonūmīha Lēswees tanīhī wejāoowajīk,
sasūtēmooltōōh', mākwe, oochūchakwemākwe,
ha oosegetūhasoo,

34 Ila eetūm: Tama k'poonawōh? Oote-
hawōl: N'sakūmamūn, ch'kooe, ha sagiht!

35 Sāsoos sasūtāmoo.

36 Netwāje Lēsweesūk etūmootooūk: Sa-
gihtook! ātoochemōōsalats!

37 Ha ankwōōch etūmootoo'ūk: Wōōt oos-
kedap tan pantēhtooōtpūn nēkabelējīl oosees-
kool, skatūpa'l keselēhlow'eūl wōōt ooskedāp-
eūl skat oomēhchenaleewūn?

38 Netwāje Sāsoos apch mākwe lameu
pēkūchehat pooskūnegūnalūkōōk. Ulmalkūt-
ōōs' pūnōpskōōk nū, ha pūnōpskw wē'itēk.

39 Sāsoos eetūm: Sēmahtōōk pūm skw.
Malt, n'pool'n wejegetetejīl, ootīhal: N'sakūm-
am, tūkā'ch kes pelooemēhē, eebūchūl kes
oomēhchenan nāoo-wookūnūkūt.

40 Sāsoos ootīhal: Skat ea kūtehoolookpūs,
wōōlamsūtūmūn', kūnūmīhtoo'nch Nūkskam
ookeche-tūme-tūhadūmooagun?

41 Toocheu' oochesāmahtoo'nea pūnōpskw
[tan tēt n'pooenooūl ēlūsīnlīt]. Ha Sāsoos
spūmūk līkchēsooūl ooseeskool, labēsoo, la
eetūm: N'metakwe', wīhwenooamūl eebūchūl
ūkjīksūtōoēpūn!

42 Ha n'kūjejihtoonāpūn kel mājemeu'
k'jīksūtōoe; eebūchūl ooche yoot mowehamūk
tanīk weunekaboohajīk, n'teetūm: wēlaman
nāgūmow oolamsūtūmūn'ea kel ūktūlkeemīn.

43 Ha kese edūk yoot, kīntakwsoo, eetūm:
Lasa'! chkoee-nootaha!

44 Ha tan mēchenētpūn wēchkooe-nootahat,
tūbakwēknasooūl oopeteenūl ha ooseetūl
n'pooenooāyal hūlgootāwa'gūnūl. Sāsoos oo-
tiha: Apkwēhlōōk, ha kesēltūmoowōōk' ooma-
chūhan.

45 Netwāje ūktanakwsooūk Lēsweesūk ta-
nīk pēdabasenēa'būnīl Malewōōl, ha oonūme-
toonea ēlookālīt, oolamsūtūmootooūk oohūk-
ēk.

46 Kānookūloo ankwōōch labasooūk Pa-
loose-eekōōk ha ootagūnoodūmooawa Sāsoo-
sūl ēlookālīt.

47 Netwāje k'chepatūleasūk ha Palooseūk
oomawēhlawa bootooūsooenoc' ha etūmootoo'-
ūk: Tanūch tūlātakhūtenān? eebūchūl wōōt
ooskedap ookesātoonūl ūktana'gōōtool kenoo-
ōskooeegūnūl.

48 Chegetooūkw ootūlāin yōōt, Lomkā'we-
ūk pēdabasooūkeh ha kooekwātagoonānūch
kūmūtкін' ha neaga kooēkwēhlūkoonwōōk'ch
nēkwtakūmīkseūkw.

49 Nūt pēskw nā'gūmow lewesoo Keiep,
tan ēlīkche-patūleaswīt net pēme'kūtūk, oo-
tiha: Skatama kēkw kūjeje'tooté'pa.

50 Ha skat ūktūlītpedūhadūmoo'nea koo-
che-kaneāwooltenēn' pēskw ooskedāp ooche-
mēchenan ooche-pūmowsooenooūk, wēlaman
m'seu' nēkwtōōkūmīksejīk skat ooche-skwōōs-
kēseuneca.

51 Kānookūloo skat ooche eetūmoo'ūnūl yootūl kēlooswa'gūnūl nāgūm oohūkēk ; kānookūloo ēlikche-patūleaswīt net pēmeeekūtūk, nīkaneuhūla'jūmoo Neewēskw oochemēchenēch' nīhīht n'kōōtookūmīksoo.

52 Ha skat tēpōōkt nīhīh't n'kōōtookūmīksoo, kānookūloo neaga mowēhlan oopēskskoocēlīn Nūkskam ooneja'n tanīk sesēhtēkoojīk.

53 Netwāje wēchā'tagā'mūk net kesōōk mowagūnoodūmak oonā'paha'nea.

54 Netwāje Sāsoos skat agwa'mk ūlemēssoowepūmehāu Lēsweesoīkōōk, kānookūloo machēhē, ha ūlīhe kūta'kūmīkw, oodānēk tan lewesooewē' Eplūm, ha net ētlemow-āyīt tanīhī ēgēhkemajīhī.

55 Net Lēsweesūk nankūmehagāwā' wīkw-hūpaltīmkāwāamooōh kūtēegēhe, ha ūktanakwsooūk pūleu-ootabasooūk, ha ēlītkwakweabasooūk Sāloosālēmīk, oopēhkehoosoolte'nea, mēskw wīkhūpalteemōōk.

56 Nookwelooūha'nea Sāsoosūl, ha yūhoo-dooltooūk sēklūteetīt k'chehemeāwīgwanūk: Kēkw ledūhasoolteeba? skatūcha'l pūkūchehāoo wīkhūpalteemūk?

57 Ne' k'cheapatūleasūk ha neaga Paloosesūk ēlekeslootūmootīt wēn ūkehe'jeha't tan āeelīt ootāgūnemal'p, wēlaman ootakwoonawōlp.

Chapter XII.

1 Toocheu, Sāsoos kamachīn kesoogūnūk mēskw nankūmehagāwā' wīkhūpalteemōōk, Bētānīk pūkūchehē tan Lasa'l āit, tan wōōt kese mēchenētpūn, tanīl Sāsoos kesepūmow-sooēhlatpūnīl.

2 Net tēt ētlewīkwhūpalatīt, ha Malt oonootūmawō; kānookūloo Lasa'l nīkt pēskw nāgūmow tanīk mowīhpoomajīk.

3 Toocheu' Male wīhkwēhtoon n'koochīt-keegōōn soonhūkēnsōōt lewīhtasoo speik-nald, pooktūkehē, ūksa'oodoo, ha oosoonpēg-ūnūmooanūl Sāsoosūl ooseetūl, ha oochekasūmooanūl ooseetūl oopeāsoom īkōōk; ha wēn-oochegwōm p'sūnōkwhēsoo soonhūkēnsōōt'.

4 Toocheu' nūt pēskw tanīk wējekēhke-moojīk oohūkēk, Sooda Iscaleot lewesoo, Semoo ookwōōsūl, tan kētekenooēhlat Sāsoosūl, eetūm:

5 Kēkw wāje skat ankooēhtasē'nookūs'yoot soonhūkēnsōōt ooche n'satkwādool denā-leūl, (tamaha'l nāooīnsk' kesageesooūk), ha ūnūpmelan tūmaksūsooenooūk.

6 Skat yoot ooche-etūmooūn ootūmetūhaman tūmaksūsooenoo, kānookūloo ooche nāgūm kūmootūnēsks, ha ooteīn manenoot', ha pūmīptoon tan kēkw pejātasīk.

7 Toocheu' Sāsoos eetūm: Ehkwīhan āpet: ooche-ēenēs' ookesajīhtūmūn keesook poos-kūnīmk.

8 Eebüchül tümaksüsoocnooük k'mëcheme-uwawök ha mowāye'neak'; kānookūloo nel skat k'mëcheme-ëüëpah'.

9 Netwāje ūktanakwsooük Lēsweesük kēje-jehatīt Sāsoosül ooteēlīn net, ha pedabasooük skat tēpōōkt ooche nāgūm, kānoo neaga ooche nūmīha'nea Lasalül tanīl Sāsoos kese pēmow-sooēhlatpūnīl.

10 Kānookūloo k'chepatūleasük mowāgūn-ootūmatooük neaga oonāpūha'nea Lasalül.

11 Eebüchül ooche nāgūm ūktanakwsoo'būnīk Lēsweesük majcaba'sītpūnīk, ha wēlam-sūtūmootoo'būnīk Sāsoosül oohūkēk.

12 Net apch ātau kesook ūktanakwsooük pūmowsoocnooük tanīk pēdabasejīk wīkhūp-alteemūk, noodūmatīt Sāsoosül oochooēhalīn Sāloosālēmīk',

13 Wīhkwēhtoo'neal p'skētkoonool ūpūs'lewesoo Penīks, ha ootūlabase'nea ootasīk-oonea, ha ootookāmooltooük, etūmootoo'ük; Hosana! (netūna, ləkēk'w tūkā'ch!) oolēhlūkwsōōl Islēl ookīnchāmūsmūl, tanīl wēch-kooohalejīl K'chesakūm wesooūn ikōōk.

14 Ha Sāsoos mēskooōt āwasesooēlejīl jāk-hasūl, ootēsagoopēseenūl, stūkā ēloowīkhasīk,

15 Moo sak sēksekūch Seūn ootoosūl! sagīhtē ūkīnchāmūsūm wechooīhat ootēsakoo-pe toowōl jākhas oojākhasceesūmūl.

16 Netūl kēkwsāāl wēdekēhkemoojīk skat oonūstūmoo-teleunāweepūn tūmk. Kānoo-kūloo kesīkchetūmetūhamkoosīt Sāsoos oo-

mīkwetūhadūmūn'eal netūl kēkwsāl āwīkha-seegil; ha neaga Sāsoosūl ookeselēhtagan-ēb'ūnīl netūl kēkwsāāl.

17 Netwāje nāgūmow tanīk wījāooatīt-pūnīk [Sāsoosūl] tan toocheu wēje-nootēg'emat Lasalūl pooskūnegūna'lūkōōk, ha pēmowsoo-ēhlat', n'speuwōōlām hūt'ooūk.

18 Ha netwāje mowehamūk ootasekooawōl, eebūchūl ookesee-noodūma'nea nāgūm ookeselēhtagan yoot kenooōskoodeegūn.

19 Netwāje Pālooseūk yūhoodooltooūk: Skat k'nūmīhtoonea skatūkēkw k'tūlekesā-toopa? Sagīhtōōk, ooskītkūmīkw oonūkanoo-sookagoon.

20 Net ankwōōch Gūlekāweūk mawe-eool-tooūk nā'gūmow tanīk kesīch-kooīkwakwe-abasejīk ootemehanea [Sāloosalēm k'] wīkhūp-altemūk.

21 Nāgūmow pēdabasooūk Pelīpk, tan tūlā' Bētsādīk, Goolelētk, ha oopabēhche-gēsē'neal, etūmootooūk: Sakūm, n'pawatūmūnēn nūm-īhanēn' Sāsoos.

22 Pelīp pēgūchehat ha ootagūnoodūmooōl Atūlāwōōl, ha agīmtē Atūlā ha Pelīp pētkow-ootooūk ha ootagūnoodūmooawōl Sāsoosūl.

23 Ha Sāsoos ootasedāma, cetūm: Tēp-ūnaskooīhak egēhe pūmowsooīn Ookwōōsūl ookechetūme-tūhamkoosīn.

24 Ulihē, ūlihē, yōōhoolēkw, tanūch eaga n'koochemīngūt hīglīskalūn skat ūlebūnāg-wehanook kūtakūmeegook ha skat mēchenā-

wenöök, n'koodookahtěk; kãnookũloo mēche-nāwĩk k'chāowwemĩn-kasooch'.

25 Tan wööt moosajit oopũmowsooagũn, ookũskatoon'ch. Kãnookũloo tan akwetũh-hadũk oopũmowsooagũn yoot ooskitkũmĩkw, ootankāoo'tũmũn askũmowsooagũn iköök.

26 Wẽn loo'kāwĩt noosookooĩch; ha tan āe, nooskenoosũm net tětũch āetũch'. Wen loo-kāwĩt N'mĩhtakws ookeche-tũmetũhamāl'ch.

27 Tũkā'ch n'chũcha'kw oonmājedũhasoo: ha kākooch' n'teetũm? N'metakwē, oocheke-kehe'n yoot t'paskooteegũn! Kãnookũloo ooche yoot n'pũkũche yoot t'paskooteegũnũk.

28 N'mē'takwē, k'chetũmetũhadũmoon kooesooũn'. Toocheu [Nũkskam] noodooħ ětlāwěstakw spũmkeek, eetũm: N'kesĩkche-tũmetũhadũmũn, ha neaga apch n'kechetũm-etũhadũmũn'ch.

29 Netwāje mowehamũk tanĩk sěklũteejik kwĩheu', etũmootooũk: Pā'dageu'. Kũtũkĩk etũmootooũk: Asā'leũl ookũloo'lkool.

30 Sāsoos asedāmat ha eetũm: Yoot kũloo-wagũn skat oochehegahāoo ooche nel: kãnookũloo oocheėėhě ooche kelooow'.

31 Tũkāch yoot ooskitkũmĩkw ũtploodasoo; tũkā'ch yoot ooskitkũmĩkw ookĩnchāmũs'ũm-ũl noodeakānch'.

32 Ha nel ooche-onagěhlĩmk' ktakũmee-göök, noochkooĩphak'ch m'seu pũmowsoooe-nooũk tan āe.

33 Yoot wěje-eetũk ootahkenoočhtoon tanũch ěleměchenět.

34 Pūmowsooenooŭk ootasedāmawōl: Nooje-noodūm-ūnēnoopūn bootoosooagūn ikōōk Newēsk' askūmeheu. Ha kēkwsā' wēje-heetūmūn pūmowsooin Ookwōōsūl chooeona-gēhlach? Wēn ea' nūt pūmowsooin Ookwōōs-ūl?

35 Toocheu' Sāsoos ootīha: Makeyāoo pūshakwhēk wējehēmkoō'nea. Pūmabasīkw kwēneheeyēkw pūsakwhēk, wēlaman pīskah-tēk skat ktūlūmīhkagoonea; eebūchūl tan pāmīhat pīskatādook skat ookūjejetooūn tan ēlehat.

36 Kwēneheeyēkw pūsakwhēk wōōlamsūt-ūmōōkw pūsakwhāgīkōōk, wēlaman ookwōōsīn pūshakwhēk ūkhūkāwō. Yootūl kēkwsāl Sāsoos eetūkīl, ha machēhē ha neaga ookwasōōhtooōh.

37 Kānook kak ēdoochīktana'gūtool kenooōskoodcegūnūl kesātak'pūnīl wāoochūs-kooweu, skat oolamsūtūmoo'nēawepūn oohūkēk.

38 Wēlaman Esae nekanīk-chejetakawenoo' ookūlooswagūn, ūlāu tan eetūkūs: Ukchesakūm, wēn kese oolamsūt'ūkūs n'tagūnoo-dūma'gūnūn? ha wēn Ukchesakūm oopetīn ēlēmēsooēhtooowōōts'?

39 Netwāje skat kese-wōōlamsūtūmootee-tekoopūn, eebūchūl Esae apch eetūkūs:

40 Ookesīnkabooēhtooanūl ooseskooōl, ha neaga ookesesaglihtooanūl oomūshoonooōl; wēlaman skat oochenūmīhtahteuneal ooses-

kooöl, ha oochĩnsütũmooteuneal oomũshoon'-
ooöl, ha ookwöölpeh-lũsoolteunca, ha nel
n'kesepelawũnp'.

41 Yootũl kėkwsāl Esae etũkũpũnĩl, ee-
bũchũl oonũmĩhtooõnāpũn ookechetũme-tũ-
hamkoosoowagũn, ha neaga oonũstooha'bũnĩl.

42 Kānookũloo ũktanakwsooũk pootooũs-
ooenooũk wėlamsütũmooteejĩk oohũkėk, kā-
nookũloo ooche Paloo'se skat oopabėhksensũt-
oomoonea, ooche skat oochenodeh-nawũnp
hemeāwĩgwamũk.

43 Eebũchũl oopeāme-moosaje'nea pũmow-
sooenooũk ookechetũme-tũham-koosooagũn-
oowđ skatũk Nũkskam ookechetũme-tũham-
koosooagũn.

44 Ha Sāsoos kĩntakwsoo, cetũm: Tan
wėlamsütũk n'ũkėk skat [tėpöđkt] 'leo-
lamsütũmoo nel n'ũkėk, kānookũloo Nāgũm
oohũkėk tan pėtũkemĩtpũn.

45 Ha tan nēmĩhat oonũmĩhal Tanĩl pėt-
ũkemĩtpũr.ĩl.

46 N'pũkũche ooskĩtkũmĩkw n'pũshakw-
han, wėlaman m'seu wėn tan wėlamsütũk
n'ũkėk, skatũp pũmehāoo pĩskatātöđk.

47 Ha tan wėn nootũk n'kũlooswa'gũnũl
ha skat kũlnũmook, nel skat n'tũbloomao; ;
kānookũloo skat nooche-pũkũchehow n'tũp-
loo'tũmũn ooskĩt'kũmĩkw, kānookũloo weche-
pũkũchehae n'kekėhtoon ooskĩtkũmĩkw.

48 Tan wėn sāmahlĩt, ha skat wekwātöđkw
n'kũlooswa'gũnũl, ootewöł tanĩl tėbloomchĩl.

Kūlooswagūn tan etūmanpūn, netūch tēbloomal m'chūsūlāwā keesōōk.

49 Eebūchūl skat nooche-kūloosekoopūn nel n'hūkēk, kānookūloo N'mihtakws tan pētūkemītpūn, Nāgūm n'mīlkoonāpūn hūlgetūmooagūn tan ēlāwēstoo ha tan eetūm.

50 Ha n'kūjejihtoon ootūlgetūmooagūn askūmowsooagūneu'. Netwāje tanīl kēkwsāl nēstoomanīl N'mihtakws tan yehītpūn net nēstōōm'.

Chapter XIII.

1 Net mēskw nankūmehanook wikhūpalteemūk Sāsoos ookoojejihtoonēs' ootēbūnas-koochaagūm egēhē oochenoodahan ooskītkūmīkw ha ootūlīhan Oomīh'takwsūk, kes ookesīksēlmabūnīhī oosewēs tanīhī ooskītkūmīkw āooltelejihe, oomoosalabūnehe mālūmūtā māchehak.

2 Ha oolagwīhpooagūr. ē'gūhēs, ha mūchūhant ookese-pejēhtooōts Sooda Iskāleo't Semoo ookwōōsūl oomūshoonūk ootahkenooēhlan;

3 Sāsoos ookūjejihtoonēs' Oomīhtakwsūl oopoonēhtagoon m'seu kēkwsal oopeteenūk, ha nāgūm ookesuchīhan Nūkskamooīkōōk, ha ootūlīhan Nūkskamooīkōōk ;

4 Ooche-oonagēisoopūn oolagwīhpooa'gūnūk, ha oopoonēhtoonāpūnīl ootūlkwōōtawagūnūl, ha wekwēhtoonāpūn kasegōōhoosoot' ha ootūlēgūpīlsenāpūn.

5 Agĩmtě oosooka'toonāpūn sāmāgwōn too-egūsegwēnsootik, toocheu' oomachěksūspatoo-ōnāpūnīl ooseetoowōl' tanīhī ěgěhkemājīhī, ha oochekashūmooanāpūnīl kasegōōhoosootik tan ělēgūpīlsītpūn.

6 Toocheu' oopūkūchehanūl Semoo Peālūl, ha Peāl ootīhal: Nsa'kūmām, kūsūspatoonūl 'nseetūl?

7 Sāsoos asedāmat ha ootīhal: Tan ělōōkī tūkā'ch skat ūkūjejetooūn; kānookūloo ělmīhak kūjejetoo'nch.

8 Peāl ootīhal: Kel skattěhch kūsūspatoo-weunūl 'nseetūl. Sāsoos ootasedāmāl: Skat ūksūspahlūl'ooān' kel skadama k'teewūn tūp-ěltūmooagūn 'nhūkěk.

9 Semoo Peāl ootīhal: N'sakūmām, skat tēpōōkt 'nseetūl, kānookūloo neaga 'npeteenūl ha neaga nūneagūn.

10 Sāsoos ootīhal: Tan wōōt kesīksūspatasīt tēpōōk't wētūmětūhadūk ookoosūspah-toon ooseetūl, ha toocheu' 'nkīhkapabātūmepěhkeegoo. Ha kelooow' ūkpabātūmepěhkeegoolteba, kānookūloo skat m'seu.

11 Kānookūloo Sasoosookūjeīhal tanūlkět-ookenooěhlīhīl, netwāje cetūk: Skat 'mseu' ūkpabātūmepěhkeegoolteba.

12 Net kesīksūspatoo'ōt ooseetooōl, ha kesewīhkwāātākw ootūlkwōōtāwā'gūnūl, ha kesūpěssīt, ootīha: Kūjejetoo'nea keselěhlūl-ěkw?

13 Tūleweheepa Noodūkěhkegāmīt ha 'Nsā-

kūmamūn, ha koolāmhūteeba, eebūchūl nel nūt.

14 Netwāje nel tan koosakūmamoolte'nea 'nhūk, ha neaga kūnootūkēhkemlūpa, ūksispahtoolēkw ūkseetooōl, kelooow'-ūpūna kūšpa-taootool-te'neal ūkseetooōl.

15 Eebūchūl kesemīlūn'ea kēhkīmsoot k'tūlookhūte'nea tan lēhlūlēkw.

16 Ulihē, ūlihē, yōōhoolēkw, tan wōōt tēbēl-ūmūkwsīt, skat ājīspāu skatūk oosākūmamūl; kūšūna tan wōōt ēlkeemoo't skat peāme-spāu skatūk tanīl ēlkemajīl.

17 Net kūjejetooēkw yootūl kēkwsāl, koolāoolteeba hūlōōkhūteēkw'.

18 Skat noochekūlooseu 'mseu kēs'eēkw: 'nkūjejīhāk tanīk mēgūnookpūnīk: eebūchūl wēlamān tan ēloowīkhasīk ūlihē: Tan wōōt mowīhpoolteeēk hūpanūl, ēleoonagēhtak'ws wookwūn nel ūlgweu.

19 Net nekanagūn-ootūmoolpa mēskw egūhanōōk, wēlamān eegūhāk koolāmsūtūmūn-ea'ch nel nūt.

20 Ulihē, ulihē, tan yōōhoolēkw, tan wēn wekwēhlat tanīl nel ēlkeemook, neaga nel noowīhkwēhlūkw. Ha tan wēn wekwēhlīt nel, wekwēhlal tanīl pētūkemiṭpūn.

21 Net Sāsoos kese eetūk neetūl, wōōnmāje-dūhasoo oomūshoonūk, ha ootāgūnoo-dūmooha, eetūk: Ulihē, ūlihē, tan yōōhoolēkw, pēskw kelooow' 'ntakenooēhlūkwch.

22 Toocheu' nootūhkēhkemoojik esagehoo-

tooltooŭk, skat ookŭjejhaweuwŏl tanil wēnil eetŭkīl.

23 Net pēskw tanīhī Sāsoos ēgēhkemajīhī, tanil Sāsoos kēsēlmajīl, sītkwēhscenool Sasoo-sŭl oopŭskoonŭk.

24 Netwāje Seemoo Peāl oomātkwēhtoo-wŏl oopabēhchemān tanil wēnil eetŭkīl.

25 Toocheu' nāgŭm tan ēsītkwēssīkpŭn Sāsoosŭl oopŭskoonŭk, ootīhal: N'sakŭmām wēn nŭt?

26 Sāsoos asedāmat' eetŭm: Nŭt ēhtŭ tanŭch meelook āpsŭgīkwsŭsŭk keseskwiŭhegeān'. Ha kese skwīh-heegēk āpsŭgīkwsŭsŭk, oomeelān Sooda Iskāleotŭl.

27 Kesīmsŭnŭk āpsŭgīkwsŭsŭk muchŭhant' ookŭsahaanŭl. Toocheu' Sāsoos ootīhal: Tan kēkw kēdelēhta'geŭn, nŭkŭsalātāk'.

28 Net skat wēn nāgŭmow tanīk mowepoomajīk ookŭjejetoonēa kēkwsā' wējeyŭhat net.

29 Kānookŭloo ankwŏōch ledŭhasooltooŭk eebŭchŭl Sooda ootein manenoot', Sāsoos ookeseyŭhān mŭnŏōhmoo'n tanil kēkwsāl pawatŭmŭkw ooche wīkhŭpalteemŭk, kŭsŭna oomeelan kēkwsā tŭmaksŭsoowenoo.

30 Net kesīmsŭnŭk āpsŭgīkwsŭsŭk nŭkŭsa-noodēhē: ha kes pīskehē.

31 Ha netwāje kese noodŭhat Sāsoos eetŭm: Tukāch'pŭmowsooin Ookwŏōsŭl k'chetŭmetŭhāmkoosŭl.

32 Ha Nŭkskam wējīk-chetŭme-tŭhām-

koosit oohükëk. Nükskam neaga ookeche-tümetühan.âl'ch oohükëk, ha oonüküsak-che-tüme-tühamälch'.

33 Wasestöök, 'mchüsül makeāwöös koee-jāyoolpa. Kweloohepâch', ha stükā' yühöök-pün Lësweesük tan têt ā'lehae skat pëdaba-sun'ea, net na kelooow' yühoolëkw.

34 Pelā' hülgetümooagün melëkw, wëlamân küsëltooltë'nea. Stükā' net ëliksëlmülëkw, net na üktüliksëltooltë'nea kelooow'.

35 Netüch 'mseu wënik ooküjejetoo'nea ke-looow' koodükëhkimkoosoolte'nea nel 'nhükëk üksëltooltëëkw'.

36 Semoo Peäl ootihal: N'sakümâm, tama k'tüle? Sāsoos ootasedāmal: Tan ā'lehae skat kese noosooküweu' tükäch'; kānooküloo ëlmihak noosookooich'.

37 Peäl ootihal: Nsa'kümâm, (këkwsā' wā-je,) këkwāje skat kese noosookooloo tükäch? 'npūmowsooagün 'ntülepoonmüñch ooche kel.

38 Sāsoos ootasedāmal: K'tülepoonmüñch k'pūmowsooagün ooche nel? Ülihë, ülihë, yööhool, nabaha'ch skat mütëhtakseu agimtë üktigünāwalich' nihl.

Chapter XIV.

1 Moo sak oonmäjedüha'sooich k'müşhoon-ooowöl! Woolämsütümootikw Nükskam oohükëk, ha neaga nel 'nhükëk wöölämsütümootikw!

2 Lâmekwâm 'Nmīhtakws week ūktana-gōōtool' ehyooltūmkil. Skat lāenookūsūpūn ūktehoolneapūnp'; eebūchūl nel 'ntūlīhan nājewōōlēhtoolnea tan ehyoolteemūk.

3 Ha līhayan ha nājewōōlēhtoolēk'w ehyoolteemūk, āpchūch 'npūkūche ha tūlewīhkwēh-lūlpach' 'nhūkēk, wēlamān tan āe kelooow' na k'teoolte'nea.

4 Ha kūjejetootē'nea tan ālehae, ha neaga kūjejetootē'nea owht.

5 Tooma ootīhal: Nsakūmām, skat 'nkūje-jetoonā'wīn' ālehayīn, ha tan n'tūle-kesīkchij-e'toonān' owht?

6 Sāsoos ootīhal: Nel net owht, ha neaga wēlāmāwa'gūnī, ha pēmowsooa'gūnī. Skat wēn oopūkūcheha'ocnūl N'mīhtakwsūl skat ooche-pūkūcheha'kw nel 'nhūkēk.

7 K'checheyēkwsūpūn nel, k'cheche-hawōpūna 'Nmīhtakws. Ha tūkāch' wējēhtag' mūk kūjejahawō Nāgūm, ha kese nūmehawō.

8 Pelīp ootīhal, N'sakūmam, mooskātooenēh K'mīhtakws, ha netūch keaskwe neeloon.

9 Sasoos ootīhal: Kes kwānewejā-oolēkw, Pelīp, ha mēskw māch kūjejīhu? Tan kese nūmīhīt neel ookese-nūmīhal 'Nmīhtakwsūl. Ha kēkwsā' wēje-cetūmūn, Mooskātooenēh k'mīhtakws?

10 Skat ea' koolāmsūtūmooūn nel 'nteīn 'Nmīhtakws oohūkēk? ha neaga 'Nmīhtakws ēu nel 'nhūkēk? Kūlooswa'gūnūl tanīl yōōhoolāgwīl skat nooche-etūmoo'nūl nel

'nhükëk; kânookûloo 'Nmih-takws tan mëje-mehëit 'nhükëk, Nāgūm ootûlookanûl loo-kāwa'gūnûl.

11 Wöölāmsütōōikw nel 'nte 'Nmih-takws oohükëk, ha neaga 'Nmih-takws ëu nel 'nkükëk, kūsūna oochē-wöölām-sütūmookw lookāwa-gūn iköök.

12 Ulihē' ūlihē, yööhoolëkw' Tan wëlām-sütük 'nhükëk lookāwagūnûl tanil nel ëlookeanil nāgūmchūna ootûlookanul: ha peām-kikwūnoo'leh lookāwa'gūnûl ëlātagājil, eebüchûl 'ntülh' 'Nmih'takwsük'.

13 Ha tan këkwsā' wëje-wekoo'dümëkw nel noowesoo'ūnük, net 'ntülātaga'nch; wëlamān 'Nmih-takws ookeche-tūme-tūhamkoosin Oookwöösul oohükëk.

14 Wehkoodümëkw këkwsā' nooesoonük, 'ntülātaga'nch.

15 Moosaleā'kw, sâktūmook'ntülgetūmooa'gūnûl.

16 Ha nelüch n'kwelootūmooön 'Nmih-takws, ha k'inilkooneach' kütük Noojewöölëh'looët, ha Nāgūm wejāagoo'wöhch' mājemēu'.

17 Nüt oolāmāwagūnā' Mchūcha'kw, tan ooskit'kūmīkw skat kese wekwëhlakwīl; eebüchûl skat oonūmehowēul kūsūna skat oonūnoow'eul. Kânookûloo kelooow' k'nūnoowö; eebüchûl wejāagoo'ö, ha eooch' ūkhükāwök.

18 Skatüch k'r'ä' ūlūloopa ūksāsūme-kebūswööl-te'nea. Aoolteyëkw ūkpëtëhkoolpach'.

19 Net 'mchūsül makeāwōös ooskit'kūm-
 ikw skatūch nūmehoogoo'ün: kānookūloo
 kelooow' k'nūmehceba; ecbūchül nel n'pūm-
 ōws', kelooow'na koojepūmowsoolte'nea.

20 Net kesoo'ken kūjejeetoonea'ch nel
 'ntein'Nmīhtakws oohūkēk, ha neaga kelooow'
 ūkteoolte'nea nel 'nhūkēk; ha neaga nel
 'ntein kelooow' ūkhūkāwōk.

21 Tan āit' ntūlgetūmooa'gūnūl, ha oosak-
 tūm'ūnūl, nāgūm nūt 'nkūsēlmūkw; ha nāgūm
 tan kēsēlmīt, oochīksēlūmooksooch 'Nmīh-
 takwsūk; ha nelūchūna 'nkūsēlma nāgūm; ha
 'ntūle nēsooēhūsūch oohūkēk.

22 Sooda ootīhal, (skat Sooda Iskaleot),
 'Nsakūma'mūn, tanūch ūktūle-kese-mēsooēh-
 lūsīneh 'nhūkānook, ha yaga skat k'mēsooēh-
 lūseewūn ooskitkūmīkw?

23 Łāsoos asedāmat, ha ootīhal: Wēn mōös-
 ālīt', 'nkūlooswa'gūnūl oosaktūmūnūlch, ha
 'Nrīhtakws ookūsēlmal'ch: ha 'npēhtēhkooa-
 nūch tan āit, ha 'nwejäow-tooltenānūch.

24 Tan skat mōōhsalīkw, nāgum skat oo-
 saktūmoonūl 'nkūlooswa'gūnūl. Ha kūloos-
 wagūn tan nootūmēk'w skat nel n'kūlooswa-
 gūn net, kānookūloo 'Nmīhtakws ookūlooswa-
 gūn net, Tan pētūkemītpūn.

25 Yootūl kūlooswa'gūnūl yūhoolāgwīl
 kwēne-wejäoolēkw.

26 Kānook Noojewōōlēhlooēt' kēsūsūt
 'Mchūchakw, Wēje-oolenewēskwīt, tanīl N'mīh-
 takws ootū' gemāl'ch nooesooūnūk Nāgūmch

'knüka-këhkim-koonea'lch 'mseu këkwsäl, ha kesātagooneach k'mikwedühadümüne m'seu kekwsäl tanil nel kese-yööhoolëkwpünil.

27 Wöntükāooagün nügüt'ümün ükhük-āwök. N'wöntükāooagün kümilün'ea. Skat üktülemeloone'a stükā' ooskitkümükw ëleme'-loowëk'. Moo sak sēspādüha'sooich k'müshoonooöl', küsüna moo sak sēksooich!

28 K'noodümüneapün yööhoolëkwpün 'nma-chüha ha äpëhüch ükpëtëkoolpa tan āool-teëkw. Moosalëëk'w kooledühasooltebap', eebüchül 'nteetümoopün 'ntülil 'Nmihetakwsük, eebüchül 'Nmihetakws peëmkil skatük nel.

29 Net tükā'ch kese-yööhoolëkwpün mëskw skat tēbünaskooehanöök, wëlamân toocheu' tēbünaskooehäk' koolâmsütümüneach.

30 Skat agwömk tülëmuskooimloopa, eebüchül ooskit'kümükw ookinëhämüs'ümül ehikoowih'eyül, ha nel 'nhükëk skatama këkw ooteheewün.

31 Kānooküloo wëlamân ooskit'kümükw ooküjejihton 'nmoosalan 'Nmihetakws, ha neaga tan 'Nmihetakws ëlitploo'mit, net ëlā-taagi. Oonagēsooltikw'! majeabasenech!

Chapter XV.

1 Nel noolāmāwe-alagwemenāksooi, ha 'Nmihetakws nootkekāwün.

2 M'seu p'skëtkwöönool 'nhükëk tan skat menenook, oosāmatoon: ha 'mseu p'skëtkwöönool tan menik, oomoosegëhton, wëlamân äje-mānkasoo.

3 Tūkā'ch wěje-pěhkegool-teėkw kuloos-wagūn ikōōk tan keseyōōhoolėkw.

4 N'gēsooltīkw nel 'nhūkėk, ha nel kelooow' ūkhūkāwōk. Stūkā' p'skėtkwōōn skatūch kesemīnkaseu skat chegūlmenook alagwemenāksīk, ha kelooow' na skat 'ngēsoolteuwėhkw n'hākėk [skatūch kese-wōōlātakūteepa.]

5 Nel alagwemenāk's; kelooow' p'skėtkwōōnool. Tan wěn ěngēsīt n'hūkėk ha neaga nel na n'tūngėss oohūkėk, nāgūm wōōlemīn-kasoo: eebūchūl nel skat ěeuōn k'tūchėlēsool-te'bach.

6 Tan wěn skat ěngėseekw 'nhūkėk, lesā-malūkwsōo stūkā' p'skėtkwōōn, ha kespah-saasīk, ha mowāoodasooūl ha k'chūseāoodasooūl, ha p'skwōōlādasooūl.

7 N'gēsoolteėkw 'nhūkėk, ha n'kūlooswa'gūnūl 'ngēsōōl ūkhūkāwōk, wekoodūmūnea'p tan ělewōōle-dūha'-dūmėkw ha tūlookāukēn-eyā'ch.

8 Net 'Nmīhtakws wějikehetūmetūham-koosīt ketanagwe-mīnkase'nea; ha neaga kelooow' kootūkėhkīmkooseba'ch n'hūkėk.

9 Stūkā' tan N'mīhtakws ělīksēlmītpūn, nel net kelooow' ělīksēlmūlėkw: n'gēsooltīkw n'kūsēltūmōoa'gūnūk.

10 Saktūmėkw n'tūlgetūmōoa'gūnūl' k'tūngēsoolteba'ch 'nkūsēltūmōoa'gūnūk. Stūkā' nel ěle-hemoowōōkpūn N'mīhtakws ootūlgetūmōoa'gūnūl, ha n'tūngėss ookūsēltūmōoa'gūnūk.

11 Yootül kékwsäl keseyühoolāgwīl wēlamân noole'dūhasooagūn ēu ūkhūkāwōk, ha neaga wēlamân 'ooledūhasooagūnooōl oochīpsūnātasoo.

12 Yoot n'tūlgetūmooagūn, keloow' kūs-ēltootoolte'nea; stūkā' ēlekesīksēlmūlēkw, net na keloow' ūlīksēltooltīkw'.

13 Skat wēn agwām' lekesīksēlmooāoo tūhaloo wōōt tan ēlepoo'nūk oopūmowsooagūn ooche ooseewe.

14 Keloow' 'nseweūk ūlookhūteyēkw tan ēlgīmlēkw.

15 Skat agwōmk k'tūlme-lewehooloopa nootlookātūmūk; eebūchūl nootlookēt skat ookūjejetoo'ūn tan tēbēltūmūlejīl tan ēlookālīt: kānookūloo k'tlewehoolpa n'se'weūk, eebūchūl 'mseu kēkwsāl tanīl wējenoodūmanīl N'mīhtakwsūk k'takenooēhtoolneapūnīl.

16 Keloow' skat kūmūkūnebakoopūn, kānook keloow' nel kūmūkūnūloobapūn, ha ēloohēgalēkw pūn, wēlamân k'tūleulte'nea, ha neaga k'mīnkase'nea, ha tan ēlemīnkaseēkw oomājeme-ūngēsoo. Welaman 'mseu' kēkwsāl ooche-wekoodūmēk' N'mīhtakwsūk n'nooesooūnūk, kūmīlkoonea'ch.

17 Yootül kēkwsāl ēlkīmāgwīl wēlamân kūsēltoolteba.

18 Ooskīt'kūmīkw akwetūhamlā'kw, kūjejetoo'nea n'takwe-tūhamkoonāpūn nel mēskw keloow' akwetūhāmloowāk'w.

19 Ooskīt'kūmīkw tūlāowoolteēk'w, ooskīt-

kūmegoop ookūseltūmūnp' tan yoot nāgūm. Kānookūloo ooskitkūmīkw skat ūktūlāowoolteeba, kānook nel koojīmkūnloobapūn ooskit'kūmīkw, netwāje ooskitkūmīkw k'takwedūhamkoo'nea.

20 Mīkwedūhadūmook' yōōhoolēkwpūn : Nootlookēt skat peēmītpūseu skatūk tanīl tēbēltūmūlejīl : Nel kesewēhkanhetīt kelooow'ūch'ūna k'toowēhkan-hoogoowōk'ch. Saktūmootitsūpūn n'kūlooswagūn, neaga saktūnagoonūleh kelooow' ūkūlooswagūnooōl.

21 Kānookūloo 'mseu yootūl kēkwsāl tlēh-lūgoonea'leh ooche nooesooūnūk, cebūchūl skat oonūnowawewūl Tanīl pētūkūmītpūnīl.

22 Nel skat pūkūchehawōnsūpūn ha kūl-oolawōnsūpūn, skatūp ootēeunea lakūmīksooagūn. Kānookūloo tūkā'ch skadama ootēeu'nea tan wēje-kese-asooōhmootīt ootūlkūn-īksooagūnoowōl.

23 Tan woot akwedūhamīt nel, N'mīhtakwsūha ootakwedūhamal.

24 Skat ūlookāwōnsūpūn oohūkāwōk lookāwa'gūnūl tanīl mēskw wēn ēlookākwīl, skatūp ootēeunea lakūmīksooagūn oohūkāwōk. Kānookūloo tūkā'ch n'nūmehoogoonān ha neaga n'takwetūhamkoonān tūkweu nel ha 'Nmīhtakwsūl.

25 Kānookūloo nel ūlīhē wēhman kūl-ooswagūn tan eloōikhasik o bootoosooagūn ikōōk ūlīhē : N'takwe-dūham-koo'būnīk ooche pesooweu'.

26 Kānookūloo tan toocheu' Nooje-wōōl-
ēhlooēt pūkūcheha't, tan wētūkemookch
'Nmīhtakwsūk, M'chūchakw oolāmāwagūnā'
tan wējemachūhat 'Nmīhtakwsūk' Nāgūmch
nūspeuwōōlāmāwūkw.

27 Ha neaga kelooow-ūchūna k'nūspeuwōōl-
amhūteba'ch, eebūchūl wejāooeba wējēhtagā-
mūkūtā amskooōs majūhâ'k.

Chapter XVI.

1 Net wējeyōōhoolēkw yootūl kēkwsāāl wēl-
aman skat kūnābīskwōhmateepa.

2 Kooche-noodēh-lūkoowōk'ch emehāwīg-
wamūk. Choodēhchūloo tēbūnaskooīhak' e-
gēhēch' tan toocheu' tan wēn napūhoo'lakch
ledūhasoo'ch ootūlookāwōn Nūkskamūl.

3 Ha netūl kēkwsāl tūlēhlūkooneālch ee-
būchūl skat ookūjejahawewōl N'mīhtakwsūl,
kūsūna nel.

4 Kānookūloo wējeyōōhoolēkw pūn yootūl
kēkwsāl wēlaman tan toocheu tēbūnaskooīhak
egēhēch', mīkwedūhadūmūnea'ch kese yōō-
hoolneas'. Kānookūloo yootūl kēkwsāl skat
yōōhoolooēkkoobūnīl wējātagāmūk ūmskooōs'
ma'chahak, eebūchūl koowej-āyooloopapūn.

5 Ha tūkā'ch n'tūlih' Tan āit tan pētūkīm-
ītpūn, ha skat wēn kelooow' n'tūlepabēh'chīm-
koo', Tama' k'tūlih'?

6 Kānookūloo eebūchūl yōōhoolēkw pūn
yootūl kēkwsāl, wōōnmāje-dūhasooagūn
psūnēsooūl k'mūshooncoōl'.

7 Kānookūloo oolāmāwagūn yōōhoolēkw, koochekaneāwoolte'nea ēlemachūhae. Eebūchūl skat machūhawa'n Noojewōōēhlooēt skatūch pūkūchehāoo: kānookūloo machūhayan' n'pētūkīmach' āoolteēkw.

8 Ha tan toocheu pūkūcheha't, ookūlhūma'nch ooskītkūmīkw ooche lakūmīksooagūn, ha neaga ooche kēakwehāwagūn, ha neaga ooche ūtploodūmooagūn.

9 Ooche lakūmīksooagūn, eebūchūl skat oolāmsūtūmoonea n'hūkēk:

10 Ooche kēakwehāwa'gūn, eebūchūl N'mihtakwsūk n'tūlīh' ha kelooow' skatūch k'nūmecheepa agwōmk.

11 Ooche ūtploodūmooagūn, eebūchū ooskītkūmīkw ookīnchāmūs'ūmūl kesītplooda'sooūl.

12 Uktana'gwōōtool kēkwsāl māch āēanīl yōōhoolāgwīl; kānookūloo skat kese-pūmīp-toonēal tūkāch'.

13 Kānookūloo tan toocheu Wōōlamāwagūnā' M'chūchākw pūkūcheha't, k'nīkanowtek-āookoowōch' 'mscu' wōōlamāwagūn ikōōk. Eebūchūl skatūch ooche-kūloo'seu oohūkēk, kānookūloo tan kēkw noō'tūk ootāgūnoodūmūn'ch, ha k'mooskēhtagoonēa'leh tanīl kādeēgūhagīl.

14 Nāgūmūch' n'kechetūmetūhammūk'weh; eebūchūl wekwātoon'ch nel n'mūchēsoom ha k'mēssooēhtagoonēa'ch kelooow'.

15 M'seu kēkwsāl tanīl N'mihtakws āejīl.

nel netül n'müchěsoo'mül. Netwāje yōōhoolēkw pūn wēkwātoonch nel n'müchěsoom ha k'měsooēh-tagoonea'ch kelooow'.

16 Makeāwoos ha skatūch k'nūmeheepa, ha apch makeāwoos ha k'nūmehepach'.

17 Netwāje ankwōōch tanīhī ēgēhikemajihī yōōhooltootōō': Kēkwsāea' yoot yūhoolūkw? makweāwoos ha skatūch k'nūmeheepa, ha apch makeāwoos ha k'nūmehepach'? ha, Eebūchūl n'tūlīh' N'mihtakwsūk?

18 Netwāje yōōhooltootōō'k: Kēkwsā'ea' yoot tan wēskooōō'tūk? Makeāwoos? skat k'chejetoonāwīn tan eetūk.

19 Sāsoos ookūjējīhtoon ookūtepabēhijīm-koon; ha ootīha: Kooje-pabēh-chedool-tē'nea eebūchūl n'tetūmoopūn, Makeāwoos ha skatūch k'nūmeheepa, ha apch makeāwoos ha k'nūmehepach'?

20 Ulihē' ūlihē' yōōhoolēkw' kelooow' ūksasātēmooltepa'ch, ha koonmatēhmooltepa'ch, kānookūloo ooskītkūmīkw wōōledūhasoō'ch: ha koonmāje-dūhasooltebach; kānookūloo koonmājedūhaswa'gūnoowōl lekwoolpēhtas-ooōōlch' wōōledūhaswa'gūnūk.

21 Apet tan toocheu kēte nēmekwōōseelīt waseesūl, sēspādūhasoo eebūchūl ootēbūnas-koochagūm egēhē; kānookūloo kese nēmekwōōseelīt waseesūl, māch skat mekwedūhad-ūmoōūn oosēspādūhasooagūn edoochcooledūhasīt pūmowsooenooūl oonūmekwōōselīn ooskītkūmīkw.

22 Ha tūhaloo kelooow' tūkā'ch čeleheyčkw oonmāje'dūhasooagūn; kānookūloo apch k'nūmehoolpa'ch, ha k'mūshoonooōl ooledūhasoo-wewūl'ch, ha kooledūhasooagūnoowōl skatūch wēn wekwēhtagooeāl.

23 Ha net na keesook skatūch kčkw kweloodūmooepa'ch. Ulīhč, ūlīhč, yōōhoolčkw, tan kčkwsā wėje-kweloodūmčkw N'mīhtakwsūk nooesooūnūk, k'mīlkoonea'ch.

24 Tūkā'ch tūkkeu' mčskw kčkw kweloodūmootepa nooesoonūk. Kweoootūmootīkw ha k'mūsūnūmūnea'ch, wčlaman kooledūhasooagūnooōh p'sūntātasoo.

25 Yootūl kčkwsāāl yoohoolākwīl kwelooāwčstooa'gūnūk. Tčbūnaskooīhak ch'kooīhč tan toocheu skatūch kūlooloopa kwelooāwčstooa'gūnūk, kānookūloo pabčk-agūnootūmoolnea'ch N'mīhtakws.

26 Neet keesook wekoodūmānea'ch nooesoo'ūnūk; ha skat ūktīhooioopa pabatūmooāoolūpach N'mīhtakwsūk.

27 Eebūchūl N'mīhtakws Nāgūm kūselmūgooōh, eebūchūl kūmoosalepapūn, ha neaga koolāmsūtūm-ootene-apūn noojīhan Nukskamoo ikōōk.

28 Noochehapūn N'mīhtakwsūk ha pūkūchchapūn ooskītkūmīkw. Apch nūkūtūmān ooskītkūmīkw ha n'tūlīh' N'mīhtakwsūk.

29 Tanīk wėjekčhkemoojīk oohūkčk ootehawōl: Tūkā'ch ūkpabčkāwčst', ha skat kwe-looāwčstoo.

30 Tūkā'ch n'kūjeje'toonā'n k'nūkakeheje-toon m'seu kēkwsāl; ha skat kootūmetūhatūmooūn wēn k'pabēhchīmkoon. Ooche yoot wēje-wōōlam-sūtūm-ootečk kel koojihapūn Nūkskamoo ikōōk.

31 Sāsoos ootasedāma: Tūkā'ch koolām-sūtūmooteeba? Sagihtōōk, tēbūnaskooihak chkooihē, ha neaga egēhē, tan toocheu ūkse-sēhlūgaba'ch m'seu wēn weekūk, ha k'nūkannūkkūleba'ch n'pēskoodēch. Ha skat n'pēskooweu', eebūchūl N'mihtakws n'wejāakw.

32 Yootūl kekwsāāl yōōhoolēkwpūnīl wēlamān nel n'hūkēk wōntūkāooagūn ūkteēnea. Ooskitkūmīkw ūkteēnea wōōnmāje'dūhasooagūn; kānookūloo wōōledūhasooltikw: nel n'kesepeēmsūnootūmūn ooskitkūmīkw.

Chapter XVII.

1 Yootūl kūlooswa'gūnūl Sāsoos etūkūb'ūnīl, ha spūmūk spūmkeek ūlaboopūn, ha c-tūmoopūn: Me'takwe' tēbūnaskooihak egēhē k'chetūmetūhamā'n kwōōs, wēlamān kwōōs kechetūmetūhamūk kel.

2 Stūkā' kel ēlemiltūpūn ootūpēltūmūn m'seu n'hūk, wēlamān oomeclān askūmows-oogūn m'seu tanīhī miltūbūnīhī.

3 Ha yoot net askūmowsooagūn, ūknūna-goon kel tēpōōkt wēlāmāwe-Nūkskam-weūn, ha neaga ookūjejeha'nea Sāsoos-Newēskool tan pētūkīmtūpūn.

4 Nel kechetūmetūham-ūloopūn k'takūm-

eegook : n'kesātoon lookāwagūn tan meleūnpūn n'tūlooka'dūmūn.

5 Ha tūkā'ch, Me'takwe', oochīkehetūmetūhamen kel ūkhūkēk net k'chetūmetūhamkoosoo'gūn ikōōk tan neseēyūkwpūn mēskw kēhtakūmīgwenook.

6 N'takīnoowātoōnāpūn koocesooūn nīktūk pūmowsooenooūk tanīk wēje-meleūnpūnīk ooskīt'kūmīkw. Kel nēhkētkūk, ha kel k'melenūk, ha oosaktūm-ūncapūn ūkūlooswagūn.

7 Tūkā'ch ookūjejetoo'nea m'seu kēkwsāl tanīl kese meleūnpūnīl oochehē ūkhūkēk.

8 Eebūchūl kūlcosoo'gūnūl tanīl meleūnpūnīl, n'melanā'pūnīl, ha oomūsūnūmūneābūnīl, ha ookūjejetoo'nea oolamāwagūn ikōōk noojihan kel ūkhūkēk, ha oolāmsūtūmoote-neapūn k'pētūkemcepūn.

9 N'pabatūmooāwōk. Skat n'pabatūmooāootūmooūn ooskīt'kūmīkw; kānookūloo n'pabatūmooāwōk tanīk meleūnpūnīk, eebūchūl kel nīkt.

10 Ha m'seu kekwsāl tanīl nel, kel na neetūl; ha tanīl kel, na neetūl : ha nel wējīkchetūm-metūhāmkoose neetūl.

11 Ha nel skat agwōmk n'tūlmēeu ooskīt'kūmīkw; ha yooktūk ēooltooūk ooskīt'kūmīkw, ha nel n'pūkūche ācūn. Nūkskamwe-Me'takwe', ankāooōn yooktūk koosesoo'ūnūk tanīk meleūnpūnīk, wēlamān lepēskoowewūkch, stūkā' keloon ēlepēsoo'wēūkw.

12 Tan kwēne-wejehāmook, n'tūtūlankāoo-

abūnik kooesooñuk. Tanik yōōkt meleūnpūnik n'tankāooa'būnik' ha skatama wēn skwōōskā'daseu', tēpōōkt skwōōskēhlūtoogūn ookwōōsūl, wēlaman tan Nūkskamāwā' Wīkheegūn eetuk n'kekakesātasoo.

13 Ha tūkā'ch n'pūkūche tan āeūn, ha yootūl kēkwsāl ētleētūmanīl ooskīt'kūmīkw, wēlaman ooteē'nea nel nooledūhaswagūn n'kekapsūnātasoo oohūkāwōk.

14 Melanāpūn ūkūlooswagūn, ha ooskīt'kūmīkw ootakwedūhamabūnīhī, eebūchūl skat tūlāowoolte'weūk ooskīt'kūmīkw, stūkā' nel skat ēle-tūlāyaweu' ooskīt'kūmīkw.

15 Skat wekoodūmoolooūn kooje-wekw, wēhlan ooskīt'kūmīkw; kānookūloo kooje-ankāooanp mūdooāooa'gūnūk.

16 Skat tūlāowoolte'weūk ooskīt'kūmīk stūkā' nel skat ēletūlāyaweu' ooskīt'kūmīkw.

17 Ooche-nūkskāmāwāuēhlān nāgūmow koolāmāwa'gūnūm ikōōk; ūkūlooswagūn oolāmāwagūn net.

18 Stūkā' kel ēleūlgemeūnpūn ooskīt'kūmīkw nel, netna nāgūmow' ēlehūlgeemōōk ooskīt'kūmīkw.

19 Ha ooche nāgūmow nūkskamāwēhlūs, wēlamān nāgūmow ooche-nūkskamāwā-tasoolte'nea oolāmāwagūn ikōōk.

20 Ha skat tēpōōkt yookt n'pabatūm-ooāwow'eūk, kānookūloo neaga ooche 'mseu tanik ooche-oolāmsūtūmūn'ea n'hūkēk ookūl-ooswa'gūnūmoolkooōk.

21 Wělamân m'seu nă'gŭmow oopěskoo-e'nea, stŭkā' kel, Me'towkwē', ěleheeyŭn n'hŭkĕk, ha nel ŭkhŭkĕk n'tŭh, nă'gŭmow eooltooŭk'p ŭkhŭkāānook. Wělamân ooskŭt-kŭmŭkw oolāmsŭt'ŭmŭn kel ŭkpĕtŭkemee-pŭn.

22 Ha kechetŭmetŭhamkoosooagŭn tan meleŭnpŭn, nel 'nkesemelân, wělamân oopěskoo-e'nea stŭkā' keloon ělepěskoo'eŭkw.

23 Nel n'tŭh oohŭkāwŭk, ha kel ŭktŭh n'hŭkĕk, wělamân nă'gŭmow ookekawŭĕlepěskooĕhlan, wělamân ooskŭt'kŭmŭkw ookŭj-ejetoon'ch kel ŭkpĕtŭkemee-pŭn, ha ŭktŭle-moosalân nă'gŭmow' stŭkā' nel ělemoosa'leŭn.

24 Me'takwē', n'pawa'tŭmŭn tanŭk meleŭnpŭnŭk n'weĵāagoon tan āe; wělamân ooskŭt'kŭmŭkw n'kechetŭmetŭham-koosooagŭn tan meleŭnpŭn; eebuchŭl kŭsĕlmeepŭn mĕskw ooskŭt'kŭmŭkw kesetasŭnook'.

25 Uksŭsāuĕ-me'takwē', ooskŭt'kŭmŭkw skat k'nŭnagooŭnāweepŭn, kānookŭloo nel k'nŭnooloopŭn, ha yookt ookŭjejetooneapŭn kel pĕtŭkemee-pŭn.

26 Ha n'takenooātooŭnāpŭn kooesooŭn, ha n'takenooātoo'nch, wělamân ŭksĕlmŭkw-sooagŭn tan wĕĵiksĕlmeeyŭnpŭn eoop' oohŭkāwŭk, ha nel n'teŭp oohŭkāwŭk.

Chapter XVIII.

1 Tanĕk Sāsoos kese-eetŭkŭpŭn yootŭl kŭlooswa'gŭnŭl ŭlehāāpŭn māweu' tanŭhŭ

ëgëhkemajihĩ ũkamũk sebooses Këdlũnk, tan têt aĩkpũn 'npesoonkekân, tan nãgũm kësũh-hâtpũn ha neaga tanĩhĩ ëgëhkemajihĩ.

2 Ha Sooda tan ëhke'nooëhlatpũn ookũj-ejetoonãpũn yoot kũtakũmĩkwses, eebũchũl Sãsoos mëskeu' ootũlehanããpũn ha maweu'tanĩk wëtũkëhkemoojĩk oohũkëk.

3 Netwãje Sooda kese wekwëhla ooma-wõõhkân ooskedape ha neaga Pãlooseũk ha k'chepatũleasũk ooskenoosũmooõ, pëdabasoob'ũnĩk net têt pëdasëñũmatoo'bũnĩk ha pũsakwhënmagũnoohooltoo'bũnĩk, ha n'sa-koosooũnhooltoo'bũnĩk.

4 Netwãje Sãsoos ookũjejetoonããpũnĩl m'seu këkwsãl tanĩl këdeegũhagĩl oohũkëk, ha ootũle-hanãbũnĩhĩ ootehabũnĩhĩ: Wën kwelooëhëkw?

5 Ootasedãmawa'bũnĩl: Sãsoos Nasãlëtkãoo. Sãsoos ootĩha: Nel nũt nãgũm: Ha neaga Sooda tan ëkenooëhlatpũn oomowega-booinëbũnĩhĩ.

6 Netwãje kese yũhâtpũn, Nel nũt nãgũm sëtëiabasoob'ũnĩk ha m'sakũna-tës-ol-too'bũnĩk, k'takũmeegook.

7 Netwãje apch oopabëh-chemabũnĩhĩ: Wën kwelooëhëkw? Ha etũmootoo'bũnĩk: Sãsoos Nasãlëtkãoo.

8 Sãsoos asedamat: K'tehooloobapũn nel nũt nãgũm: netwãje kwelooõhyãkw kesëltũmwõõk nektũk oomãjeabase'nea.

9 Welamãn kũlooswagũn ũlĩhë tan

ectümünpün' Níktük taník meleünpüník
skatama wën n'kúskahlao.

10 Net Semoo Peāl tümookëhtüheegün
ootēn ha oonâ'kwakātoon, ha ootükūmal
'kchepatül'eas ooskenoo'sümül ha oomüntēh-
mooōn enakatooā oochâlgūs. Yootül ooske-
noo'sümül lewe'sooül Malkūs.

11 Netwāje Sāsoos ootīhal Peālül: Pesēht
apch petūlow'ünük ūktümkwëhtüheegün:
tooūsmoo'teül tanil N'mihtakws melitpünil,
skatūcha'l nūkahlow'?

12 Toocheu' noopāusāwīn ha neaga kēp-
teenük ha ootāpūsēsūmooō Lēsweesük oota-
koonawōl Sāsoosül, ha cokūlpelawōl.

13 Ha tümk oopēje-kūlatükūnawōl Anūsk
eebüchül Anūs Keieep oosīlhoosül, ha Keieep
tūlikche-patūleasūweu' net peme'gütük.

14 Ha Keieep nūt nāgūm tan yūhatpūn
Lēswees mowāgūnootūmatīt ooche-kanewīnp'
pēskw ooskedap oochemēchenēn ooche pūm-
owsooenoo.

15 Ha Semoo Peāl ha neaga kütük noo-
tükēhkemoot, oonoosookooawōl Sāsoosül. Nūt
nootükēhkemoot oochīkchījekwōōsoo k'che-
patūleasooīkōōk, ha ūkūsāwījāwōl Sāsoosül
k'chepatūleas weekük.

16 Kānookūloo Peāl skēh khagūnük
kwōōchūmeu'. Netwāje net nootükēhkemoot
tan oochīk-chījekwōōsoo k'chepatūle..sooīkōōk
nootēhēha ookūloolāl pīlskwēseesül noojīskha-
gūnēleejil, ha ookūsāgeemāl Peālül.

17 'Toocheu' pīlskwēsēs noojīskhagūnēt ootīhal Peālūl: Skatea' kel pēskw tanīk nootūk-ēhkemajīhī woot ooskedap? Eetūm: Nel skat.

18 Ha nootlookhūteejīk ha neaga ōpūsāāsūk net tet skūltooūk; kesūtotooūsoowōōk mūgūseūl, eebūchūl ūtkāoo, ha tūle-oooolto-ōūk, ha Peāl oomowegabooīn' ha tūloo-oooso.

19 Netwāje k'chepatūleas pabēhchemāl Sāsoosūl ooche ēkēhkemajīhī ha neaga ooche ootūkēhketooagūn.

20 Sāsoos ootasedāmāl: N'mēsōoe-ooskoo-oodūmūnāpūn ooskīt'kūmīkw; mājemēu' n'tūtīlūkēhkegēmeepūn hemeāwīgwamūk, ha neaga k'chehemeāwīgwamūk, tan tet 'mseu Lesweesūk ētlemowehatīt. Ha mēskw kēkw kegemeu' n'teetūmookoopūn.

21 Kēkwsā' nel wējepabēhche'mēūn? pabēhchemān' nīkt noodooītpūnīk. Sagīht, nā'gūmow ookūjejetoo'nea tan yōōhookpūn.

22 Yoot keseheetūk, pēskw noojītkwōōn-kēt tan kwīheu' sēhkēt, oosūkskātōōl Sāsoosūl ooseeskōōk, ootīhal: Net tēleasedāmūt k'chepatūleas?

23 Sāsoos ootasedāmāl: Wōbūlāwēstoo-ōnsūpūn oochīnspeuwōōlām' āwōbūlīhāk; kā-nookūloo woolāwēstooōnsūpūn, kēkw wāje tūkūmeūn?

24 Anūs ootūlīpchetakānūl kūlpe'sooūl Keie'pk.

25 Ha Semoo Peāl skēh ha oo-oooso. Netwāje ootēhawōl: Skat ēa kel pēskw nāgūm

nootükëhkemajih? Nāgūm eegūnāwě, ha eetūm: Nel skat.

26 Pěskooük nikt k'chepatül'eas ooske-noosūm, ootūlnābāmūl nāgūm tan oochalgūs Peāl mēntēhmooōtpūn, ootīhal: Skat ktütlenūme-hoo'loopūs kel n'pesoon-kekanūk neseu' nāgūm?

27 Apch netwāje Peāl eegūnāwě, ha woolēutě nabaha [ahām] mütēhtaksoo.

28 Toocheu ooche-majěp-ha'nea Sāsoosūl Keiepk, ha ootūlīphawōl k'chesakūmweegūk. Ha oospasake'u: ha nāgūmow skat ūkseabasse'weūk k'chesakūmowīgwamūk, wēlamān skat ootoogwōgwēh-tasool-teunea; kānookūloo wēlamān ookesemeje'nea nānkūmehagāwā' wīkhūpaltemūk.

29 Peloot netwāje ūlenoodūhat āoolteelīt ha eetūm: Kēkwsā' m'setooagūn pējīptooēkw woot ooskedap?

30 Asetēgūl-oosool-tooūk ha ootehawōl: Skat wōbūlookāwenoooweekoosūbūn', skatūp ūkmeloonāwīn kel.

31 Peloot netwāje ootīha: Kelooow' wekwēhlook ha t'ploomook, lītploomook tan ēlkūm'awīk ūkbootoosooagūnoowō. Netwāje Lēsweesūk ootehawōl: Neloon skat n'kesēl-tūmagāoon'āwīn' n'nāpahanēn' wēn.

32 Wēlamān Sāsoos ookūlooswagūn ūlīhē tan eetūkūpūn tanūp ūleegūn n'pooagūn napoochoht.

33 Peloot netwāje apch ūksahat k'chesa-

kūmow-igwamūk' ha nooihkweman Sāsoosūl, ha ootīhal: Kel net Lēsweesūk ookīnchāmūs-mūs-moowōl?

34 Sāsoos asedāmat: Koojewih'tūmun tā yoot kel ūkhūkēk? kūsūna kūtūkik k'tehoo'-goon ooche nel?

35 Peloot asedāmat: Nel ea' Lūswees? kel nēktōōkūmīkseeēkw ha neaga k'chepad-ūleasūk n'mīlkānāapūnīl kel. Kēkw kese-ūlookēps'?

36 Sāsoos asedāmat: Nel n'kīnchāmūs-wakīm skat yoot ooskītkūmīkw tūlāaweu'. N'kīnchāmūs-wakīm tūlāawīk yoot ooskītkūmīkw, nooskenoo'sūmūk ooche-megakhūtenea'p nel skat n'poonēhlūgāwūn Lēsweesūk oopete-noo-ow-īkooōk Kānookūloo tūkā'ch n'kīnchāmūs-wakīm skat tūlāaweu' tēt.

37 Peloot netwāje ootīhal: Kīnchāmūs-oo ea' kel? Sāsoos asedāmat: Kel kese-eetūmūn, eebūchūl n'kīnchāmūs-oo. Ooche yootūl wēje-nūmeekwōōseanpūn, ha ooche yootūl wēje-pūkūche-ayānpūn ooskīt'kūmīkw, nūs-peu-wōōlāmādūmūn oolāmāwagūn. M'seu wēn tan ētlaowīt oolāmāwa'gūnūk, jīksūt'ūmūn ēl'āwēstoo.

38 Peloot ootīhal: Kēkwsā' ea' oolāmāwagūn? Ha. kese eetūk yoot apch ootūle-noo-dūha'n Lēswees āooltelīt, ha ootīha: Skadama n'mūs-kūmooawūn āwōbūlāta'kw oohūk.

39 Kānookūloo k'tūlmahtooba n'poonēhlan ooche kelooow' pēskw nānkūmehagāwā' wīk-

hūpaltemūk. Koole-dūhadūmūn'ea netwāje nel n'poonēhlān ooche kelooow' Lēsweesūk ookīnchāmūs-ūmooōl?

40 M'seu' netwāje apch kīntakwsooltooūk, etūmootooūk: Skat woot, kēnookūloo Bala-ba's. Net Balaba's kūmootūnēsks.

Chapter XIX.

1 Toocheu' netwāje Peloot wekwēhlal Sāsoosūl ha oomatūhal.

2 Ha sūmagūnūsūk ootūlūskūn-wōtūmūn'-ea chetookā'pesoot' menooseā', ha oochetookā-pela'nea, ha mooskwōōnīmkwōōpēhtēh wesāgūnūsoot' oonasāhtooōnea.

3 Ha pētabase'neal, ha etūmootooūk: Koolasekoolpūn kel kīnchāmūsweūn Lēsweesoōikōōk. Ha ookaske-gwēhtahawōl.

4 Peloot apch ootūlihan ha ootīha: Sagīhtōōk, n'pējīpha āoolteēkw koojīkchīje-too'nea nel skat 'nmūs-kūmooūn patawēhka-sooagūn oohūkēk.

5 Netwāje wēchkooe-noodahat Sāsoos oopūskūmūn chetookāpesoot' menooseā', ha neaga mooskwōōn-īmkwōōpēhtēk wesā'gūnūsoot', ha ootīha: Sagīhtōōk ooskedap'.

6 Netwāje k'chepatūleasūk ha noojīkwōōnkateejīk nēmehatīt, ūksekowā-wēstoo-tooūk, etūmootooūk: Sedakwtaha'n! sedakwtaha'n! Peloot ootīha: Kelooow' wekwēhlook ha sedakwtoohook! eebūchūl nel skat n'mūs-hūmooūn patawēh-kasooagūn oohūkēk.

7 Lēsweesūk ootasedāmawōl: Bootsooso-

agŭn n'te'-enā'n : ha neeloon n'bootoosooa'-
gŭnŭn ělkŭmawŭk chooe-měche-něp' ; eebŭch-
ŭl ľěhlŭsoopŭn Nŭkskam ookwŏ'sŭn.

8 Netwāje Peloot noodŭk yoot kŭloos-
wagŭn, oopeāmesěksŭn,

9 Ha apch ŭksěhě k'chesakŭmowŭgwa-
mŭk, ha ootŭhal Sāsoosŭl : Tama' ktŭtlāyow' ?
Kānookŭloo Sāsoos skadama ootasedēmow'-
eŭl.

10 Toocheu' Peloot ootŭhal : Skat kŭl-
ooleu ? skat ŭkŭjejetooŭn nel n'teŭn tŭpěł-
tŭmooagŭn ŭktasedakwtŭhoo'lŭn ? ha neaga
n'teŭn tŭpěltŭmooagŭn ŭkpooněhlŭlŭn ?

11 Sāsoos asedāmat : Kel skatŭp ŭktē-
eewŭn tŭpěltŭmooagŭn ooche nel, skat ooche-
mŭl'oomook' spŭmŭk. Netwāje nāgŭm nŭt tan
melooět n'hŭk, peēmkekoon lakŭmŭksooagŭn
āŭt.

12 Net wějātagāmŭk Peloot ootŭkwāje-
booněhlal. Kānookŭloo Lēsweesŭk kŭntakw-
sooltooŭk etŭmootooŭk : Pooněhlŭt wŏöt
ooskedap, skat koosewāwewŭn Sesŭl. Tan
wěn kesěhlŭsŭt ookŭnchāmŭsooŭn, oonathŭm-
ooŭl Sesŭlŭl.

13 Netwāje Peloot nootŭk yootŭl kŭloos-
wa'gŭnŭl, oonootěphāl Sāsoosŭl ha ŭpěssoo
bootoosoo-agŭne-kwootŭpoot', tan tět lewŭh-
tasoo Lapskŭneegŭn owt, ha Lēsweesooŭdoo-
āmŭk, Gabbata.

14 Net kesook oolājooltŭn nankŭmeha-
gāwā' wŭkhŭpaltemŭk, ha tamahal' paskwě.

Ha ootīha Lēswees: Sagīhōōk, kīnchāmūs-mooōh!

15 Kānookūloo kīntakwsooltooūk: Ulmīpha'n! ūlmīpha'n! sedākwtūha'n! Pc'oot ootīha: n'tase'dakwtaha'ch kīnchāmūsūmooō? K'chepatūleasūk ootasedāmawōl: Skadama n'teewawīn kīnchāmūs tēpōōkt Sesūl.

16 Toocheu netwāje oopoonātōōnān'eal Sāsoosūl oopeteenooōk ootasedākwtūhaselīn. Ha nāgūmow wekwēhlawōl Sāsocsūl, ha ootūl-īphawōl.

17 Ha pūmegalal oochebeat-koomūl, ha ūlīhē net tan ēlewīhtasīk, Oosūgatūp, tan Lēsweesooōdooāmūk lewīhtasoo, Cōlgōta;

18 Tan tēt ētle-sedākwtūhatīt, nāgūm ha neaga sedākwtūhasooūk kūtūkihi nesoo wejāachihi, tūhēdooīkagoo, ha Sāsoos ā'baseu'.

19 Ha Peloot wesooūnhasoo āwīkhūk, ha oosasetaskēhtoon chebeatkōōk. Ha ūlooīkhasoo: Sāsoos Nasalētkāoo, Lesweesūk ookīnchāmūsūmooōl.

20 Netwāje yoot wesooūnhasoo ūktanākwsooūk Lēsweesūk ēketūmootīt, eebūchūl net ētlesedākwtōōhoot kweheu' oodāānēk; ha ūlooīkhasoo Lēsweesooōdoowāweu', ha Glekāwōdoowāweu', ha Iātūnwōdoowāweu'.

21 Netwāje Lēsweesūk ookechepatūleasūmooō ootīhawōl Pelootūl: Moo sak ūlooe-kūmookūch', Lēsweesūk ookīnchāmūsūmooōl: ūlooīkhūmoon'tak': Eetūmoopūn nel Lēsweesūk ookīnchāmūsūmooōl.

22 Peloot asedāmat: Tan keswikhūm, n'kesewikhūmūn.

23 Toocheu' sūmagūnūsūk kese sedakw-tūhatīt Sāsoosūl, wekwēhtooōn'eal oohūlgwootāwa'gūnūl ha oonāwīchpūnmūneal, ātāseu sūmagūnūs n'koojechpūt; ha neaga ootūpskwōōns. Net pūskoonas skadama legwōd-igūneu', ha ooche-maje-atūketa'hasoos'kwōōnaskweu malūmūtā ēmekān'.

24 Netwāje yōōhoodooltooūk: Chegow'skat skwōōskenā-too'wūkw, kūtootēhmow-tooltenēch tak wēnūch oomūchēsoom. Wēlaman Nūkskamwā Wīkheegūn tan eetūm-ooīk ūlīhē: Oosesēnmān'eal n'tūlkwōōtāwa'gūnūl, ha ookūtootēh-mowtool-tē'nea n'tūpskwōōns.

25 Yootūl kēkwsāl sūmagūnūsūk ēlook-hūteetītpūnīl. Ha kweheu' skūltooūk Sāsoos oochebeatkoomūk, Sāsoos wegoowōōsūl, ha neaga Male Clopūs oonesooeteejīl, ha neaga Male Mādīlān.

26 Sāsoos netwāje nēmīhat wegoowōōsūl ha neaga net noodūkēhkemoojīl tanīl moosalajīl sēhke kwīheu', ootīhal wegoowōōsūl: Apet, sagehan' kwōōs.

27 Toocheu' ootīhal noodūkēhkemoojīl: Sagehan' kegoowōōs'. Ha wējātagāmūk net tūpaskoodeegūn nūt noodūkēhkeemoot ootūl-īphal weegūk Sāsoos wegoowōōsūl.

28 Net agīmte Sāsoos eebūchūl ookūjejihtoon m'seu'kēkwsāl tūkā'ch n'keka-kesātasīn,

wēlamān Nūkskamwā' Wíkheegūn tan eetū-mooīk kesātasoo, eetūm: N'kūtoowōōsūm.

29 Net malikeēsees net ūpoo p'sūnpē pe-neegūl; ha oochīpsūnpātoō'nea sīnkūlateegūn, ha oonasakw'hūmūn'ea ha ootūlakw-hūmooōn'ea ootoonūk.

30 Sāsos netwāje kes mēs'ūnūk penee-gūl, eetūm: Kesātasoo ha ūlaagoo, ha ēkoo-lamoo.

31 Netwāje Lēsweesūk eebūchūl oolajoo-agūnekeesook net keesook, wēlamān m'hūk-eūl skatūp ēeuēūl chebeatkwikōōk atlasīm-coe-kesookūk, eebūchūl net atlasīmooe-keesook k'chekeesook net, oopagoowōōma'nea Pelootūl ookatooōl tūmīhtēhmoo-ootūp ha pūlewooplīphak.

32 Netwāje sūmagūnūsūk pēdabase'nea ha tūmēhtooōn'eal tūmkāwāāl ookatūl ha neaga kūtūkīl tanīl wej'e-sedakwtoohoot.

33 Kānookūloo pējeēē ūt Sāsosūl ha nēmehatīl oomēchenalīn tūkā'ch, skatama ootēmēhtooow'neal ookatūl.

34 Kānookūloo pēskw nīkt sūmagūnūsūk oosaphal ēpmēlwalīt tūkūteegūnūk, ha nūk-ūsaeu' pūgahkūn ha samagwōn wējesakhee-jooūk.

35 Ha nūt tan kese-nūmīhtakw kesīn-speuwōōlamēh, ha oonūspeuwōōlāmāwagūn oolamāweu', ha ookūjejlhtoon tan eetūk oolamā, wēlaman kelooow' neaga koolamsūtūm-ooteneap.

36 Ebüchül yootül këkwsâl wëjkesätasegil wëlamân tan Nükskamāwā' Wïkheegün edümooik, üläu: Pëskoon oosküneesüm skatüch tümëhtaseu'.

37 Ha apch kütük tan äwïkhasïk Nükskamāwā' Wïkheegün iköök, eetümooik: Ootüsagehawöl'ch nägüm tanil saphatitpünil.

38 Ha agimtë yoot, Soosëp tan tülā' Alimüteäk, tan Sāsoos oohükëk wëtükëhkemoot', kānooküloo ke'gemeu' eebüchül oonügaala Lëswees, pagoowöðman Pelootül ookesëltümagoon oomajëptooön Sāsoosül oohük: ha Peloot ookesëltümooön. Netwāje püküchehë ha oomajëptooön oohük Sāsoosül.

39 Ha neaga Nïkoodëm püküchehë tan tümk oopüküchehanāāpünil Sāsoosül ne'baeu', ha oopëjïptoon [n'pesoonül] mül ha alos wowëükihë tamaha'l n'koodât'kw kësitkeegoon.

40 Toocheu' wïhkwëhtoo'önea Sāsoosül oohük', ha wïsëgëhlawöl atoolhawā'günööl:, maweu yootül melöpookil: tan Lësweesük eelëhlahtit n'pooenooül pooskünatit.

41 Net tan tët ëtlesedâkwütühootpün n'pesoonkïkan ëüpün, ha n'pesoonkïkanük ëüpün pelā' pooskünegünalükw, net tët mësk wën mäch kese poonawünaweepün.

42 Netwāje net tët poonatit Sāsoosül ooche Lësweesük oolajoo-agüne-keesook-ümooowö; eebüchül net pooskünegünalükw kwiheu ëüpün.

Chapter XX.

1 Net ůmskoošāwā' keesook kese atlas-moekiskāk, Male Mādlān pūkūchehě poos-kūnīgūnalūgōōk wesūge-oospasweu' chěl māch pīskūtpookūt, ha nūmīhtoon pūnōpskw wěje-sāma-tasīks pooskūneegūnalūgōōk.

2 Netwāje kwōskwhoo ha oopūkūchehanūl Semoo-Peālūl ha kūtūkīl noodūkēhke-moojīl tanīl Sāsoos kēsēlmajīl, ha ootīha: Oo-chemājīphawow Uksakūmamūnooūl pooskūneegūnalūgōōk, ha skat n'kūjejetoonāwīn tan tēt poonatīts.

3 Netwāje Peāl machēhě ha kūtūk noodūkēhkemoot, ha pētkaootooūk pooskūneegūnalūgōōk.

4 Ha tūkweu' kwōskhooūk, ha kūtūk noodūkēhkemoot oonūkūlal Peālūl, ha tūmk pūkūchehě pookūneegūnalūgōōk.

5 Ha chetooōmkwēssīt ha oonūmīhtoonūl atoolhawēg'ūnool ēlagwāgīl, kānokūloo skadama ůksēhāwe.

6 Toocheu' Semoo Peāl oopūkūchehan oonoosootēhkooōl ha ůksēhě pooskūneegūnalūgōōk, ha oonūmīhtoonūl atoolhawēgūnool ēlagwāgīl.

7 Ha kasegūhoosoot' tan wīsātpēbesītpūn, skat wītāwe atoolhawēgūn īkōōk, kāncokūloo kesangūnasoo ha chpahtě.

8 Toocheu' netwāje kūtūk noodūkēhkemoot neaga ookūsahan, tan tūmk pēgūche-

hatpūn pooskūneegūnalūgōōk, ha oonūmih-toon ha oolamsūt'ūmūn.

9 Eebūchūl mēskw oonūstūmoonea tar-ēlwikhasik Nūkskamāwā Wīkheegūnūk, chōō oochenūmchēsoo n'pooa'gūnūk.

10 Netwāje nootūkēhkemoojik apch machēhkow-ootooūk wegoo-owīkooōk.

11 Ha Male skēh kwīheu' pooskūneegūnalūkōōk kwūchūmeu', tūldāmoo. Ha āp-tūdāmīt cheetooōmkwēssīt ha oopooteapūtūmūn pooskūneegūnalūgōōk.

12 Ha oonūmīha neesoo asāle wōbēgūn-ūhmook, ēbelejīhī pēskw ēlkwēsīnlītpūn, kūt-ūk ēlsedēsīnlītpūn Sāsoos oohūk ētēkpūn.

13 Ha asāleūk ootēhawōl: Apet, kēkwsā' wētā'meūn? Ootīha: Eebūchūl majēphawow' n'sakūmam, ha skat nkūjejeha'weūk tan tēt poonēhlatīts.

14 Kese eetūk yoot wēsweḡaboowēssoo ha oonūmīhal Sāsoosūl sēhkēlejīl, skatūloo ooktj-jejeha'weūl Oosāsooswelīn.

15 Sāsoos ootīhal: Apet, kēkwsā' wētā'meūn? Male ledūhasoo noojīn-pesoon-kekan-īhkēt, ha ootīhal: Sakūm, kel kese-majēp-hūtsūpūn, n'sūtoomooūn tan tēt poonūt, ha nelūch n'majēpha.

16 Sāsoos ootīhal: Male! Male kwōōl-pegā-boowēssoo ha ootīhal [Lēsweeswōdooā-mūk] Labone! tan eetūmooīk, Noodūkēhke-gāmīt!

17 Sāsoos ootīhal: Moo sak samēhlee-

kūch, eebūchūl māch mēskw noonagīhow N'mihtakwsūk. Kānookūloo ūlīh' n'sewēsūk āooltetīt ha k'tīhan, noonagīh nel N'mihtakwsūk' ha kelooow' K'mitakwsooōk, ha nel Nūkskamk, ha kelooow' Kūnūkskamooōk'.

18 Male Mādīān pūkūchehē ha pējīptooōn kūlooswagūn noodūkēhkemoojīk net nāgūm ookesenūmīhal Uksakūmamūnooūl, ha yootūl kēkwsāāl ookeseyūhōōchūl.

19 Netwāje net keesook wēlagweewīk amskooōsāwā keesook, kese atlase-mooekīskak, ha khagūnūl k'pahasoō'. ētle-mowe-hatīt nootūhkēhkemoojīk eebūchūl oonūgalawō Lēswees, Sāsoos pūkūchehē ha ābaseu sēhkēh, ha ootīha: Wōntūkāooagūn ēich ūkhūkāwōk.

20 Ha keseyūhat neetūl kūlooswāgūnūl oomēsawātoanūl oopetenūl ha ēpmēlwōt. Toocheu' noodūkēhkemoojīk wōōledūhasooltooūk nēmehatīt Uksakūmamenooūl.

21 Netwāje apch Sāsoos ootīha: Wōntūkāooagūn ēich ūkhūkāwōk. Tan ēle-ūlgēmītpūn N'mihtakws nel ēleūlgīmīlēkw kelooow'.

22 Kese eetūk neetūl oonēssāmootooōh, ootīha: Kūmūsūnawō Wējeoolenewēskwīt.

23 Tanīk wēnik ootūlkūmīksooagūnooōl 'nhēltūmooēkw, n'hēltūmooanūl: ha tanīk wēnik ootūlkūmīk-sooagūnooōl skat n'hēltūmooākw, skat n'hēltaseweūl.

24 Kānookūloo Tooma tan elewehoot neaga Tūkwēs, skat wejāoo-owībūnīhī tan toocheu' Sāsoos pēg'ūchehat'.

25 Netwāje kūtūkik nootūkēhkemoojik ootihawōl: Uksakūmamūn kese nūmehanoo. Kānookūloo Tooma ootīha: Skat nūmīhtooa-wōn' oopeteenūk chīlmeegil chīsūkheegūnūl, ha skat pejēh'tooōn (n'tūlooigūnīlch) n'pūskēlchawūn chīlmeegil chīsūkheegūnūl, ha skat poonēh'tooōn' n'peten ēpmēlwōt, skatūch noolāmsūtūmooūn.

26 Ha kese oogūmoolchīn kēsoogūnūkāk noodūkēhkemoojik apch mowīh'eyūk lāmīg-wām', ha Tooma wejāooō, ha Sāsoos pūk-ūchehē kha'gūnūl k'pahasooūl, ha ābaseu'sēhkēh, ha eetūm: Wōntūkāooagūn ēīch ūkhūkāwōk.

27 Agīmtē ootīhal Toomahūl: Chkooēht ūkpūskēlchowūn i sagīhtooīn n'petenūl, ha ch'kooīnskēs' ha poonēh't ēpmēlweī: ha moo sak kūlootūmookūch, kānookūloo woolāmsūtūmooūn.

28 Tooma asedāmat, ootīhal: N'sakūmām, ha Nūkskamūm.

29 Sāsoos ootīhal: Tooma, eebūchul kesenūmīhī kesewōōlāmsūtūmūn: wōōlāooltoo-ūk tanik skat nēmetootīkw, ha kese wōōlāmsūtūmūn'ea.

30 Ha ūktanagūtool kūtūkīl kenooōskoo-deegūnūl Sāsoos kesātakwpūnīl ēlkwābehalīt ēgēhkematpūnīhī, tanīl skat āwīkhaseenookīl yoot wīkheegūnūk.

31 Kānookūloo yootūl wējewīkhaseegil wēlamān kelooow'koolāmsūtūmūnea'p Sāsoos

Oonewěskooín, Nűkskam Ookwōösűl; ha wělamân kteēneap askűmowsooagűn ęleoolām-sűtűmękw.

Chapter XXI.

1 Agűmtě yootűl kękwśāāl Sāsos ārch leměsooělűsoo nootűkęhkemajűhű kwűheu' Teibeleűs oosoobākoom. Ha yoot ęleměsooěl-űsűt.

2 Mowooltooűk Semoo Peāl, ha Tooma tan lewesoo Tűkwěs', ha Nataneāl Cānāk Goolelętk tűlā, ha Sěbűde neesoo ookwōös', ha neesoo kűtűkűhű noodűkęhkemajűhű.

3 Semoo Peāl ootűha: Nājenűmęsōōk'. Ootűhawōl: Ha neloon na wejāoolűbűn. Unoomaje-abase'nea, ha tęběsooltooűk sloopűk, ha net pēműtpookak skadama kękw nāpatoo'eűk.

4 Kānookűloo ęhchęhkwōk Sāsos sęhkęh pēmamkűk; kānookűloo nootűkęhkemoojűk skat ookűjejahawewōl Oosāsosweelűn.

5 Netwāje Sāsos ootűha: Wasestōōk, ũkteēnea kękwśā' mechasűk? Ootasedēmawōl, Skadama.

6 Ootűha: Lejooōhpěhlook aap enakadook sloopűk, ha k'műskűműnea'ch. Netwāje chooōhpelatűt, ha tűkāch ootalooetęběh-lawōl kęsűptűhoogět nűmęs.

7 Netwāje nűt noodűkęhkemoot tan Sāsos kęsělmajűl ootűhal Peālűl: Uksakűmaműn nűt. Netwāje Semoo Peāl noo'tűmat

Uksakūmāmenocūl, oonasātoon ootūpskwūns, eebūchūl ěmēsūkāu, ha chooōpēlūsoc soobāā-gōōk.

8 Ha kūtūkīk nootūkēhkemoojīk hūkwa'-heyūk ūpūsoolgwah'mōōk, eebūchūl skat oopīhchēhkatūmoonea kūtakūmīkw, tamaha'l nesātkw' wōōskwōōnūk, ocpēje-sowpēkhocla-wōl a'peūl p'sūnpooūl nūmēsūk.

9 Netwāje kese natūkeiabaseetīt oonūmīh-too'nea skwōōtloosākūt'eūl, ha nūmēs tēsakweu ūlūsīn, ha hūpān.

10 Sāsoos ootīha: Ch'koolphook ankwōōch nūmēsūk tanīk tūkā'ch nāāpūhāāgwīk.

11 Semoo Peāl tēbēsoo ha ookapūteiāch-kwemal apeeūl, p'sūnpooūl k'chenūmēs', n'koodatk' chēl nanīnsk chēl nīhī; ha kēsītpūn skadama sūgwōōskēseu' aap.

12 Sāsoos ootīha: Ch'kooabasīkw, ha spa-sīhpooltīkw. Ha skadama wēn nīkt nootūkēhkeemoojīk oopējekenapēe'uūn oopabēh-cheman ootīhan, Wēn kel? eebūchūl ookūje-jehawōl Uksakūmamūnooeelīn.

13 Sāsoos pūkūchehē ha wekwēhlal hūp-anūl ha oomelān, ha neaga nūmēsā'.

14 Yoot tūkā'ch noohooāwā' ělemēsooēl-ūsīt Sāsoos tanīhī wētūkēhkemajihī oohūk-ā'wōk, keseuchenūmchēsīt n'pooa'gūnūk, kese abījeebēt.

15 Netwāje kesepoolteetīt Sāsoos ootīhal Semoo Peālūl: Semoo, Sona ookwōōsūl, ūk-peēmīksēlme skatūk yooktūk? Ootīhal: Aahū,

N'sakūmām, ūkūjejihtoon kūmoosalūn. Ootīhal : Sūmān' n'tūseepeesūn.ūk.

16 Apch ootīhal nesāwā': Semoo, Sona ookwōōsūl, kūselme? Ootīhal : Aahū, N'sakūmām, ūkūjejihtoon kūmoosalūn. Ootīhal : Ankāooan' n'tūseepūmūk.

17 Noohooāwā' ootīhal : Semoo, Sona ookwōōsūl, kūselme? Peāl oosegēltūm eebūchūl ootehoogoon noohooāwā' Kūselme? ha ootīhal : N'sakūm, kūnūkachejetoonūl m'seu' kēkwsāl ; ūkūjejihtoon kūmoosalūn. Sāsoos ootīhal : sūmān' n'tūseepeesūmūk.

18 Ulihē, ūlihē, yūhool', āwasesweūn, kūspilseepūn ha ūkpūmehapūn tan ēleooledūha'dūmūn. Kānookūloo k'cheuskijenoowehayūn, ūksooiptenēsūch, ha kūtūk'ch kūspeelūkw, ha tūlīphūkwch tan skatūch wēledūhadūmooūn.

19 Ha yoot wēje-eetūkūpūn oonūstōōhmūn tan ēleegūk n'pooagūn Peāl kēde-oochik-chetūm-etūhamat Nūkskamūl. Ha kese-eetūk yoot ootīhal : Noosookoowīn !

20 Peāl kwēlpegāboo-wēsīt oonūmīhal neetūl nootūkēhkemoojīl tanūl Sāsoos moosalajīl, oonoosookoowōl, tanīl neaga wēlagwīhpooltīm k'ēsitkwēsīkpūnīl oopūscoonūk, ha eetūmoopūn, N'sakūmam, tan woot nūt tan kēdoe-kenooēhlūsk ?

21 Peāl nēmīhat ootīhal Sāsoosūl : N'sakūmām, ha kēkwsāūch woot ooskeuap ūlookē?

22 Sāsoos ootīhal : Nel ūlewōōledūhadūman' ooteīn tūkeu' pūkūche'hayan', tama

koo-owche-hoogoon kel? Kel noosookoo'n nel.

23 Netwāje yoot kūlooswagūn wēje-machē-sisahak wījegendooltejk oohūkāwōk nūt nootūkēhkemoot skat'p oonēchenawūn. Ha Sāsoos skat ootīha-we'pūnīl skat oomēchenawūn; kānookūloo: Ulewōōledūhadūman' ootēēn tūkeu' pūkūche'hayan', tama' koo-owche-hoogoon kel?

24 Woot nūt nootūkēhkemoot tan nēs-peuwōōlamatūk yootūl kēkwsāl, ha ookes-wīkhūmūnēpūnīl yootūl' kēkwsāl, ha n'kūj-ejīhtoonān' oonūs-peuwōōlāmāwagūn ūlīhē.

25 Ha neaga ūktanagūtool kūtūkīl kēkwsāl tanīl Sāsoos kesātakwpūnīl; ha wīkhasegūp' ā'daseu', n'tūledūhad'ūmūn ooskītkūmīkw chā-lūp skat oonūkanūmoonūl wīkheegūnūl tanīl āwīkhasegūlp'. Amen.